

BERARDINI

R O T A E,
VIRI PATRICII,
C A R M I N A.

NUNC TANTUM AB IP SO EDITA.

ELEGIARVM
EPIGRAMMATVM
SYLVARVM SEV *Metamorphoseon*
Næna, quæ nuncupatur PORTIA.

LIB. III.
LIBER.
LIBER.



Cum facultate Superiorum.



N E A P O L I.

Apud Iosephum Cacchium
M D LXXII.

LECTORI.

CArmina, quæ non semel ab alijs, inscio huius
edita, legisti, ecce ab ipso nunc demum demptis
immutatisque plurimis legenda prodeunt.

AD VESPASIANVM

GONZAGAM

NAVARIAE PROREGEM,

ET EXERCITVS IMPERATOREM,

BERARDINVS ROTA.



Vix populos GONZAGA regis, dum
regnatueris,

Hac armis, illos lance, manuq; pari.

Quos et Iberus aquis, cingit quos caute Pyrene,

Quos & Cantabrigi perluit vnda freti.

Magnis tot curis tantillum si datur oci

Adscripta ut suesli nostra legenda redi.

Nec mirere nouum, nam frater Martis Apollo est;

Tu Dux, tu Vates inter verunque nites.

P A V L V S

M A N V T I V S

AD BERARDINVM ROTAM.



*Elix, cui licuit pleno bibere ore liquorem
Pegaseum, & magnis vatibus ire ducem.
Ingenium nomenq̃ tuum, ROT A candide, et ar-
Fama coloratos ducet ad Aethiopas, (tes
Ducet & ad Morinos, Lelegas, pictosq̃ Gelonos,
Et quā Riphæis nix iacet alta iugis,
Et quā Sol radijs rutilum caput exerit, & quā
Ceruleo labens conditur Oceano.
Serâque mors gelido cum clauserit ossa sepulcro,
Non tua Lethæis nomina merget aquis.*

* j

DIONYSIVS

ATHANASIVS

AD LECTOREM.



*N*oua mutari quicunque haud
corpora formas

*Posse putas; vatem perlegat
ille Rotam:*

*Inq̃ ipsum inueniet mutatos qua-
tuor vnum,*

*Tecum Flacco Albi, te Valeri,
atq; Maro.*

Hisq̃ duos addet: te dulcis nempe Terenti,

Arbiter Etrusca tēq; Petrarca lyra.

O mirum, & nulli credendum. corpore in vno

Illustres vna viuere sex animas.

AD PERAPHANVM
RIBERAM

PROREGEM NEAPOLITANVM,
IN BERARDINI ROTAE,
VIRI PATRICII

CARMINA.

DIONYSII ATHANASII
PRAEFATIO.



POESIM, PERA-
phane princeps optime, siue
ea sit ars, siue scientia, seu
potius, ut sensisse uidetur
Plato, res multo ceteris li-
beralibus disciplinis prae-
stantior, atq; diuinior, quae illas omnes ample-
ctens, illarum etiam omnium utilitates una ho-
minibus praeſtet, & carminis, ac numerorum
dulcedine mira animos iucunditate permulceat;
uetustissimã esse et nobilissimam cum doctissimi
uiri memoriae prodiderunt, tum ex literis sacris
id liquidò & manifestè apparet. Ex his enim no-
uimus, sapientissimos illos, ac sanctissimos hero-
as, qui summum atq; immortalem Deum loquen-
tem audire, eiusq; congressu frui meruere, & poë-
tas admodum claros extitisse, & ipsius Dei lau-
des, arcanaq; unigenae illius uerbi mysteria ele-
gantissimis uersibus explicuisse. In quibus qui-
dem

dem legendis neminem opinor tam immansuetū,
tam ferum, tam prorsus lapideū, ac ferreum
inueniri, qui non intimis sensibus permoueatur,
ac ab hisce terrenarum rerum cogitationibus ad
caelestium, & opificis Dei contēplationem non ra-
piatur. Pœtæ igitur cū dico, nō eos intelligo, qui
dum obscœnis suis carminibus diuino hoc pœti-
ces munere abutuntur, iuuenum animos inqui-
nant, nefarijsq; & flagitiosis appetitionibus im-
buunt, quos & leges cōrcent & ab urbe sua ex-
clusisse Platonem crediderim; sed eos, qui non so-
lum doctrinæ eruditione, & candore styli legen-
tium ingenium acuunt, iudicium augent, & ser-
monem expoliunt; sed etiam uirtutis & probita-
tis à se laudatæ praeconio animum ad honestas,
praeclarasq; actiones excitant, tum uerò inno-
centis uitæ exemplo ad bene, beateq; uiuendum
incendunt. Quales (ut Graecos, ueteresq; Lati-
nos praeteream) fuisse apud Hebreos ij, de qui-
bus supra attigimus, & apud nostros nostra, pa-
trumq; nostrum memoria Ioannes Pontanus,
Iacobus SannaZarius, Petrus Bemus, Iacobus
Sadoletus, Hieronymus Fracastorius, Hiero-
nymus Vida, Marcus Antonius Flaminus, pau-
ciq; alij non nulli. (Exiguus enim semper in om-
ni æuo summorum pœtarū numerus fuit.) Qui
omnes quanto in pretio apud maximos principes
fuerint, & ad quas dignitates, ad quos honoris
gradus

gradus pleriq; eorum fuerint euecti, notius est,
quàm ut meo, aut cuiusquã egeat testimonio. In
horum paucitate si quis alius, mihi maximè di-
gnus numerari uidetur Berardinus Rota, patri-
cius non minus, quã pœta illustris. Is nãq; a puc-
ritia animo, atq; ingenio præstās, et ad omnia uir-
tutum, & decorum genera propensus, cum alias
optimarum artium disciplinas excoluit, tum ue-
rò poëticijs studijs ita et natura, et iudicio est de-
lectatus, ut quã in ijs laudē cateri extrema in se-
nectute uix cōsequuntur, eam ipse intra primum
iuuentutis limē cum maxima sui nominis celebri-
tate sit adeptus. Etenim id atatis, cum graui sci-
mis interim curis distineretur, et parum cōmoda
ualetudine uteretur, varijsq; peteretur ingruētis
fortunatelis, immortalis, caelestisq; ingenij ad-
uersa omnia superāte, maiore pœmatum suorum
partem confecit. confecit autem plurima, eaq; ita
elegāter, ita luculenter, ita suauiter, ut musis, &
Apolline dictantibus excepisse uideatur. Quod
uerò admirationem auget, scripsit uno, eodemq;
tempore tum Latina, tum Etrusca lingua, sic, ut,
cum utraq; excellat, dubium sit, utra magis polle-
at. Sed de Etruscis Rotæ carminibus, cū ea ede-
remus, aperuimus sententiam nostram in præsa-
tione ad Io. Hieronymum Aquiuuium, Adriæ
Ducem. Nunc quid de Latinis sentiamus, dice-
re non alienum existimari. Ac mihi quidem in

Rotæ

Rota omnis generis pœmata intuenti, haud satis liquet, in quibus ille magis emineat: adeo sese in unoquoq; perfectum, atq; omnibus eloquentiae numeris absolutum ostēdit. Et ut ab elegis initium faciamus, in his ipse cum se totum ad Tibulli imitationem contulerit, ita & uerborum delectu, & numerorum lenitate, & aptè uagandi ratione, & integri, ac perpetui fili ductu, eius imaginem effinxit; ut cum eum legas Tibullum alterum legere uideare. In epigrammatis autem, præter inuentionem minimè uulgarem, & dictionem eius cultus plenam, quem Marullus in hoc genere carminis nulli adhuc Latinorum contigisse teste Rhallo professus est; quis collectam, & rotundam breuitatem nō amet? quis spicula, & sales, quibus exacuuntur, non probeat? & optimis quibusq; cum recentium, tum ueterū conferat dicam, an præferat? Insurgit sæpe, cum principum optimorum, & clarissimorum ducum laudes, & res gestas decantat, sic, ut in epigrammate quandam præ se heroicae grauitatis speciem ferat. Porro in ijs uersibus, qui nomen a syllabarum numero accipere, an horum temporum quispiam cum Berardino Rota congrédi audebit? cuius hendecasyllabi ita falsi, ita lepidi, ita uenusti, ita eruditi sunt, ut cui iudicium non desit, cum Catullianis, & siqui Catullianis magis probantur, certare, & palmam dubiam facere, ne

dicam auferre uideantur. In lyricis uerò, quan-
quā Sapphico magis quàm alio genere sit oblecta-
tus, purus in primis & tersus est, plenusq; Hora-
tiana illius iucunditatis & gratia, tum uarijs
floribus renidēs, & opportunus in locis pulcherri-
mis figuris ornatus. Quòd autem ad syluas, seu
metamorphoses, hoc est, ad uersus heroicos atti-
net; in his quidē Rota spiritus poëtici alis subla-
tus adeo sese in altum attollit, ut qui ad Maronis
sublimitatem propius accedat, neminē uideā. at
fabulae, quae in his cōtinentur, Dij boni quàm sunt
appositae, & rei, quā describit, cōuenientes: ut non
ab eo inuenta, sed è medio uetustatis erutae uide-
ri possint. Iam uerò in uniuersum qualis, quan-
tusq; est? Quis enim in inueniendo acutior, recen-
tior, locupletior? Quis in constituendo cōpositior,
aptior, accōmodatior? Quis in eloquendo luculen-
tior, splendidior, illustrior? Nonne semper aliquid
nouum, ac prius nō auditum, acutissimo illo inge-
nio suo adinuenit; inuentum, quae eius artis & iu-
dicij uirtus est, appositissimè instituit; institutum
diuina, quae, quicquid uult potest, facundia elegā-
tissimè, & felicissimè eloquitur? Numerorum
certè ea uarietas est, id artificium, is concentus,
ut legentium animi insolita suauitate perfusi, om-
ni se sentiant dulcedine liquefieri. Quid dicam
de decore rerum, personarum, temporum, & loco-
rum seruando? in quo Rota adeo & perspicax &
† uigilans

uigilans est, ut nihil quicquam ne criticis quidem relinquat, quod desiderari, aut reprehendi merito queat. In affectibus, ut de Euripide inquit Fabius, cum omnibus mirus, tum in ijs, qui cōmiseratione constāt, facile precipuus, & admirandus maximè est: quemadmodum nullo negotio & cognoscere poterunt, & experiri quicūque eos uersus legerint, quibus Portiam Capiciam coniugem, foeminam nobilissimam, pudicissimā, pulcherrimā, atq; omni ex parte lectissimam, importuna morte ereptam miserè, & insolabiliter deflet: quibusq; & quamplurimis alijs, quos in eius uita & Latine, & Etruscè conscripserat, illam, quam uiuam, & mortuam unicè dilexit, & diligit, merita immortalitate donauit. Illud minimè pratermittendum, quòd, cū Rota sui natura semper in sublime feratur, tamen relaxandi animi causa, demittit sese aliquando, descenditq; ad conuiuia: cum aequalibus celebranda, & amores cantandos: ea tamen adhibita moderatione, ut in lusbis etiam & mollioribus iocis nihil unquam obscenum, nihil scurrile, nihil sordidum, nihil ciuili, temperatoq; homine indignum effutiat: sed semper sui, hoc est, honestatis, memor, omnia plena pudoris, plena uerecundia, plena grauitatis et dignitatis enunciet. Sed nec silentio praeterundum, (quod in primis dicendum fuit) Berardino Rota neminem magis piè Deum colere, neminem principibus

principibus maiorem obseruantiam exhibere, ne-
 minem patriam charitate ardentius prosequi,
 neminem propinquos uehementius adamare, ne-
 minem in amicos & fide & officijs constantio-
 rem esse, neminem in omnes humaniorem, &
 profacultatibus suis magis beneficum. Verum
 ne singulas huius poëtae laudes, quod longissi-
 mum esset, persequi uelle uideamur; hoc uno tan-
 tum addito, locum concludemus, Berardini Ro-
 tae carminibus, doctorum, & bonorum omnium
 cōsensu, nihil esse perfectius, exactius, absolutius:
 itaq; illi quàm paucissimos cōparari posse, nemi-
 nem anteponi debere. Huiusmodi ego poemata in
 lucem emissurus cum essem, cum mea quidem
 sponte, rei praestantia motus, tum uerò impulsus
 hortatu Dominici Venerij, clarissimi, & do-
 ctissimi uiri, qui, ut est ingeniorum aestimator
 acerrimus, & poetarum summus & ipse poëta
 acquirissimus & candidissimus iudex, sic solet
 Rotae poemata laudare, ut admiretur; sicq; ad-
 mirari, ut quasi stupere in illis uideatur; non ab-
 re me facturum putauī, Peraphane princeps opti-
 me, & praestantissime, si quò gratiora omnibus
 forent, auidiusq; ab omnibus legerentur, tui
 nominis inscriptione ornarem, & ueluti noua
 ac diuina quadam luce illustrarem: quando
 quidem in te uno omnia ea ornamenta posita
 esse conspiciuntur, quae uel ad bonorum gra-

tiam promerendam, uel ad obrectatorū audaciā
retundendam plurimum ualere cōsueuerunt. Pri-
mū enim, si nobilitatem spectemus; eo es genere
natus, ijs imaginibus clarus, ea est auitae ditio-
nis latitudo, is gentilicius opum, atq; diuitiarum
splendor, ut ne ipsis quidem regibus faciliē hac in
parte concedas. Si uerò hisce, magnis licet & pul-
chris, relictis, ornamenta tua, & propria cōside-
randa suscipiamus; cum ea longē maiora, & pul-
chriora esse inueniemus, tum longē plus in te uir-
tutis, quā fortunae, aut naturae inesse, diudi-
cabitur. Vtq; nō laudes quidem tuas recenseam
(nam ea, sicut immensae sunt, & propē infinitae,
sic amplius theatrum requirunt) sed quaedam
quasi capita laudum tuarum aperiam, atq; ab ea
uirtute, quae uirtutum omnium est procreatrix,
& domina, incipiam; quis tui ordinis est non mo-
do in Italia, atq; Hispania, sed in uniuersa Euro-
pa, qui Christianae religionis & uerae in Deum
pietatis obseruantia sit cum PERAPHANO RI-
BERA conferendus? qui non modo es illius cul-
tor assiduus, sed etiam assertor, & uindex: qui
PHILIPPVM AVSTRVM imitatus, regem
post hominum memoriā maximum, & religiosif-
simum (apud quem cum alijs multis, iustissimisq;
de causis, tum hoc potissimum nomine tantum &
gratia & auctoritate uales, ut ille te & regiam
ipsius personā in isto nobilissimo, atque opulentis-
simo

simo Neapolitano regno sustinere uoluerit, & su-
um in Italia legatū, & suorum exercituum im-
peratorem constituerit) omni tuo studio, cogitatio-
ne, diligentia in eam curā dies, noctesq, incum-
bis, ut in populis fidei tuae cōmissis Christi Dei
fidem ab omni labe puram, integramq, conserues.
Nam quod attinet ad illam excellentissimā uir-
tutem iustitiam, in qua nō solum, quod Theognis
ait, caetera uirtutes omnes continentur, sed eius
etiam regula tanquam aurum Lydio lapide com-
probantur; eam tu ita perpetuo tenore, incredibi-
liq, constantia semper tutatus es, hodieq, tutaris,
ut iam omnibus pateat, in ea summum esse bonis
perfugium; malis certum exitium constitutum:
cuius quidem uirtutis legibus obseruandis,
muneribusq, perfungendis tantum apud omnes
reuerētia et uenerationis es consequutus, ut ne-
mo sit non modo qui abs te quicquam praeter ae-
quum, & fas, impetraturum se speret, sed iam
ne petere quidem audeat. Nec tamen iustitiā ita
seuerē unquā sectatus es, ut clemētia sis oblitus,
sed semper in summa iustitia clemētia summā
adhibueris. Nouam uerō illam uni tibi cognitā,
incognitam ceteris regendorum populorum ra-
tionem, quam in isti pro illorum pace, quiete, in-
columitate, & felicitate paranda, atq, tuenda,
quisnam aut sine summa admiratione cōtempla-
ri, aut non summis laudibus extollere in calum
poteft

potest? cum id consequi uideat, quod contendas.
Nunc de rei militaris scientia locuturo innume-
ra mihi clarissimarum rerum à te gestarum ex-
empla dicenda se offerunt, sed ego uno tantum egre-
gio, & singulari contentus ero, nempe admirabili
illo, & plusquam celeri Orani subsidio: cum tu se-
dens, & tanto cali, terra, ac maris intervallo dis-
iunctus, acerrima mentis tua providentia, consi-
lio, ingenio, nutu, noua, atq; inusitata celeritate
usus oppido illi, quod Christianorum in Africa
est propugnaculum, tempore subuenisti, miserrimi-
maq; illud fame, quam ferre diutius non poterat,
& grauissima, quæ premebatur, obsidione libera-
sti, hostili exercitu gloriosissimè fuso, & profliga-
to. Quod insigne, & præclarum facinus illustri-
bus factis tuis tantam addidit lucem & clarita-
tem, ut cætera ante à te gesta humano ingenio, &
humanis uiribus geri potuisse uiderentur, unum
id nunquam nisi cælesti spiritu, & diuina uirtu-
te confici potuisse sit existimatum. Itaq; rectè Ro-
ta in extremo illo pulcherrimo ea de re conscri-
pto epigrammate.

Quis te igitur poterit mortalem dicere? cum sis
Hoc etiam magno proximus ipse Ioui?

Præterea est in te excelsi, atq; inuicti animi ma-
gnitudo incomparabilis: est admirabilis constan-
tia: abstinentia uerò & continentia non horum
temporum, aut morum. Tanta insuper humani
tate

tate, & facilitate, tanta item patientia & benignitate uteris in populorum postulatis audiēdis, ut quemadmodum nemini unquam ad te eunti aditus est interclusus; sic nemo unquam à te descendens tristiore uultu sit uisus: Iam liberalitate, & beneficentia ita impensè delectaris, ut omnes, qui ante te idem istic imperium administrarunt, longopost te reliqueris intervallo: & quanquam plurimum potes, & plurima cōfers; omnes tamen intelligunt, te plus conferre, & benefacere omnibus uelle, quàm possis. Es tu quidē splendidus, & magnificus, non ad ostentationem, & superuacuum quendā cultum, ut multos tua classis saepe uidimus, sed ad domesticum splendorem tantum, & personae tuae, et regis, quem refers, amplitudinē, & maiestatem cum dignitate retinendam. Eximiam uerò istam tuam in uiros doctos, & studijs nobilium artium claros uoluntatis propensionem tacere qui possum? quam cum in compluribus alijs, tum uerò in Berardino Rota maximè declarasti; siquidem illum ob ingenij praestantiā, & in poeticijs studijs elegantia, aliarumq; uirtutum excellentia tantifacis, tamq; carum, & familiare habes, ut nec Terentiū Laelius, et Scipio, nec Horat. et Virg. Mecoenas, et Augustus pluris fecerint, aut cariores habuerit, et magis familiares. Haec sunt Peraphane, princeps optime, & sapientissime, illa laudū tuarū capita, nō oīa, sed precipua, quae cōstātis famae predicatione audita, &

probatissimorum hominum testimonio perspecta
& cognita, hic commemorare uisum fuit, non ut
hac laudatione gratiam tuam aucuparer, cuius
tamen aliqui sum cupidissimus; sed ut omnibus
planum facerem, quam iure & meritò aureum
hunc Rota libellū tibi dicauerim, qualemq̃, quan-
tumq̃, illi, quibusq̃, artibus instructum, quibusq̃,
insignem uirtutibus patronū quasierim. Sed nec
defuerunt alia etiam causae, quae me, ut hoc face-
rem, impulerunt. Ex quibus illa non leuis, quòd
cum scirem, Berardinū Rotam, te instar terreni
cuiusdā numinis piè ac sanctè colere, & uenerari;
uerissimarumq̃, atq̃ amplissimarum laudum
tuarum laudatissimum, indefessumq̃, esse praeco-
nem, quarum quidē laudum pars nō poenitenda
in hoc ipso libello cōtineretur; neminem uidebam,
cui rectius et decentius, quàm tibi, deberet inscri-
bi. Nunc reliquū est, ut eo uultu, eoq̃, animo Ro-
tae pœmata accipias, & cōplectare, quo uultu &
quo animo Rotam ipsum accipere, atq̃, amplexa-
ri soles: easdem suauitates in eius carminibus &
stylo inuenturus, quas in moribus, & uitae cōsue-
tudine quotidie sentis, & experiris. Dionysium
uerò Athanasium (si qua ratio habenda mei sit,
quādo ego me tibi, quātulus, & quali cunq̃, sum,
iampridem totum addixi) in eorum numero, qui
tui sunt studiosiores, tibiq̃, magis ex animo fau-
sta omnia, felicia, prosperaq̃, precantur, habere
nō dedigneris.

BERARDINI

R O T A E
VIRI PATRICII
ELEGIARVM

L I B E R P R I M V S .

E L E G I A I .

PARCITE, vera loquor, iuuenem quis damnet aman-
 Quippe senex animus, charta puella fuit. (tem?
 Lusimus, haud vacui venturo scripsimus aëo:
 Lactari rerum turbine iussit Amor.
 Vidi ego cum flerem vicini ad litoris oram,
 Flectier hinc scopulos, flectier hincq; fretum.
 Tu, nimboſa tamen ceu ſpernens flamina cautes,
 Surdior es scopulis, ſurdior vna freto.
 Una Nigella mei dulciſſima cauſa furoris,
 Una mihi ingenium, carmen & vna mihi.
 Et ſi ſæpe ſolet lacrymis Cytherea fauere,
 Nec leue amatorum pondus ineſt lacrymis.
 Oenones gemitu Phrygius plorauit adulter,
 Fleuit & Aeſonides, dum gemit Hyppſipyle.
 Sæpe Anchifiades fletu commotus Eliſæ
 Tentauit magni ſpernere iuſſa Iouis:
 Ac ſine me, dixit, Troiana abſcedite puppes,
 I, pete mactæ puer debita regna tibi:
 Sit tua Tarpei fatalis gloria collis,
 Sint ſpolia, & quicquid Roma futura parat:

A N i ſ a s

ELEGIA RV M

Nisi sat erit Tyria tantum servire puellæ;
 Non tanti faciam Iuppiter astra tua.
 Quid nequeunt gemitus? fletu testudinis Orpheus
 Fregit Tartarea ferrea claustra domus.
 Tunc ad Threicios numeros sua saxa reliquit
 Sisyphus, & refugas Tantalus hausit aquas.
 Tunc oblita sui fixo rota constitit axe,
 Pendula tunc terror desijt esse silex.
 Solus ego incaßum queror, incaßumque peruror,
 Et solum nostros spernit Amor gemitus.
 Nec tantum vndarum centum trahit amnis auctus
 Eridanus, latis cum furit imber agris;
 Quantum fuderunt lacrymarum lumina nostra,
 Ex quo me tristi turbine iactat Amor.
 Nec tantum flammis seruet Trinacria rupes,
 Aestuât aut medij fluctibus Inarime;
 Quanto curarum flagrauit pectus ab astu,
 Ex quo dire puer bella secunda paras.
 Dire puer cur bella moues? quæ uis ira laceßit?
 An forte hæc eadem, quæ mea, flamma tua est?
 Pone metum, quando laceri sum corporis umbra,
 Una puella tuus victa triumphus erit.
 Sum cinis ecquid agis? cineri quæ pœna sepulto?
 Non ego, crede mihi qui noua bella feram.
 Umbra sumus, nullos tenuis dabit umbra triumphos;
 Umbra sumus, nihil est, quod modo corpus erat.

ELEGIA II.

Bella sequar, galeæque tegar, gladioque minaci
 Cingar, id manibus Martia tela date.

Hoc

Hoc iuuat , hostili non sum qui terrear ense :
Mollis amans didici vulnera dura pati .
Frigora iam didici , didici iam ferre calores ,
Ducere nunc noctes , nunc sine pace dies .
Sunt iidem Veneris comites , sunt Martis & iidem
Rixa , timor , letum , bella , pericla , furor .
Quàm iuuat obscura radiantes nocte cohortes
Cernere , & insueta tendere ab arte dolos .
Mox manibus conferre manus , fatúmque ciere ,
Ac victo exuuias hoste referre domum .
Huc veniat mea vita , leues comitentur Amores :
Digna est , quam nunquam deserat ipsa Venus .
Ipsa Venus nemore Idalio persape choreas
Edocuit , nitidas disposuitque comas ,
Castra amet , intactas fama est bellasse puellas ,
Testatur certa Penthesilea fide .
Clangorémque tuba , currúsque audire ruentes
Gestiat , & tremula tympana pulsa manu .
Ediscat gestare enssem , clypeúmque sudémque ,
Atque graui lassos are leuare humeros .
Una ministret aquam , cùm findit Sirius agros :
Una ignem properet , cum riget acris hyems .
Sic mihi vel duri sint cara incommoda Martis ,
Sic mihi nulla fera cadia militie .
Hæc eadem bello Martem comitata solebat
Sedula , mirus amor , munia obire Venus .
Nec puduit liquisse polum , terrisque negasse
Lumina , non vlla deperitura die .
Sola ibat , non cura illi Charitése , iociue :
Unus adest matris semper Amor lateri .

E L E G I A R U M

*Ah Venus ecquid agis? posthac quis numen adores?
 Quò tua forma potens, quò tua regna Paphos?
 Iam galea tenues potes ò fregisse capillos,
 Iam ferro teneras ledere saeva manus.
 Et tamen una audes, medijs dum certat in armis,
 Eripere armato tela cruenta Deo.
 Te non bella decent atro perfusa cruore,
 Non tuba, non rapido concita rixa pede.
 Te bona pax, canusq; hilares, citharaq; choriq;
 Téq; decent blandi praelia grata tori.
 Quid moror? arma iuuant, iuuenem iam castra sequentem
 Admoneant clari satq; superq; patres.
 Admoneant fratres pulchra modo cade perempti,
 Orbata fratres lumina cara domus.
 Felices nimium fratres, quibus atra refluxit
 Summa dies, lucro mors quibus ipsa fuit.
 Pro patrijs cecidisse focis quid dulcius? aut quid
 Pulchrius? hac magnus gloria digna viris.
 Ibimus, ò mecum doctæ properate sorores,
 Ibimus, hæc chartas, hæc ferat arma manus.*

E L E G I A III.

*Ad Alfonsum Rotam fratrem
 Iani Calendæ.*

Subtrahe te paulum magnarum pondere rerum
 Nisi Rota, dum patrios perlegis ipse iocos.
 Ianus adest festa præ. inctus tempora lauru:
 Adde puer nigris arida ligna focis.

Pendula

Pendula Acidalios effundat citrus odores,
Antiquo crepitet laurus adusta lari.
Ianus lactuæ largus dator, & nouus anni
Nuntius, ut prisca iam coluistis aui.
Annua felici discurrunt muner a pompa,
Munera concordis pignus amicitia.
Hac veniunt pictis bellaria sparsa canistris,
Hac liba attrita melle recocta nucis.
Parte alia Hesperios longè superantia ramos
Servata inuitis aurea poma Notis.
Hinc salt agrestis Nympharum turba canentum,
Ordine quas vario pensile tardat onus.
Hac sale durata dono fert terga ferina,
Hac fert vimineis lactea frusta casis.
Hac modo decerptas spoliatis vitibus vuas,
E quibus optores neçtere Bacche comas.
Hac gerit arbutos corallia rustica sætus,
Ille hædum, hæc turdos, hæc sine teste capum.
Hac mala Aurora roseos imitantia vultus,
Appius & quæ olim, quæ Deciûsue dedit,
Uillica pellit humum pedibus, corpusque reflectit,
Dum strepit imparibus tibia carminibus.
Cuncta hilari circum responsant compita plausu,
Syluestres iterat fistula curua modos.
Crederet, hæc si quis spectacula forte videret,
Turrigera feri sacra cruenta Dea.
Hinc pueri exercent choreas, currantq; per urbem,
Pini fera hinc pulsant limina amica manu.
Alternisque canunt domino bona verba precantes,
Missæque de tectis ara minuta ferunt.

E L E G I A R U M

Sit dominus, clamant, diues; sit coniuge felix,
 Et videat proles semina longa sua.
 Candida cui niteat lux hac, cui candidus annus
 Adueniat fausto, mox redeatque pede.
 Iane pater, laetis primus tu festa Calendis
 Diceris, & ritus instituisse novos.
 Nam cum forte tuas sacra Tybride Nympha medullas
 Ureret, & tristi seruitio premeret,
 Non puduit (licet ipse aris, temploque verendus,
 Ac geminum inficeret cana senecta caput)
 Sapius errantem patris prope litora Nympham
 Nequicquam assidua sollicitasse prece.
 Ah miser, ah quoties pigro cuncta flumina cursu
 Sunt visa ad gemitus sistere Iane tuos.
 Ah miser, ah quoties muscoso Nasades anetro
 Duxere inscriptis tristitia verba notis.
 Quinetiam perhibent mæstas iterasse querelas
 Rustica ab arboreis numina corticibus.
 Ast ubi iam lacryma duram nequiere puellam
 Flectere, tunc alia parte requiris opem.
 Muneribus tentare paras, quid munere maius?
 Debetur paruis gratia muneribus.
 Iam capitur, iam capta tuo blanditur amori,
 Iamque fouet gelidum blanda puella senem.
 Hinc venit antiquus mittendi muneris usus,
 Mutuus hinc paruo munere parvus amor.
 At mihi quidue usus prodest? quid munera profunt?
 Colligitur nulla dura Nigella prece.
 Mors superest, moriamur, habet mors gaudia certa,
 Qua valet aeterno demere vincla iugo.

Elegia

ELEGIA IIII.

Define venantem toties te credere sylvis :
 Sylva quoque insidijs non caret ipsa suis .
 Desine vitæ nouo miserum torquere periclo :
 Si viuam , fies carmine nota meo .
 Rapta Elis ah nuper nocuit formosa videri ,
 Iteu nocitura nimis dona beata Deum .
 Namq; vagas linquens comites , dum se tulit vltra ,
 Optatam vitrei querit , & amnis aquam ;
 Vicinosque petit saltus , syluasque videntes ,
 Saltibus , & syluis plurimus ardor erat ,
 Luciduli fontis quasitam repperit vndam ,
 Quæ leuiter circum gramina picta salit :
 Dùmque stupet , speculòque imi se prospicit amnis ,
 Fons calet , & blando murmure flagrat aqua .
 At vbi tentat eam haurire , & iam brachia tendit ,
 Brachia tendentem nescio quis retinet .
 Tum Nympha incaßum socias compellat , at vna
 Eriphyla accurrit cara Elis Eriphyla .
 Vna adit : at postquam circum nemus omne pererrat ,
 Nec datur hanc vsquam cernere , clamat Elin ,
 Clamat Elin , nemus omne & Elin , vallésque supina
 Dant Elin , ingeminat fons Elin , antra & Elin .
 At si furtim parum hæc terrent , succurrat Adonis ,
 Et madidus multo sanguine dirus aper .
 Dum ferit ille feras , nemorosaque lustra recursat ,
 Fata sibi , & Veneri quot peperit lacrymas ?
 Audeat hæc fortis venator comminus , vni
 Sat tibi sit vigilẽ fallere posse gruẽ .

E L E C I A R U M

Sat tibi ferre humeris calamos, contextâque lina:
 Non bene cum tenera copula dura manu.
 Intereâ quacunque tuo fera concidet ictu,
 Non cadet, at viuet qua tibi casa cadet.

E L E G I A V.

Ad Nicolaum Ant. Brancacium.

Brancaci nostra dulcissime nate sororis,
 Brancaci Idaliæ pars bona militiæ,
 Dum querimur, tectosque animi tibi pandimus æstus,
 Da lacrymas, lacrymis digna querela tuis.
 Nulla vel infide retrahat te cura puellæ:
 Quid tibi cum Fausta? perfida Fausta tua est.
 Castus amor meus est, casto sit testis amantis,
 Quem retinet firma copula vincula fide.
 Ite procul, sanctos quos inuit fallere amores,
 Rumpere quos pretio mutua vincla malo.
 Roma tenet, inuenique Venus nec parcat alumno:
 Ipsa sua regnat senior vrbe Dea.
 Sine ego Tarpei superem fastigia cliui,
 Seu Caci interdum tecta profana petam,
 Sine Euandrei sacrata palatia collis,
 Seu visam claris culta theatra viris;
 Una mihi ante oculos semper versatur imago,
 Una mihi Roma est, vnâque cuncta refert.
 Hinc mihi mille faces blandi iaculantur ocelli,
 Hinc tendunt nitidæ retia mille comæ.
 (redebam patrio calo, laribusque relictis,

Téque

Tēque mei in primis causa Nigella mali,
 Posse vel immici paulum indulgere dolori,
 Posse vel aufugiens tanta leuare mala. (tem
 Et tamen vsque Amor insequitur, tamen vsque cadē-
 Sæua premis, nullum profugiūmue datur.
 Nusquam parca quies, nusquam pax tuta reperta est:
 Terras, non mentem transfuga mutat amans.
 Te quoque sperabam, postquā noua sacra peregi,
 Placari votis Cypria surda meis:
 Sperabam, sed vana diu spes lusit amantem,
 Dura magis quando sentio regna tua.
 Nōne illa es, Phrygio quæ nescis parcere nato?
 Nōne truci medijs fluctibus orta mari?
 Parce Dea immeriti tandem miserere, quid urges?
 Parce rogo, ah victo quis nocuisse velit?
 Ipse ego, qui primis tua castra secutus ab annis,
 Ipse ego qui regni gloria magna tui.
 Et si non Parijs posui tibi templa columnis,
 Nec colui sanctos thuris honore focos;
 At tibi sede mei secreta pectoris aræ
 Erexi, & potui sacra parare noua.
 Non iam farre pio, non extis rite perustis,
 Accensa puro non vel ab igne face;
 Sed lacrymis, imo manant quæ pectore, sed qui
 Profluit ē nostris sanguine visceribus:
 Sed flamma æternū vigili. æternūque perenni,
 Cui possit merito cedere Vesta tua.
 Te maiora manent dignam maioribus ausis,
 Te decet inuicto bella mouere polo.

E L E G I A R U M .

Sentiat ipsa tui letalia spicula nati
Turba Deum, domina seruiat vna tibi.
Percurraat rursus Peneia flumina Phæbus,
Discat & Admeti pascere rursus oues.
Discat & athereas inuitus Iuppiter arces
Linquere, mox medio mugiat ipse salo.
Coge iterum positis Martem mutescere telis,
Coge rudi Alciden ducere pensa manu.
Desine iam in cineres posthac sauire sepultos,
Non sum prada satis nomine digna tuo.
Si tamen omnino pereundum, si fuga nusquam est,
Nec coram domina flente perire iuuat.
Una suprema pio persoluat funera fletu,
Dicat & hæc scis ad mea busta comis.
Castus amor, nostri castissima flamma poetæ,
Dignus erat longum viuere, & igne pari.

E L E G I A VI.

Ad Antonium Epicurum.

Quaris vt Herculeæ fatum lacrymabile Nympha
Sit noua nunc chartis fabula picta meis.
Est Epicure nefas tam cari iussa sodalis
Spernere, sancta iubet lex ita amicitie.
Te duce virgineis prima ora admoimus vndis,
Vidimus & sacrum religionem nemo.
Te duce Castalium pueri penetrauimus antrum,
Cœpimus & tenuis tangere fila lyra.
Hercullana olim Sebethi filia, qua non
Et forma, & cantu dignior vlla fuit.

Cui Falcona oculis cedebat, non tamen Aegla,
 Cedebat cultis Antiniana comis.
 Non illi Venus est cura, non cura Hymenai,
 Lata sat intacta virginitate frui.
 Tantum hami, calamiq; iuuant, contextaq; tantum
 Lina placent, & quæ litus & vnda parat.
 Sape olim Rex ipse salu miratus euntem est,
 Et medijs hæsit penè perustus aquis.
 Ah quoties vireo Proteus miseratus ab antro,
 E quo certa Deus dicere fata solet,
 Sebethe en video male cauta funera nata
 Dixit, habet cupidos terra fretumq; Deos.
 Forte aderat tauros perducens victor Iberos
 Alcides nostris aduena litoribus:
 Vidit, & insuetos imis bibit ossibus ignes:
 Mox Nympham hæc tremula voce locutus adit.
 Quem fugis? ah me Nympha fugis? quem iussa nouerca
 Fecere iniuncti nomen habere Dei.
 Alcides Ioue natus amat, Iouis vnica cura,
 Sed mihi quidue Dei nomina quidue patris?
 Quid possim scire terra, sciunt quoq; Tartara: nulla est,
 Quæ non victrices senserit ora manus.
 His domitus superas Stygius canis horruit auras,
 His aper, his cæsus regmina nostra leo.
 Non alijs iacuit taurus, draco concidit armis,
 Non madidam Cacus sanguine fecit humum.
 Quid matrem Antæo, dira quid profuit Hydra
 Hercule septenum vindice habere caput?
 Quid tibi tot variae male fide Achelœ figura?
 Quid tibi veloces Nessel proterue pedes?

LIBER I.

*Me pressi sensere angues, nouere subacta
 Fortia pastoris corpora tergemini.
 Num barbam impexam, vultus num forte minaces
 Horrescis? num quod claua cruenta manu est?
 Talem olim innumera felici ardore puella
 Nolentem blando detinuere sinu.
 Talis eram, cum l'ole nostro flagrabat amore.
 Deque mea quæsta est Deïanira fide.
 Sunt tua quæ pascunt latos armenta per agros,
 Præda etiam prædæ ductor & ipse tua est.
 Dixerat. at subito conchis male tuta legendis
 Propter aquas tremulo poplite Nympha fugit:
 Atq; ait, affer opem pater ò Neptune petenti:
 Dúmque ait affer opem, comprimii ora rigor.
 Saxeæ crure tenus iam fit, pars fronde suprema
 Obtegitur, media est flore adoperta nouo.
 Fleuit amans, fleuit natam Sebethus ademptam,
 Fertur & in fluuium tunc abuisse pater.
 Tum Deus hæc lacrymans filici ter ve oscula fixit,
 Oscula t'erque intus mota silex refugit.
 Hercullana meo dicêris nomine villa,
 Villa eris vrbani anteferenda locis.
 Te circum gratis decoret mea populus umbris,
 Pisce Tethys, multo candida lacte Pales:
 Te semper teneræ cantu, choreisque puellæ
 Exhilarent, Græco concelebrentque mero,
 Te canat æstiuo desessus sole viator,
 Te canat hybernum dum mare nauta legit:
 Et dicant hilares longum bona verba precati,
 Herculis hæc villa est, Herculis ardor erat.*

ELEGIA

ELEGIA VII

Ad Nisam.

HUC Nisa, huc propera, sunt hic quoque lustra ferarum
Si magis sunt cura retia, tela, canes.
Et si forte optas virides cum fontibus umbras,
Hic umbra, hic liquido fons pede prata rigat.
Tuta licet leporésque agites, saltúsque pererres,
Et lassæ ardenti sidere membra leues.
Sed quid ego exoptem? non est tua digna latebris
Forma, vel æternum vincere nata Iovem.
Non digna obscuris nitidissima lumina sylvis
Non est hac duris sentibus apta manus.
Nisa veni, mea Nisa veni, timor irritus omnis,
Non ego sum qui te lustra per alta sequar.
Inflamas, lacrymâsque abij, penitúsque reliquit
Spiritus, & pro me verba ministrat Amor.
Verba ministrat Amor, quæ possint flumina retro
Vertere, & è medio vellere signa polo.
At si nulla mea tangit te cura querelæ,
Nec vis te patrijs reddere litoribus;
Redde animam, rapuere tui quam nuper ocelli,
Ut sit mi saltem fas modo posse mori.
Ut tui iure mea latissima morte triumphes,
Et si nec credam parcere te cineri.
Tunc ego vulneribus vel saucia, te sequar umbra,
Tum querar in tumulo de feritate tuâ.

Elegia

E L E C T A R U M
E L E G I A V I I I .

In obitu Martia Capicia .

Cùm se iam victam penitus Cytherea videret ,
Martia sidereo frontis honore tua ;
Indignata abiit , subitoq; accensa furore
Sume , ait , arma puer : mater ad arma vocat .
Paret Amor , caput arma , volat : cecidere sed arma ,
Egregium nitido vidit ut ore decus .
Tulegis , atque humeris aptans fugis ocyus aura :
Dùmque fugis saxo laberis ista caput .
Tum subito veniuntque rosa , veniuntque hyacinthi ,
Tinctaque purpureo sanguine terra vires .
Fleuit Amor , Paphia sociam flevere sorores ,
Itaque super tumulo composuere notas .
Occidit una patris dolor , una Capicia matris ,
Occidit aternus coniugis una dolor .
At quicumq; Dei posthac fera spicula vitas ,
Ne timeas , tumulo spicula fracta iacent .

E L E G I A V I I I .

Ad Hippolytum Capilupum .

Roma vale , ò tandem Romana cedite cura ,
Delicia Phœbi mi Capilupe vale .
Rura petam iucunda Deis , quæis sæpe vel aëtris
Rusulus , & uilis carior herba fuit :
Testis & Amphrysus , testes sunt Latmia saxa ,
Testis & Idæi pinea sylua iugi .

Roscia

Roscia prata vocant, Mariana vireta reposcunt;
 Tuque vocas vitrea Fucine dives aqua.
 Tum mihi cura vagas volucres sit fallere visco,
 Tum blanda celeres voce monere canes.
 Tunc & mane nouo teneros decerpere flores,
 Et fessa herbofo membra leuare toro.
 Interdumque animi fletu solabimur aëthas,
 Dum querulas Echo reddet amica notas.
 Vos eritis fontes nostri vos antra doloris:
 Vos testes Marso rura beata croco.
 Tu quoque testis eris nostrorum conscia amorum
 Laurus ab igne olim saepe perusta meo:
 Cuius sub viridi vacui cantauimus a vmbra,
 Mouimus & gemina fila pusilla lyrae.
 Roma vale: regnata bono Mariana parenti
 Iam tenet, & dominum Roscia vallibus habet.
 Hic mecum volucres, quae per loca nota volatis,
 Flebilius moestos ingeminate modos.
 Vos quoque flere Venus docuit, nec parua fuistis
 Sapius Idalijs praeda, decusque Dei.
 Tu disc in primis nostras Philomela querelas,
 Crede mihi his poteris flere querique magis.
 Atque o (quandoquidem potior nunc causa dolendi est)
 Hac mecum tristi carmina voce cane.
 Tunc Nigella fugis rapidis pernicio Euris?
 Tu mihi sidere a lucida luce magis?
 Hic mecum arboreis paulum requiesce sub vmbribus,
 Dum sitit Icaro feruida terra cane.
 Ecquis sauitia finis? quae meta furori?
 Ut peream, satis est luce carere tua.

LIBER. I.

*Lux tua Tartarea potis est dare lumina nocti,
 Lux tua Cimmerijs Lucifer esse locis.
 Etsi mi tenebris semper tenebrosior Orci es,
 Etsi mi Scygijs noctibus atra mage es.
 Num tepefacta tui spectatur flamma poëta?
 Flamma vel extrema non peritura die.
 Ah potius dira prarumpant fila sorores,
 Fila nigro uita stamine texta mea;
 Quàm vel tantillum noster deferueat astus,
 Quàmue velim grato soluere vincla iugo.
 Tu mihi curarum portus, lux vna tenebris,
 Ultima flamma mihi es, primâq; flamma mihi es.*
Elegiarum

9

ELEGIARVM LIBER.
SECVNDVS.

ELEGIA I.

Ad Nigellam.

TEmihisape olim memini iurasse Nigella,
Per Paphiámq; Deam, per Paphiúmq; Deum,
Nullo vnquam nostros lasuram tempore amores
Constanti fidei fœdere perpetua;
Nunquam vincla animi fracturam, solueret etsi
Vincla tui in cineres corporis atra dies.
Iurasti, sed verba tuis vix lapsa labellis
Huc illuc rapidi diuipueri Noti.
Idcirco vereor pœnas te falsa daturam,
Laduntur lasa numina spreta fide.
Perfidia hac pœna est mutata mente puellis,
Mutari vt videant ora fidemque simul.
Ut compiti paruo canescant tempore crines,
Vtq; ligustra cadant, diffugiantque rose.
Quin & torpentem linguam, rictúsque supinos,
Mirentúrque atras fronte, genisque notas.
Et modo qua mendax peccauit dextera, eandem
Deiunctam inspectent ariditate noua.
Tam dirum iurare nefas, & fallere Diuos,
In primis numen sancta Erycina tuum.
Idq; est quod doleo, misero quid fiet amanti?
Purpureus niueo si cadet ore nitore.
Si caligantes cernam mea sidera ocellos,
Si videam canas aurea vincla comas,

ELEGIARUM.

Ah potius nox atra tegat mea lumina, quin &
 Rumpite Di; vitæ dulcia flamma,
 Quàm bona tot spem parua mutarier hora,
 Quàm pereant nostri semina cara mali.
 In me vnum exercete iras, haud digna puella est,
 Cui cadat ante suum candida forma diem.
 Quæ iam turpis anus primis spernatur in annis,
 Cui fugiat nitidi luminis omne decus.
 Ipse vel expendam sceleris poenam, ipse piabo
 Quicquid dira volum solvere facta ream.
 Impune huic liceat iurare, & fallere: mallet,
 Quàm vel paucillum mæreat illa, mori.
 Parce Venus, te ipsam lades, si ledere tentas,
 Quæ læsit numen falsa Nigella tuum.

ELEGIA II.

Ad Salvatorem Rotam fratrem.

Venisti tandem; reduci dare carmina fratri
 Quis neget? Aonia dicite læta Dea.
 Faustina prius festis operata choreis,
 Rustica, sed domino munera grata paret.
 Ipsa olus, ipsa epulas lætissima ponat inemptas,
 Quasque alit in tenero gramine mactet oves.
 Addat & his prædam merulas, turdosque coloni,
 Quotque domi agrestis vernula nutrit aves.
 Lenia vina prius, mox promat & acria quæve
 Rure premit, mittit quæve Cirella mari.

Utq^{ue} simul sacra celebrent noua gaudia lucis,
 Conuocet ad dulces numina amica dapes.
 Porrigat ante omnes florentiaserta Patulcis;
 Spargat odoratas Antiniana rosas;
 Mergillina ferat conchas, det Nesis echinos,
 Pausilypus pictis ostrea tegminibus.
 Aegle Nympharum pulcherrima, nobilis Aegle
 Ad numeros saltans carmina nostra canat.
 Cinctus arundinea Sebethus cornua fronde
 Lucidulas blando murmure fundat aquas.
 Hinc Resina paret lauros, hinc Portica myrtos,
 Barra vuas, largo sorba Cremana sinu.
 Hinc fœtus Summa arbuteos, hinc Trochia ficus,
 Hinc Pollis cerasos, fragaque Fractaferat.
 Adsit pampinea redimitus vite Veseuus,
 Cui noua fumanti vertice flamma micet.
 Tūque ferens cum matre hoedum, cum prole columbam
 Populea flauas fronde reuincta comas,
 Hercullana veni, latea gratare sorori,
 Ni retinent fati te monimenta tui.
 Nam vaga Nympha olim, patrio nunc litore saxum,
 Ah nimis Alcide te placuisse doles.
 Mox ego contexta lectis de frondibus ara
 Hac signanda leui cortice verba canam:
 Frater adest, grandi mihi sit pro munere carmen:
 Carmen amat, meritiò carmine dignus eris.

ELEGIA VI.

Q Uò sine me mea vita erras? quæ lustra morantur?
 Tu formosa nimis, tu male cauta nimis.

(ij Non

E L E C I A R U M

Non secus , ac terras cum nox tegit atrâ tenebris ,
 Deuia per sylvas saepe vagatur ouis :
 Audiri quia dum sperat , nemus omne querelis
 Implet , & oblitus itque reditque vias :
 Donec balantiis vocem lupo haurit , & alta
 Nequicquam pastor rupe sedens queritur .
 Scilicet haud tuto Satyris bona forma proteruis
 Cernitur , & cupidis aurea Nympha Deis .
 Turba rapax ruit in Venerem , pauidâsque puellas ,
 Ut videt , ut flammâs capta furore bibit .
 Quin etiam cornu fugientes impetit , & mox
 Setigera retinet turpis , inersque manu .
 Quid tibi cum sylvis ? sylua mala saepe tulere ,
 Haud est digna feris pulchra puella locis .
 Exemplo infelix tibi sit Penèia virgo ,
 Quaeq; amor , & quae mox Pan tibi cannasuit .
 Quaeq; feras agitans modo Nympha errabat , ac cheu
 Versa per agratis nunc fugit vrsa iugis .
 Exemplo orbata longus Proserpina matris
 Fletus , ab inferno praeda petita Ioue .
 Rapta subit tenebras , per prata virentia flores
 Dum legit , ah quantum ferta dedere mali .
 Sed tibi si tantum cordi lacebrae , nemus , umbra ,
 Si tibi erunt tanti retia , lustra , ferae ;
 Ipse gerens amites humeris , & spicula dextra ,
 Decipiam volucres , conficiamque feras .
 Ipse comes grati veniam pars magna laboris :
 Elysium tecum Styx erit atra nemus .
 Interea Dea syluipotens , cui talia cura ,
 Tutâ sis auxilio fac mea Nympha tuo .

*At si rumor erit præter mea vota sinister,
Sic precor illa obitus nuntia fama mei.*

ELEGIA IIII.

Ad Bacchum.

S Imihi dexter ades, faueas si Bacche petenti,
Numine si fiant vota secunda tuo;
Non iuuenem te mente leuem, non corpore lentum
Effingam, capiti cornua nulla dabo:
Non te iam madidum musto, somnôque sepultum,
Lactantem ad cyathos turpia verba canam:
Non dicam ut potius soleas arcana referre:
Ut dubium titubans fersque, refersque pedem:
Sed clarum grauitate virum, sed casta loquentem
Te memorem egregia sæpe nitere toga.
Quin pura sectator aqua, quin desidis expers
Dicêris somni carmine Bacche meo.
Mox etiam cunctas narrabo ex ordine laudes
Quas peperit virtus bellica Marte tuo.
In primis referam nigris ut victor ab Indis
Ipse triumphali comptus honore redis:
Demittâsque vrbes recolam, populôsque subactos,
Ductôsque ad currum barbara vincla Duces:
Nec sileam forti diuulsum Penthea dextra,
Nec sileam exitum stulte Lycurge tuum.
His addam ætherei turbantem regna parentis
Te quoque terrificis Rhate perempte modis.
Atque novos Satyros vino thyrsôque furentes
Instituam binis ad tua sacra choris.

Non

Non Ariadnae iucunda incendia formae
 Praeteream socijs addita sideribus.
 Utq; frui possis aeternum coniuge cara,
 Contra ipsam calo te quoque constituam.
 Si tantum vati liceat, si carmina tantum
 Nostra valent, celeri carmina texta manu.
 Mox sequar, ut semper quoquò vestigia vertis,
 Te bona Pax, hilaris te comitetur Amor.
 Ut lassus requies, mæstis ut dulce leuamen,
 Ut lac infantum diceris esse senum.
 Ut sine te raro contingant gaudia plena,
 Utq; tuis spiret purpura nata genis.
 Demum non vitis posthac tua tempora cinget,
 Sed Romana dabit laurus verunque decus.
 Debita laurus erit, sauos quòd fuderis hostes:
 Debita, quòd Phæbum, Pieridasque colis.
 Permessi perhibent te saepe ad sacra fluentia
 Venisse, & thympha posthabuisse merum:
 Nec non ad numeros Musarum dulce canentium
 Sopitum viridi procubuisse solo.
 Et tecum potos una duxisse poëtas,
 Ennius ipse fuit, Mæonidesque comes.
 Ipse comes fuit & Flaccus, qui te sine nunquam
 Pulsauit Latiae dulcia fila lyrae.
 Fac Lenæ igitur, ne sint, precor irrita vota;
 Qua bonus è medio pectore promit amor.
 Indefessus amor, qui nulli cedit amori,
 Ut nulli cedunt Principis acta mei.
 Cuius me pietas seruauit, fidæque dextra,
 Cum peteret nostrum bellua dira caput.

*Et cum Scylla vorax rapidis demergeret undas,
 Absorptum tuto litore restituit.
 Sic tibi fecundis vindemia laeta racemis
 Impleat effuso grandia labra mero.
 Sicque tua niteant argentea cornua fronte,
 Ut possit meritò cedere Luna tibi,*

ELEGIA V.

Ad Sertorium Pepum, & Ioannem

Anconium Seronem.

Qui miser ah longo credebam vincere fletu,
 Rumpere qui mollis aërea corda prece,
 Hic mihi nec lacrymae, profuntue precantia verba,
 Dum Nisa obtusis auribus esse volet.
 Certe ego, flebilibus quae fudi verba querelis,
 Sperabam saevas flectere posse feras.
 Ah quoties dura pedibus proiectus amica
 Efflaui medio penè animam gemitu.
 Nec tamen oclusas mea dicta admissa per aures,
 Stat surda Alpini cautibus illa magis.
 Sape feram pretio tentavi vertere mentem,
 At pretium tantum sanguinis illa petit.
 Et tamen ah Veneris iuravit perfida numen,
 Prae me vel magnos linquere velle Deos.
 Tunc ego pollicitis captus, spe fretus inani
 Spernebam Stygij ditia regna Iouis.
 Spernebam quicquid poterant dare sidera cuiquam,
 Spernebam Paphia gaudia prima Dea.

Nexlore

E L E C T A R U M

Non bene mentis inops reCOLens, quàm fœmina fallax,
 Quàm sit vel leuibUS mobilior folijs.
 Fœmina & à primis didicit mendacia cunis,
 Cœpit & à tenero neſtere lacte dolos.
 Ipſa prius ſanos prauertens carmine ſenſus
 Vitam homines docuit degere more fera.
 Ipſa prius cælo deduxit ſidera cantu,
 Miſcuit & dira tetra venena manu.
 Ipſa prius meditata nefas, & fallere docta
 Aequauit vili regna ſuperba ſolo.
 Troia olim largo late perfuſa cruore
 Teſtis, & Iliaci cauſa Lacena mali.
 Cauſa Lacena mali, quod nulla obliſeret atas,
 Europa, atque Aſia grande Lacena malum.
 Ah nimis atra dies, Stygio tenebroſior Orco,
 Cum blando cycnum ſouit amica ſinu.
 Cumque etiam furor effrænus, male ſana cupido
 In flammas patriæ te Pari mæche tulit.
 Quò Pari mæche ruis? non te potuere verenda
 Hoſpitiſ, non te iura mouere tori?
 Verte parumper iter, nam cara incendia Troia
 Humida per mediſtagna vehis pelagi.
 At ſi tancus amor Priami violare penates,
 Nec retrahit patriæ debita cura tuæ;
 Eia age rex pelagi fluctus ad ſidera tolle,
 Incute vim validis flatibus Hippotade.
 Obruite dè rapido ſcleratas vortice puppes,
 Europa atque Aſia mergite grande malum.
 Quò Pari mæche ruis fatali concitus æſtro?
 Serò etenim ſapiunt poſt ſua damna Phryges.

*Sed quid ego? ah potius lingua mihi torpeat vsus,
 Ausim quàm dominam ladere lasus amans.
 Etsi, quàm valeat, didici, Romana puella;
 Quàm fera bella Venus Martis in vrbe gerat.
 Quin potius Diuos moueant periuria lingua,
 Perfidia pœnas vana puella luat.
 Tunc ego depictis subscribam vota tabellis,
 Tunc mihi præ cunctis Cypria numen erit.
 Tum mi Sertori, tum mi dulcissime Seron,
 Si vos vel paruo tempore linquet Amor,
 Votiuas aras vlticri ponite Diua,
 Ut seruet vestro mox in amore fidem.
 Et qua scua iterum placari Tartara possent,
 Romanam & Tuscam sumat vierque lyram.*

ELEGIA VI.

F*Elices nimium serui Romana propago,
 Quos ornat fidei, quos pietatis amor.
 Turcarum classis longo maris intervallo
 In Surrentinos verterat armalares.
 Dúmque urbem incendit, spoliat dum templa, rapitque
 E matrum pauido pignora cara sinu;
 Nec tam cura fuit captos abducere ciues,
 Ferrea quàm vestro soluere vincla pede.
 Vos illos, quorum imperio mala multa tulistis,
 Barbaricis inuit surripere è manibus;
 Sublatosque humeris, ductosque per inuia montis
 Seruastis tuto lustra sub alta loco.
 Quæq; parata aderat fautorum munere uobis
 Libertas, per vos hostibus ipsa data est.*

D

Felices

ELEGIARUM

*Felices nimium serui, felicia vincla :
O sic vita velim seruiat vsque mea.*

ELEGIA VII.

Ad Iulium Casarem Caracciolum.

Iuli, quem Phæbus simul, & Cytherea vicissim
Erudijt, per quem fulget vterque magis :
Etsi nos vario turbat fortuna tumultu,
Et vetat antiquis ocia tua focis,
Etsi nos trepidis agitat Mars efferus armis,
Nec sinit Aonias viuere in vrbe Deas,
Hincq; furens subito populus ruit vndiq; motu,
Hinc arce aëria flammea saxa volant,
Ipse tamen Veneris puer improbus, vi suus est mos,
Sanius in nostro pectore bella gerit.
Non illum arata terrent per compita turme,
Non tuba, non socia tela recorta manu.
Ipse habet humano madefactas sanguine pennas,
Cadibus assuetas, vulnerib;que manus.
An ne igitur poterit tibi mittere carmina, cui sit
Hinc Mars, hincq; suo semper Amor lateri?

ELEGIA VIII.

In obitu Antonij Epicuri.

Tu ne Epicure iaces anima pars optima nostra?
Tunc iaces Charitum, Pieridumque decus?
Usque

Usque adeo immitis sævit lex improba fati ?
 Usque adeo in magnos mors furit at ra viros ?
 Tu poteras blanda fatales voce sorores
 Flectere, præcipientes tu cohibere manus :
 Et tamen ipse files nigro levis umbra sepulcro,
 Nec vatem Charites, Pieridæ sue iuuant.
 Debuerat laniata sinum, crinēque soluta
 Surripere è medio Calliopea rogo.
 Ipsa tibi æternas felicia pocula lymphas
 Præbuit, & vellet ferta dedisse tibi :
 Quæ magni crines olim cinxere Maronis,
 Quæq; Tibulle tuos, quæq; Petrarca tuos.
 Te moriente sacri Permessi exaruit vnda,
 Excussit laurus te moriente comas.
 Dissiluit summo Parnassus vertice, & atra
 Nube suum obduxit te moriente nemus.
 Tum Phæbus citharam perfregit pectine verso,
 Tum cecidit capiti laurus amata suo.
 Solus abit, solus montes, sylvasq; pererrat,
 Flebilibusque mouet saxa, ferāsque modis.
 Non tantum, Eridani cum flagrauere salicta,
 Defleuit nati tristia fata sui.
 Infelix Phæton animosis perditæ cæptis,
 Quid male caute petis ? cur tibi fata paras ?
 Neciri poteras annos, virēsque, animosque :
 Aequa humeris aptet pondera quisque suis.
 At nos exemplum miserae terrere ruinae
 Debuit, & poteram, non tamen abstinui.
 Lucis enim maioris amor nos perdit, & vrit
 Maior quæ medio pectore flamma calet.

Dij Quinetiam

E L E C I A R U M

*Quinetiam lacryma; quarum nos mergimur undis,
Sunt, quibus Eridanus cedere iure potest.*

E L E G I A X.

*Ad Fernandum Carrafam, Sancti Lucidi Dominum,
de Clarice Ursina cui rosa insigne est.*

Carrafa Idalia miles spectate cohortis,
Cui dedit ipse suam Phœbus habere chelyn.
Dic, precor, Elysii culta est num forte viretis?
An nostra est Paphys vallibus orta rosa?
Num rubet effuso Veneris depicta cruore?
Aurora roseo num modo lapsa sinu?
An Charis, ut se ipsam felici in flore referret,
Hanc potius proprijs excoluit manibus?
Numquid odoratum Pastum, collisue beati
Pausilypi, aut lato protulit Aegla iugo?
Nobilis Aegla meo fidiſſima testis amori,
Quæq; meo illustris carmine forsan erit.
Num talem Alcinous? talem num seuit Adonis?
An ne rosa est, cuius nomine dicta Rhodos?
Crediderim spreta Phœbum Peneide fronde
Compsisse intonsas floris amore comas.
Immemor antiquæ flammæ Deus, immemor at non
Savitia, atque fugæ dura puella tua.
Vana in amore fides, longi vertuntur amores,
Vinceris ah Daphne flore relicta novo.
Nullus honos lauro posthac, rosa prima pœtis
Gloria, qua facili ducat ad astra via.

Cede

*Cede puer male caute, tua flos perditæ forma,
 Cede Amaranthæ rosæ, cede Hyacinthæ rosæ.
 Cedite victrices lauri, tua tempora circum
 Nectæ triumphator, nectæ poëta rosis.
 Certa fides, vati quis non bene credat amico?
 Hanc Romana suis nutrijet Ursa genis.
 Ursa duas inter clarum decus addita cælo,
 Cuius sit claro clarior ore polus.*

ELEGIA XL

Ad Christi Dei crucem.

Fortunata arbos, quæ reddis germina vitæ,
 Digna olim regem sustinuisse poli.
 Fortunata nimis, per quam cælestia regna
 Humano generi scandere posse datur.
 O tua me semper dulcissima contegat umbra,
 Umbra vel æthereo lumine clara magis.
 Atque adeo immoto vitalis pectore radix
 Hæreat, ut nulla vellier arte queat.
 Ara, ubi cælestis mactata est victima, cuius
 Sanguine deletum est crimen, & orta salus.
 Arca, ubi servatum est, tristis cum perdidit imber
 Singula, mortalis seminis omne genus.
 Crux bona vexillum cali, clarumque trophæum
 Elatum forti celsa sub astra manu.
 Fortunata arbos, cineres vel ad usque supremos
 Esto comes, dubiæ metæq, duxque viæ.
 Per mare, turbatis cuius demergimur undis
 Tu mihi clauus eris, tuque phaselus eris.

Prævia

ELEGIARUM

Prævia tuque die deserta per inuia nubes,
 Ignea tu media nocte columna mihi.
 Tu mihi virga, olim qua floruit ordine miro,
 Tu mihi, qua saxi vulnere fluxit aqua.
 Tu, qua Tænarij perfracta est ianua Ditis,
 Oræque tergemini conticuere canis.
 Tu mihi virga illa es, vastum qua finditur aquor,
 Dulcescit tactæ qua vel amaror aqua.
 Crux bona vexillum calis, clarumque trophæum
 Fixum victrici celsa sub astra manu.
 Fortunata arbor, quæ reddis germina vitæ,
 Digna olim regem sustinuisse poli.
 Nil mihi cum Nefæsis posthac, tu Nefæsa vel vna es,
 Nil mihi cum lauru, tu mihi laurus eris.
 Mors mala sub ligno per te procumbit eodem,
 Quo nata in nostrum prodiit exitium.
 Sub pedibusque tuis victum facinusque, nefasque
 Proiacet, & quicquid culpa vetusta tulit.
 O precor in te configar, si magna precari
 Nisi datur, & tantum promeruisse licet.
 O vitinam ad truncum moriar, sub stipite condar,
 Tu Mausoleum, tu mihi Pyramides.

ELEGIA XII.

Ad Angelum Constantium,
 de obitu filij.

Pone modum lacrymis, Constanti, parce dolori :
 Sæpe Deus nimia cædia sunt lacrymæ.

Eis si te nati tantum mors turbat adepti,
Qui cum prima domus gaudia lapsa iacent.
Quid quereris? non causa tuis uenit æqua querelis:
Iure quidem terris omnia nata cadunt.
Iure dedit natura mori: natura voluntas
Firma Deum. superi quid nisi recta volunt?
Adde, quod est etiam mors contemnenda beatis,
Quod sapiens miserum nec putet esse mori.
An nescis quot vitæ malis obnoxia? quæ sit
Humani infelix conditio generis?
Undique perpetuo iactamur turbine rerum;
Hinc fati, hinc casus vertimur arbitrio.
Fortia per varios spectantur pectora motus,
Erigere intrepidus Fors violenta solet.
Callidus iratis laudatur nauta procellis,
Et decus accepto vulnere miles habet.
Non animum cauti sic miraremur Ulyssis,
Sensisset placidum si maris ipse Deum.
Scilicet huc illuc vario cum fluctuat æstu,
Tunc mens signa sui roboris apta dabit.
Euander natum, natum quoque Nestor adeptum
Fleuit: at humentes terpsit uterque genas.
Frustra etenim querimur, nequeunt si fata moueri,
Pascitur humano ferrea mors gemitu.
Cuncta dies minuit, tu victor temporis esto;
Fac per te veniat mitior ipse dolor.
Te vocat ad suetos cantus, suetasque choreas
Cynthius, & numeris commouet antra nouis.
Te sine Cyrrhai longum tacuere recessus,
Fons sacer arenæ te sine sordet aqua.

ELEGIARUM

Filius aetherei gaudet nouus incola regni,
 Et captae puri pramia digna animi.
 Non illi hi gemitus cura, quin forte perosus
 Tot lacrymas, queritur de pietate tua.
 Perpetuam humanos questus turbare quietem
 Credimus: Elysium pax tenet usque nemus.
 Illic tuta quies, tranquilla & gaudia vita,
 Quisque pius certis perfruiturque bonis.
 Illic quisque sibi felices transigit horas
 Securo calcans gramina lata pede.
 Illic aeterni flores, aeterna vireta,
 Mensque alicur veris candida delicijs.
 Eia animum compone aegrum, compesce querelas,
 Nati ne rumpas oia sancta tui.
 Sat lacrymis maduere gena, sat lumina flerunt,
 Turpe nimis turpe est fata dolere nimis.

Elegiarum

ELEGIARVM LIBER TERTIVS

ELEGIA I.

Ad Vespasianum Gonzagam.

M Agne Heros Gonzaga tuo gratare poëta,
 Gonzaga Aonidum gloria, Martis honos.
 Felices saluete vnda, salue Aegla, benigno
 Qua nos exhilaras saepe, fouésque sinu.
 Aegla dies tenebris, eadem portúsque procellis,
 Iucundum nostris profugium Aegla malis.
 Ille ego Campana Lycidas piscator arene
 Restitutor notis aduena litoribus.
 Ille ego, cara olim qui per myrteta solebam
 Nequicquam Tusco carmine saepe queri;
 Cui toties olim tu responsare querenti
 Assuesti, Nisa dum fera regna tuli,
 Dic rogo, (quandoquidem potuisti noscere, dum nos
 Inuitum tellus Romula detinuit)
 Num potuit meminisse mei, num Nisa miserta est?
 An nos illius mente fugauit Amor?
 Nempe fugauit Amor: veluti modo somnus aperitè
 Detulit, est veri numius ipse Deus.
 Visus eram plenas traxisse ad litora nassas,
 Mox raptas flebam mi subito è manibus.
 Quin etiam niueas secreto litore conchas
 Dum legerem, dominae paruula dona mea,
 Vidimus insueto nigrescere more lapillos,
 Atque rapi rato retia iacta Notò:

E Quásque

ELEGIARUM

Quasque modo intactas piscantes vidimus undas
 Fœdari immunda protinus ore suis.
 Somne pater, rerum interpretes fidiſſime, neſcis
 Fallere, ſunt Somno ſingula nuda Deo.
 Tu lucem præbes tenebris, tu teſta recludis,
 Tu certis animum paſcis imaginibus.
 Tu dulci faciles complexu reddis amicas,
 Per te deſertus conciliatur amor.
 Quàm merito ſecitque Deum, donauit & ara,
 Qui per te nouit commoda tanta prius.
 Ecquis te melius dubia præſagia mentis
 Firmare, atque animi ſoluere vincla poteſt?
 Ipſe ego, litoreis tantum promittere Muſis
 Si datur, hæc per te litora Somne canam.
 Ut Venus ipſa parens tibi ſit, genitorque Lyæus,
 Humano ut venias certa quies generi.
 Nec ſine te quicquam iucundum, dulce nec vllum,
 Nec ſine te poſſit vita placere diu.
 Nulla dies, votis qua non venerêre, recedet:
 Creſcet muneribus pinguior ara meis.
 Seu fluctus fremat iratus, ſeu dormiat, omnis
 Crede mihi veniet præda futura tua.
 Intereâ quando de te male rumor habetur,
 Falle alium, tecum nil mihi, Niſa vale.
 Niſa vale, infida pœnas dabis improba dextra,
 Diſcet ab exemplo perfida turba tuo.
 Riſus amatorum fiet per compita, fiet
 Turpis anus tremula deſpicienda manu.
 Vix & humo audebis mendaces tollere ocellos,
 Qui noua nunc niuea ſidera fronte niſent.

Flebiſ

Flebis in argentum flauos abijsse capillos.

*Perfidia senium pœna, malumque venit,
Aequa Deum pietas; nihil est, quod linguat inultum,
Nulla quidem instas dissipat aura preces.
Audiat hoc, sanctumque precor Venus aurea faxit,
Pendeat è collo fracta catena meo.*

ELEGIA II.

Ad Annibalem Carum.

NEstle comam lauro, lani rediere Calenda,
Mittuntur grata mutua dona manu.
Latitia huc illuc volutans per compita ludit,
De prisco cunctos gaudia more tenent.
Aegla coronatas exercet pulchra choreas,
Non tamen ut nuper carmina leta canit.
Hec mihi cur vni mœste rediêre Calende?
Cur mihi leta dies tristis, & atra venit?
Festa alijs latè præcingit limina laurus,
Limina feralis nostra cupressus habet.
Sancta doce Venus immitti qua dona sepulcro
Mittere, qua marmor flectere voce queam.
Ah felix marmor, nostros quod condit amores,
Nec me, quod vellem, condere adhuc potuit.
Per te saepe imis arsit Neptunus in undis,
Iuppiter & medio mugit ipse salo.
Iampridem longos questus, lacrymasq; mouemus:
At lacryma, & questus præmia mortis habent.
Iampridem dedimus deuicti pectoris arcem,
Tu magis at nostro sanguine leta furis.

E ij Annu

E L E C T A R U M

Annue Diua: tuas vñt quoque flamma medullas .
T è ne latent nati tela, facèsque tui?
Eueniant modo vota, alij tibi marmora ponant ,
Marmora Phidiaca fama, decúsque manus .
Ipse feram triplici dilectas ordine myrtos ,
Súbque tuocrescens nomine lucus erit.
Ara intus, texto surget de cespite, qua non
Agnatibi vñdanti sanguine cæsa cadet ;
Sed deuota tua fumabunt exta columbæ ,
Et rosa non solito sparget odore focos .
Hic ego litorea meditabor arundine carmen ,
Quod referat docili sylua nouella sono .
Atque Gnidon, Cyprumq; canam, natumq; potentem,
Nobile & Idæi iudicis arbitrium .
Ut sis amarities dulci permista veneno,
Eq; tuo veniat vitæque, mórque sinu .
Utq; truci sis orta mari, sis sæuior vñdis ,
Et si te. miri fronte. tabella refert .
Per te fiat. amans piscator, sitq; poeta ,
Qui moueat Tuscis cærule regna modis .
Hac ego : dent alij spirantes are columnas ,
Déntque reuulsa tuis saxa Caryste.iugis .
At si fata volent.lacrymosa stamina vita
Rumpere, & auersis auribus esse Deam :
Tum memor ipse tui carissime Care sodalis
Hac subscripta meo carmina da cineri .
Uxore exiuncta lugens, ardènsque pœta
Occidit, & tumulto luget, & ardet adhuc .

Elegia

*Ad Phæbum, de Ioanne Francisco
Musettula egrotante.*

Phæbe veni, noster tibi sit Musettula cura,
Quem longus fesso corpore morbus habet.
Nunc opus in primis varios componere succos;
Nunc opus est medicas nunc adhibere manus.
Eia age, Pierijs herbas quas colligis hortis,
Affer, ut à domino sentiat ager opem.
Quid fiet, si forte diem Musettula claudet?
Quid fiet nostri temporis historie?
Actum esset de te memorò facundia, nullus
Esset honos salibus, gratia nulla iocis.
Non illi cura anguipedes fera monstra Gigantes
Fingere, & irati flammæ tela Iouis:
Utq; pater fuerit Dictæis pulsus ab oris,
Ut dederit Latijs commoda primus agris:
Verùm discordes animos, Tyberinâque bella
Scribere, & Albani fortia facta Ducis.
Ut furor è parvis incendia magna fauillis
Suscitet, innoluens sæpe profana sacris.
Ut rerum euenus doceat sibi quæque cauere,
Consultat alterius ut sibi quisque malo.
Te modo ne pigeat pauidis succurrere votis,
Et tua iam dextro visere sacra pede.
Seruato hoc vno maior tibi Phæbe triumphus,
Quàm numeris audax Marsya victus, erit.
Marsya mentis inops non est tua tibia tanti,
Direpta in latice dum fluit ipse cute.

Non

ELEGIARUM

Non tibi tam Python decori, Cyclopsq; peremptus,
 Quòdque tot vnus habes nomina clara Deus;
 Quòd vatum præses coleris, quòd carminis auctor,
 Quòd tibi sit laurus, quòd lyra, quòdq; coma;
 Quàm modo languentem nobis seruasse sodalem,
 Et simul Aonium restituisse decus.
 Tunc ego rite nouus visam tua templa sacerdos,
 Atque addam sacris thura Sabæa focis.
 Moxque alios inter festum Paana canentes
 Tèrque, quatèrque tuum nomen ad astra feram.
 Parcite tunc lacrymæ, parce ò dulcissima coniux,
 Parce dolor, sine te sit precor vna dies.
 Ut possum meritas narrare ex ordine laudes
 Et Tusco, & Latio carmine Phæbe tuas.
 His demum exactis lacrymæ, coniuxque redite,
 Vince dolor, sine te sit mihi nulla dies.

ELEGIA V.

Ad Ioannem Hieronymum Aquiniuum.

Hadria Ducem.

E^T licet, & licuit semper deponere curas,
 Miscere & leuibus seria facta iocis.
 Maius adest: meditare nouas Aquiniue Camænas,
 Sol procerum, patriæ spes, Aquiniue tuæ.
 Te quoq; Phæbus amat, sunt & mea carmina cura,
 Legisti nugas tèrque, quatèrque meas.
 Huc ades, huc nostri Mai pars letior anni,
 Huc florum, huc Veris late minister ades.
Te cani-

*Te canimus, tibi nostra novos lyra temperat ictus,
Sacramus meritis festa nouella tuis.*

*Auspice te primum vitales hausimus auras,
Excepit viridi flore a terra sinu.*

*Tunc Paphon, & Veneris linquens puer improbus ulnas,
Pectoris imperium cœpit habere mei.*

*Næque prius lustrans lacrymis insperisit amantum:
Mox madefacta meo sanguine penna sua est.*

*Aspice, ut ante fores longo tibi stipite surgat
Arbor, & est Maius nomine dicta tuo.*

*Aspice contexto quot pandat vertice frondes
Ramus, ut è ramo pendula cantet auis.*

*Ut velata nouis exultent limina fertis,
Ut passim largo flore nescat humus.*

*Ut Nymphæ antiquo celebrent Maialia ritu,
Atque ter hac lata carmina voce canant.*

*O faueas, hilari spectentur singula vultu:
Adsit Amor, miti qui ferat arma manu:*

*Te canat arboreo recubans sub tegmine pastor,
Dum carpit tenerum gramina leta pecus:*

*Te canat hinc olitor, te cari hinc cultor agelli,
Dum ludunt vacui lata per arua boues:*

*Tu bone Diue adsis, Zephyrum sic fallat amantem
Chloris, & optato te foueat gremio.*

*Chloris amor, Chloris pulchris pralata puellis,
Quæ vel adhuc frustra deperis igne tuo.*

*Quam, dum forte olim gemmantia prata pererrat,
Diceris ipse tuo detinuisse sinu.*

*Ac tum purpureasque rosas, mollésque hyacinthos,
Tum primum violas, tum genuisse crocum.*

Hinc

E L E G I A V

*Hinc data iucundo per te sunt nomina mensi,
 Hinc Maij ex illo tempore nomen habes.
 Quod tibi nec prisco maiorum nomine ductum est
 Nec tibi maiestas, nec tibi Maia dedit:
 Sed quod maiores nunquam Dea scenserit astus,
 Quodque magis nullo tempore regnet Amor.
 Verum hausisse parum vitales profuit auras,
 Cum sine te coniux omnia sint tenebra.
 Ver mihi tristis hyems, flores ferrugine pallent,
 Et pulchra, & ridens arida mæret humus.
 Omnia lata tuo conduntur Portia saxo:
 Et tamen haud potui condier ipse simul.
 Quid moror infelix? extincta viuere vita
 Non decet: erepta coniuge vita mori est.*

E L E G I A VI.

Ad Vallem Rosciolanam.

*Si quid mi misero est animi, quod sorte reliquit,
 Qua tulit ad tumultum secum animam, atq; ani-
 Omne id discedens Vallis tibi cara relinquo; (mum;
 Et si id non habeo, velle id habere sat est.
 Vallis cara olim, vita mihi carior acta,
 Roscida, seu Rosea es nescio, cara tamen.
 Fontibus irriguis latissima, dulcibus umbris,
 Ridentem croceo picta nitore sinum.
 Non tibi ros dederat nomen, non Roscius olim,
 Sed rosa Acidalia dona relicta Dea.
 Nanque in te latuit, fugeret cum Martis amores
 Cypria, posthabita te coluitque Papho:
Decedensque*

*Dicedensque rosam dono dedit. ipse latebras at
 Pectore flos blandi captus amore loci:
 Atque ait, hospitij rosa sit tibi pignus amici,
 Deque rosa felix hospita nomen habe.*

ELEGIA VIII.

Ad Marinum Frecciam, de ruinis Paestinis.

Vos ò iucundi deslenda cadauera Paesti,
 Vos ò felicitis diruta busta loci,
 Ridentes campi, dulcissima licoris ora,
 Quæ vel adhuc refoles semisepulta rosas;
 Vos sacra treroumque umbra, quæ nunc quoque, ut olim,
 Huc illuc fertis per loca nota pedem,
 Sancte Geni, prisciique Lares, nunc pascua, vos &
 Nunc nemus, ast olim templa, theatra, forum,
 Urbis reliquiae misera, celebræque ruinae,
 Tristia fatalis vix monimenta soli,
 Dicite, (quandoquidem pietas non vltima rerum est
 Nec procul à duro marmore sensus abest,
 Infelix testis Niobe, quæ flebile saxum
 Extinctos natos luget adhuc Sphylo)
 An ne vnquam audistis motu suspiria tanto?
 Spectastisne vnquam totæ simul lacrymas?
 Vos nunquam audistis motu suspiria tanto,
 Nunquam spectastis totæ simul lacrymas.
 Mors tua sunt dona hæc, nullo mors sauior æuo,
 Tunc igitur bona mi tot simul vna rapis?
 Nunquam par facinus patrastis ferrea fata,
 Exicio nimum ferrea fata meo.

F

Ah scelus

E L E C I A R U M

*Ah scelus infandum . sed quid mala fata tulistis ?
 Emicat aethereo Portia nostra polo .
 Atque incorruptae pulcherrima semina formae
 Transtulit omniparens ad sua regna Venus .
 Ut si quid pulchri vellet mortalibus esse ,
 Hinc caperet , pulchrum non aliunde capit .
 Non quae iunxit Amor potuistis solvere vincla ,
 Vincla nec extremo dissoluenda rogo .
 Urbis reliquia misera , celebrésque ruinae ,
 Spargite nunc mecum , spargite nunc lachrymas .
 Vos semel excidium quondam deflestis acerbum ,
 Sed finem lacrymis fata dedere tamen .
 At mi nil prodest rerum mutabilis ordo ,
 Nam vita aeternis est reduiua malis .
 Tuque Acci quondam , nunc verso nomine Solphon
 Qui vitreo exhilaras pingua culta pede ,
 Solphon , cui Silaris pater est , cui Trentana mater ,
 Cui Iungana vxor , cui Cominenta soror .
 Omnia mutantur : mutant quoque flumina nomen .
 Tristem animum nullo tempore mutat amans .
 At me quis retinet ? iuuat ò me mittere in undas
 Precipitem , placidis excipe flumen aquis .
 Non decet extincta iam viuere coniunge , nunc ò ,
 O' liceat saltem sic mihi posse mori .
 Nempe tuis nostras undis extinguere flammam
 Fata sinent : sed quae somnia fingit amor ?
 Nedum tancillum ardoris , qui pectore feruet ,
 Restingui poterit fluctibus Oceani .
 Urbis reliquia misera , celebrésque ruinae
 Spargite nunc mecum spargite nunc lachrymas .*

Aucte

*Auſte meis lacrymis Solphon te cernimus vltro
 Siſtere, tu liquido me precor abde ſinu.
 Abde precor: quid poſſit Amor bene flumina norunt:
 Præcipitem placidis excipe blandus aquis.
 Forſan ope indigena nos & mutabimur amnis,
 Et ſiam nullis ſenſibus ipſe lapis.
 Nanque in te iactum ſaxo concreſcere ramum
 Vidimus: an ramus ſorte mea melior?
 Sim licet ipſe lapis, doleam tamen uſque, dolens que
 Ardebit medio flumine muta ſilex.
 Tu lux interea ſanctarum Freccia legum,
 Qui Romam, & Spartam pectoris arce geris.
 Exincti mecum luge pia funera Paſſi,
 Quin potius luge funera viua mea.*

ELEGIA VIII.

Ad Scipionem Ammiratum.

*A*dmirate huc huc, quò te vocat Aegla, venito:
 Non bene cum Muſis conuenit aula, forum.
 Ecquid adhuc vanas lentus teris aulicus horas?
 Felle venenato teſta ſuperba madent.
 Huc tecum veniat Ninus, nec Cambius abſit,
 Tu Cicarelle veni, tuque Maranta veni.
 Qui ſimul hic repetant uerum, **MORS UNA DUO**
 Et recolant gemitus tot monimenta mei. (BUS
 Quorum colloquio ſtatua, circumq; reſultet
 Porticus, & noſtro picta dolore domus.

F ij Huc

E L E G I A R U M

Huc properent dulces etiam quos deperis ignes,
 Tractet & Idalias mihius arma puer.
 Nec non egregium Phœbus comitetur alumnum
 Përq; iocum discat villicæ verba loqui.
 Atque rosis, quas hortus alit, iua tempora cingat,
 Tempora, quæ pridem læurus amica tenet.
 Rura colam desercus amans: mihi rura colenti
 Uilescant omnes, quas habet Indus, opes.
 Rura quies, pax rura colit, mens nescia fidei,
 Purus & intacta religionis amor.
 Rura fides, probitasque colit, rectumque, piûmque,
 Nudaque simplicitas, virginisque pudor.
 Saturnus castos fertur regnasse per agros,
 Exempta est dulci tunc fera glande fames.
 Tunc non securos rumpebant classica somnos,
 Non gladius nostro sanguine tinctus erat.
 Nullus adhuc locus insidijs: non taurus aratrum,
 Vincula non pedibus senserat vlla reus.
 Nullus erat pecori numerus, nullusue magister:
 Nondum tentarat nauita avarus aquas.
 Quisq; dabat Venerem truncus: simul esse licebat:
 Non erat inuisa ianua clausa sera.
 O tum felices, quibus vltima contigit hora:
 Debit humanum tunc perisse genus.
 Quis fuit infausti sceleratus criminis auctor?
 Quis tantum potuit promeruisse mali?
 Iuppiter ecquid agis? per te bona secula ruerunt
 Inferrum, per te totque abire bona.
 Debueras certe sceptris præferre paternis
 Non aquanda vllis oscula diuitijs:

Oscula,

Oscula, qua passim blandis surrepta puellis
 Libera lex prisca temporis ipsa dabat.
 Tu tibi damna paras. Saturno regna tenente
 Quàm varijs licuit ludere imaginibus.
 Nunc ales, nunc taurus eras, nunc aureus imber.
 Præda erat ardori quæque puella tuo.
 Nec minus interea sumabant thura per aras:
 Sunt & amatori reddita vota Ioui.
 Nunc tibi incunda præcepta licentia vitæ,
 Nunc varijs vetitum ludere imaginibus.
 Non licet incautas mentito numine Nymphas
 Fallere: stant quanto regna parata malo.
 At nos quid tantum sceleris commissimus, ut non
 Antiqua liceat conditione frui?
 Vix datur optatas procul inspectare puellas.
 Scuit enim nostro tempore avarus amor.
 Et merito, quoniam mendaci credimus hosti:
 Ah quantum est pueris credere vana fides.

ELEGIA X.

Ad Rodulphum Pium Cardinalem,
 vinum mittit cui lacryma vulgo nomen est.

O Quem Roma vocat merito decus urbis & orbis,
 Quem vocat humani delitias generis;
 Cui iam templa, aras ponit, quo Principe magna
 Concipit, & supplex vota, precèsque parat;
 En tibi Pausilypi lacryma, quas fudit ad vndas
 Dum fugiens Nesis vertitur in scopulum.

ELEGIARUM

*Tu cape (parua licet) magni sunt pignora voti,
 Siue leges lacrymas, siue bibes lacrymas.
 Forte sub vmbrosa cantabat vinitor ulmo
 Pausilypus: domino spem dabat vna suo.
 Iamque arbuta, lacus, vtres, & praela sinebant
 Calcari immundo feruida musta pede.
 Nefis Nympha olim felicitis gloria collis
 Optatus iuueni, dulcis & ardor erat.
 Vinitor hac blandis iactabat verba querelis,
 Quae poterant quercus flectere, saxa, feras.
 Huc properaò Nefis, Nefis dulcissima cura,
 En volat ad te animus, deserit en me animus.
 Est procul à nobis Campana licentia fandi,
 Indigna obscænis casta puella iocis.
 Quò vocat Autumnus, quò te vocat ipse Lyæus
 Nympha veni: non sum qui tibi damna parem.
 Dispeream, caris oculis ni carior ipsa es,
 Ni matura vna dulcior ipsa mihi es.
 Ecquis tam sæuus, placidam qui turbet amicam?
 Ecquis erit, qui te ledere vita velit?
 Sordidus haud ego sum, media sed natus in vrbe
 Qui videar, pes est testis, & ipsa manus.
 Rustica non facies, non barba est vuida musto,
 Non mihi pes est, non fece peruncta manus.
 Hic tibi frondentes texunt vmbacula vites,
 Hic ulmus virides pandit opaca comas.
 Hic mulcere potes iucundo lumina somno,
 Lumina, quæ memet surripuere mihi.
 At vereor, somnus ne, dum blanditur oculis,
 Detineat dein te captus amore tuo.*

Ipse & odoratis componam fersa racemis ,

Qualia non Indo Bacchus ab orbe tulit :

Quæis vitare æstus poteris , quæis cingere crines ,

Ah crines vitæ retia cara mea.

Depictas soleas palea , textumque galerum

Servauit , illum rure , has & ab vrbe tuli .

Quin tibi mème ipsum seruauit : num dare maius

Quis valet ? & plura his te quoq; dona manent .

Pausilypus tuus est totus , vindemia tota est :

Non ego , non sine te viuere , & esse velim .

Huc propera ò Nefis : quæ te nunc inuida nobis

Ocia , quæ chorea , qui retinentue chori ?

Num me fastidis , tenuem num spernis amantem ?

Cui sit villa parens , & tibi villa parens .

Etsi non diues , tamen est mihi vinea villæ

Proxima : dat Græcum , dat Latiumq; meum .

Quæ bene culta nitet sæcunda septa labrusca ,

Implet & ipsa meri quattuor vna cados .

Illæ aderat latitans post sepem , dumq; pedem fert , . .

Arguto sepes obstrepit ista pede .

Sensit adesse miser . sequitur : fugit illa propinquum

Ad litus , suæto non bene tuta loco .

Atque ait : O Nympha facili succurrite dextra :

Inter Nereidas culta Diana quoque est .

Sic illa , exiliens medias euadit in vndas ,

Tum versa in scopulum protinus obriguit .

Protinus obriguit , poterant hoc numina , & vltra ,

Ut saxum , atque vno tempore Nympha fuit .

Ætæ

E L E C I A R U M

*Hæsit amans, monstrumque horret, nec plura locutus
 Heu totus dulces liquitur in lacrymas.
 Flerunt Nereides, sociam fleuere Napea.
 Est sylvis pietas, est pelago & pietas.
 Tuncque Dicarchai dederunt suspiria colles:
 Ex illo semper sulphure flagrat ager,
 Gaiola vicinam fleuit, lacrymasque dedere,
 Merullina suas, Antimiana suas.
 Nec non ipsa velut venturi præscia fati
 Uberius lacrymas spargis & Aegla tuas.
 Aegla, olim ad numeros quæ respondere solebas
 Piscantum, sed nunc non nisi flere tuum est.
 Et sat erat seruasse tuos ad funera fletus,
 Quæ scribenda meus morte reliquit amor.
 Verum ille ut vidit mutato corpore Nympham,
 Vidit, & infelix nec sibi credit amans;
 In mare præcipitem se se demittere tentat,
 Caro etiam sperans posse frui scopulo.
 Sed Bacchi pietate (canat quis mira Deorum?)
 In vitem, hærebat cui modo, versus abit.
 Quæ nunc mæsta etiam illacrymat, quæ cortice manat,
 Heu memor exitij tempus in omne sui.*

BERARDINI

BERARDINI

R O T A E,

V I R I P A T R I C II

EPIGRAMMATVM

LIBER

AD PERAPHANVM RIBERAM,
PRINCIPEM OPTIMUM.

P Rincipibus placuisse viris non ultima laus est,
O Princeps nostris Sol date temporibus.
Verum illos placuisse alijs est gloria prima,
Quod tamen ipse vnus tu Peraphane facis.
Nam quis te melius metitur passibus aquis
Singula? quis melius deprimat, odit, amat?
Deprimit elatos, rectos amat, odit iniquos:
O verè auspicijs aurea secla tuis.

Fontis inscriptio.

N Aiades, fontis quibus est tutela propinqui,
Si vestra veniet lympha perennis ope,
Largus ut arentes fecundet riuulus hortos,
Pellat ut astinam villica turba sitim:
Prima dabit vobis sitientis cultor agelli
Lilia, prima olerum munera, prima rose.
Nec tantum teneris dabitis, mihi credite, plantis,
Quantum donata vos capietis humo.

EPIGRAMMATUM

De Nigella.

Aegida Pallas habet, sunt & tibi spicula Maors,
Fuscina Neptuno, rete Diana tibi est;
Sunt thyrsi Baccho, Maia calcaria nato,
Alcida claua est, ignea tela Ioui.
Unde caret facibus tantum Cytherea? sagittis
Unde Amor? hac oculis arma Nigella gerit.

Ad eandem.

Quod tu purpureos, albos ego mittere flores
Assuescam, haud mira condicione venit:
Quae tua sunt, nostro de sanguine dona rubescunt,
Quae nostra, heu nostris candida de lacrymis.

De Marte & Phæbo.

Daphnidis infaustos dum Mars deridet amores,
Delus. erubuit, risit & alma Venus.
Cui risum vultu simulans proclamat Apollo,
Quid si non calo resia nota forent?

In Polydori pictoris mortem.

Inuida cui potuit natura ignoscere, quamuis
Victa tua toties sit Polydore manu;
Nescit infidi crudelis dextera alumni
Parcere: sic auri viciit auara fames.
Infelix semper Polydori nomen, ut aurum
Perdidit, ut nocuit semper amica fides.

Rosa

Rosa Campana loquitur.

Qua modo Campanos fueram Rosa culta per hor-
Heu decus Idalia, deliciūque Dea, (ros,
Nunc feror iratis Tyberis demersa sub undis,
Nec patitur certum Nais habere locum.
Inunc, crede Deis : poterat seruasse Dione,
Debuerat Veneri parcere Martis aqua,

In obitu Prosperi Columnæ.

Dum stabas, tua Roma simul stetit, alta Columna,
Prisca stetit patriæ gloria, priscus honos.
Heu ruis, ecce iterum ruit alto à culmine Roma :
Prisca ruit patriæ gloria, priscus honos.
Iure sed excidium hoc alijs præferre ruinis
Roma potest. penitus nunc iacet : ante ruit.

Fontis inscriptio.

Quisquis amat vitrei pastor bona commoda fontis,
Pelle gregem : sacer est, tangere parce manu.
Fons Veneris natus lacrymis, dum luget Adonim,
Dum discerpta fero membra requirit apro.
Tu tibi parce, potens gelida latet ignis in vnda,
Ne bibe, nam flammæ tuæque, pecûsq; bibes.

*De Fernando Daualo Piscario, & Victoria
 Columna coniugibus.*

Sat tibi, sat Daualus debet Victoria, vicit
Te duce tot populos, te duce totque Duces.

G ij At

EPIGRAMMATUM

At tibi plus Daualus debet Victoria coniux,
Carmine si potuit vincere fata tuo.
Utraque sat tribuit: dedit at plus carmine coniux
Hac dedit, ut mortem vinceret, illa Duces.

Ad Nigellam.

M Iraris, quod victa tibi sint lumina somno,
Quodque vetet lassos ipse aperire oculos.
Non mirum: cum tanta tibi vis luminis insit,
Ut nequeat somnus captus abire oculis.

Ad mortem.

Mors propera, miseris spes à certissima rebus:
Mors propera, & via stamina rumpe meae;
Sed tacito pede curre, animus ne noscat adesse:
Nam praelaticitia nunquam ego deficerem.
Res Amor infelix. optat fugienda: rursus
Tristibus, ò mira condicione malum.

Myrtus loquitur.

A Mplexam Paphia quid vitem vellere myrto
Contendis? seu a parce colone manu.
Pace tua Vulcane, tua Gradiue: Lyæi est
Iure Venus, Veneris iure Lyæus erit.

De Io. Francisci fratris obitu.

L Egerat aeterno donari mortis honore,
Si quis pro patria vellet obire sua.

Sic

*Sic moriamur ait pugnans Franciscus : & ò nunc
Me quoque me Decium patria , dixit , habe.*

In Statuam hominis durissimi.

N*Emirere hominem fictum de marmore . viuis
Marmor erat : nunc est , quòd prius ipse fuit.*

Tinna votum.

H*Oc tibi remigium alarum iucunde Fauoni
Affixum salicis cortice Tinna dico :
Quas , niveos artus vitreo dum fonte lauabam ,
Surripui armato nuda puella Deo .
Aestus erat : liquidas potatum venerat undas
Lassus Amor : tota strinxerat arma die .
Atque super virides resupinus strauerat herbas
Languidulus somno membra soluta puer .
Tu cape : sic semper per florea prata vagantem
Te foueat blando Chloris amata sinu .
Fac meus ipse tuam venatu ut fessus Iphalcon
Sentiât ardenti sidere semper opem ,*

De Nicco.

E*Rgo erit ut pereat Neptuni Niccus in undis ,
Natus Celtarum montibus in medijs ?
O fines vitæ incertos , iniustæque sata :
Debuerat Bacchi fluctibus ille mori .*

In Quintum

Non Quintus, sed primus eras fallacibus ausis :
Atque viinam nullus perfide Quinte fores.

De Carlo V. Cas.

Dum celer exuperat praeuptas Carolus Alpes,
Dúmque fera innumero milite bella mouet,
Contremuere alto longum saxa inuia motu,
Mirata Augusti vimque, animósque Ducis.
Quin Dryades percussa armis latuere sub imo
Cortice, & hac tremulo verba dedere sono.
Gallia flere potes : remeat iam Caesar . es olim
Victa : sed in cineres nunc prope versa rues.

Nisa loquitur .

Hæcrosa cingam Lycida capillos,
Qua patet verno saturata rore,
Cum diem Titan referans Eoo
Litore surget .

Hæc & innectam studiosa frontem,
Qua latet paruo bene septa nodo,
Per me ut Auroram superet nitenti
Frontis honore .

His & implebo calathum ligustris
Quem modo intexit Pholoë Veseui
Nata, & intextum mihi misit, ut mox

Unus haberet.

*Hiscæ & inuoluam iaculum corymbis,
Quo seras certo ferit acer ictu
Ille, cui summis potuit Diana
Cedere siluis.*

*Mox sit ut cara memor ille Nisæ,
Hac leues lauru calamos ligabo,
Sape quæis ipsum potuit canentem
Vincere Pana.*

*Hac tegam myrto baculum virenti
Aegla Sebethi soror Aegla, quam mi
Carpsit, it dum luciduli pusillas
Fratris ad undas.*

*Iis coronabo violis iuuenecam,
Quam diu munus iuueni dicani,
Quamque vel credas iterum placere
Posse Tonanti.*

*Tu veni huc inter Lycida genistas,
Dum per herbosos pecus errat agros,
Pauca pro centum mihi clam rependens
Basia fertis.*

Scala vinosi tumulus.

Scala obijt : vos flete cadi, vos flete lagæna,
Vos phiala, & calices, vos patera, & cyathi.
Flete illum vos præla, vres, vineta, lacusque,
Largius & vites spargite vos lacrymas.

Fama

EPICRAMMATUM

Fama ad Carolum V. Cæs. loquitur.

E*T* si pressa cadet tanta sub pondere vocis,
Vel medijs penna deficiente vijs;
Exoptat plura ora tamen, duplicèsque volatus,
Ut referat laudes nuncia Fama tuas.
At nescit quo Cæsar eat: sunt te omnia plena.
Nil ultra, quo iam progrediatur, habet.

De Nisa.

Nulla meo Nisa sine nomine surgat agello
Arbor: ita est cautum Cypria lege tua.
Crescite iam lauri, myrti iam crescite: amicum
Nomen & in tenero cortice quaque ferat.
Sic ego vel sacras Parnasi rusticus umbras
Despiciam, Elysium despiciámque nemus.

Ad Nisam.

Dum centum manuum osculationes
Adharens tibi mittit hic, & ille,
Ah quantum mea Nisa das timoris,
Ne, dum sic manuum osculationes
Ingerit tibi vita, basiando
Incautus comedat manus vorècque:
Et sint non manuum osculationes,
Verùm sint manuum vorationes.
Mellita mueæ manus tenellæ

Sunt

*Sunt dignæ nimia osculatione :
 Quin dignæ subita voratione .
 Sed velim potius manus vorari ,
 Quàm (sic aestuat ira) basiari :
 Hæ nostro madida manus cruore ,
 Hæ sunt, quæ rapuere me mihimet .*

Io. Francisco fratri soluit inferias.

*Q*uis te tam subitus florentem perdidit imber ?
*Imber ; qui fratri tot peperit lacrymas .
 Vix ingressus eras placidi bona tempora veris ,
 Vix Phoebi ad radios flos nouus exieras ,
 Cum te tristis hyems rapuit , cum dextera preßit ,
 Dextera visceribus facta cruenta meis .
 Pro patrijs cecidisse focis pulchrúmque, decénsque
 Duxisti : haud moritur , si quis ita emoritur .*

Ad Nisam.

*Q*uas bona Flora rosas Paphijs modo legerat
*Excoluit tenera quas Cytherea manu, (hortis,
 Uberibus madidas lacrymis tibi mittit Amyntas ,
 Ac simul his animam floribus implicitam .
 Nisa cape . his poteris niueas ornare papillas :
 His poteris nitidasnectere Nisa comas .
 Floris honos brevis est : brevis est quoq; gloria forma .
 Dum licet , ah verno tempore disce frui .*

Et De

EPICRAMMATUM.

De Uate & Iulo Romano.

Quod potuit laribus sacri modo parcere Uatis,
 Relligiosa nimis Tybridis vnda fuit.
At, quod præcipitem nequijt modo perdere Iulum,
 Relligiosa parum Tybridis vnda fuit.

Ad Rogerium Naccium.

Vincere fortunam nulla est victoria Nacci:
 Fæmina fortuna est, fæmina & ipsa nihil.

Ad Aeglam de villa sua Rota.

It e iam blanda procul ite nuga:
Urbis hic tandem liceat querelas,
 Hic forum inuisum aufugere, hic potentum
 Limen auarum.

Hic mihi mentis liceat procellas
Pellere, hic curas animum vorantes,
 Viuere hic saltem breue tempus, hic mi
 Reddere memet.

Ecquodò nunc profugium? ecquis vnquam
Tutior portus? male iam sat olim
Lusimus, quot iam male vana amantes
 Fleuimus annis.

Aegla tu castæ generosus vnda
Fons, & umbrosis Helicon viretis,
Tu mihi lauri nemus, & canorum
 Phocidos antrum.

*Tu parum cautis locus aptus annis,
 Tu parum firmæ requies senectæ,
 Forsan oprata mihi cana cinges
 Tempora fronde.*

*Colle tu paruo mihi das natantes
 Aequore hinc Nereidas, hinc Napeæ
 Cernere errantes loca pulchra circum
 Consita citris.*

*Tu mihi das Pausilypi recessus,
 Tuque craterem pelagi videre, &
 Antra, & in primis veneranda magni
 Busta Maronis.*

*Ut iuuat tecum canere impotentis
 Nunc cruentatam pueri pharetram,
 Nunc facem, nunc & medicata multo
 Tela veneno.*

*Nunc comas auro nitidas Nigellæ,
 Nunc duas, sedem Veneris, papillas,
 Nunc rosas, nunc lilia, nunc micantis
 Sidera frontis.*

*Ut iuuat poma, ut violas recentes
 Carpere, ut ramos refecare inertes,
 Murmure ut frondes agitantis auræ;
 Fallere somnum.*

*Sic tibi ver perpetuum corollas
 Suggestat, sic te Venus ipsa Cyprio
 Præferat, sic te colat usque pleno
 Copia cornu.*

Et ij Gigantes

Gigantes depicti, ad Carolum V. Cæs.

Aspice, ut armatas scelerato pectore turmas
 Impellat præceps in sua damna furor :
 Aspice, ut imposita tentet manus impia mole
 Scandere, & inuicta bella parare loui :
 Utq; ille hanc subito detrusam fulminet ictu ,
 Erigat ut medio parta trophæa polo .
 Disce quid hinc pietas , quantum temeraria possit
 Mens hominum : hæc surgit semper , at illa ruit .

Ad Luciam .

In tenebris mihi lumen ades, lacrymæque ministras
 Lucia Phœbea lucida luce magis :
 Tūq; eadem absenti tenebras, lacrymæq; ministras
 Lucia. sic semper nōxque, diēsque mihi es .

Iocus .

Qui torrem sufflas, faculāque accendere tentas
 Huc propera, flammæ pectora nostra dabunt .

Ad Caudinum .

Hæne tua cædas nata Gaudine parasti ?
 Hæc ne tibi optatus gaudia præbet Hymen ?
 Ut dum quisque hilares contendit adire Hymenæos ,
 Proh dolor, ecce venit mæstus ad exequias .

Et qua

Et qua forte die thalamo spectanda mariti
 Nupta erat, inuisum ducitur ad tumulum.
 Et tu viuis adhuc nata Gaudine sepulta,
 Nec potis est vita rumpere fila dolor.
 I pater infelix, vinum te conde sepulchro:
 Nec tibi dent nomen gaudia, sed lacrymæ.

De Antea & Cerrauno.

A Rserat Antea longo Cerraunus amore,
 Scuitia exemplum sancta Erycina tuæ.
 Iunxit Amor, tandemque bona dum pace fruuntur,
 Et miscent animas, blanditiâsque simul,
 Ecce inter subito blanda oscula fulminat ictu.
 Inuidus humani Iuppiter ipse boni.
 Nec tamen amplexu potuit diuellere amantes
 Ira Iouis: tanta vinxerat arte Venus.
 Semper amatorum miserum genus: ut neque tuta
 Fulminibus patris sit Cytherea sui.

Ad Luciam.

C Um cantas Venus es, Venûsque cantat:
 Cum ludis, Veneris puérque ludit:
 Cum rides, Charites simulque rident.
 At nunc Lucia quòd gemis, Venus iam
 Iam luget, Veneris puérque luget:
 Quòd ploras, Charites simulque plorant.
 Quin nox perpetua immineret orbi,
 Ni tuis oculis dies veniret.

Deslet

EPIGRAMMATUM
Deflet Io. Baptistam Rotam fratrem, in spectro
agro Rauennate.

Hocne tibi fatale solum, fatale sepulcrum?
Hicne tibi inferias, hic tibi iusta parem?
Hicne fuit frater clades descendenda Rauennæ?
Eripui cum te Martius iniqua manus.
Nec voluit reducem misera te reddere matri,
Nec quasita diu membra domum reuehi.
Ah quando est vetitum funestam ducere pompam,
Pompa tibi hoc carmen, pompa tibi hæc lacryma.

Ad Auram.

Aura, quæ blando resonas susurro,
Aura, quæ flores vaga ludis inter,
Quæq; rorantes noua prata circum
Concutis alas,
Quam Venus ridens, Charites, Iocique
Passibus semper comitantur æquis,
Quam leues circum volitant Amorum
Nulle cohortes.
Hi venenatas acuiunt sagittas,
Hi rosa multa iaculum coronant,
Hi faces lati quatiunt, & aura
Suscitat ignem.
Tunc aqua Nais calet omnis ima,
Tunc nouis ardet nemus omne flammis,
Tunc & insueta face quæque summa
Aestuat arbor.

Iamque

Iamque pastores, segetes, ouesque
 Urerent astus penitus voraces,
 Ni meo fletu populata campos
 Flamma periret.
 Si parum flatu recreas benigno
 Quam mihi laurum posui virentem,
 Dum nocens nudos Canis vrit agros,
 Dum sinit herba:
 Aegla connectet tibi nostra flore
 Mille fragantes vario corollas,
 Quas suis posset Zephyro parare
 Chloris in hortis.
 Mox lyram trunco Lycidas amico
 Vota suspendens tibi soluet, ut te,
 Voce perflabis quoties canora,
 Personet vnam.
 Tu modo o votis faueas, & adsis,
 Aspice, ut grata spatietur umbra
 Laurus, ut pandat tibi tota frondes
 Aura, nec audis.

De Natali nocte Christi domini.

NAscere sancte puer nocte hac, qua purior unquam
 Non fulsit rutilus Lucifer ipse comis.
 Te nato occumbit letum, dirumque, malumque,
 Præuæque religio, sollicitusque timor.
 Te nato noua vita oritur, rectumque, piūque,
 Et longo exilio spesque, salusque redit.

Magne

EPIGRAMMATUM

Magne puer, quem regna manent terræq, polique,
Quem manet eucti debita palma Erebi.
Nascere: dumq; micat nox hac nitidissima, nunquam
Affer ab Eoo litore Phœbe diem.

Fontis exsiccati inscriptio.

Quid mirum? seu pastor ades, seu potor, ad auras
Si venit hinc parca Nais iniqua manu.
Aret humus domini præ magno pectoris astu,
Dum flammæ pennis ventilat acer Amor.
Hinc exire timet Nympha, hinc latet, ipse sed vndas
Si cupis, hinc dominum pelle, & habebis aquas.

De Iano sænereatore mox pœta.

Ianus ubi hos illos nudauit sænore, Nais
Furta parans, nullo scripta pudore rapit.
Nec vos Pierides mouet hoc: potuisset adulter
Si foret hic, vestra virginitate frui.

In Palmerium.

Quod sis pollicitis largus, quod rebus auarus,
Proficiant nulla quod tua verba die,
Palmeri haud miror, quando huc te misit Idume:
Aequè homini, ac patriæ est insita conditio.
Floret Idumæis vberima palma viretis,
Non sæcunda Italis hospita surgit agris.

De

De Mannio Nucerino.

IN Veneris pugna reperit cum patre sororem
 Mannius, atque vnus strangulat ipse duos.
 Mox ait. infandum facinus testaberis Orco,
 Tu, quia passa patrem; tu, quia nata tibi est.

Ad Luciam.

DA mihi te totam mea Lucia; da, rogo, tot mi
 Suauia, quot Charites, sunt Veneresue tibi.
 Da mihi posse manu niueas tractare papillas,
 Brachia & optato condere nostra sinu.
 Sed quid ego? aufugit mi animus, tecumq^{ue} moratur:
 Ad nos nec cura est amplius vt redeat.

De Taurino decoctore.

TAURINUS patrijs nuper decoxerat oris,
 Infida toties ira, iocúsque Dea.
 Fugit ad extremos Indos nouus incola, vitam
 Posse nouam sperans degere in orbe nouo.
 Fata sinunt: mutat mutato incommoda celo,
 Diues quàm paruo tempore, nuper inops.
 Mox remeans patrijs tandem cum sisteret oris,
 Dimensus longi magna pericla maris;
 Ecce Cilix spoliat miserum, nudúmque relinquit,
 Estque iterum paruo tempore factus inops.
 I, fuge vim fati: fugias quocunque, sequetur.
 Nusquam tua fuga est: inuia nulla via est.

EPICRAMMATUM

De Nisa ad Auroram.

Define purpureos coniux Tithonia vulcus
Pandere, quid nobis lux tua? quidue dies?
Nisa oculis noctem remouet, pellitque tenebras:
Una oculis lucem prabet, & vna diem.

Ad Carolum V. Caf. de Prospero Columna.

Quid tibi rex gemina? geminas iam linque colum-
Bis tibi plus vltra hac vna Columna dabit. (nas.

In Bonam.

Quòd Bona dicaris, falsò bona nomina iactas:
Non bona, crede mihi, corpore, non animo es.
At bene quòd semper Veneris mala munera tractes;
Hinc bona, crede mihi, cetera tota mala es.

Isabella Aragonia triumphus.

Isabella rosas inter dum lassas quiescit,
Lassa homines dudum, lassas ferire Deos:
Credis eam Venerem, tacitis circumuolutis alis,
Non ausus somnum rumpere matris, Amor:
Non tantùm tamen abstinuit, quin lumina adiret,
Hinc ratus ipse nouas posse animare faces:
Dùmque genas nimis ala premit, somno excita tentat
Prendere: sed se oculis virginis abdit Amor.

Minuti

Minuti tumulus.

Cum genere, ingenio, fortunis, corpore paruum,
 Fecissent dominum fata maligna loci,
 Condier exiguo mandavit marmore: sic se
 Huius ab exemplo noscere quisque potest.

Ad Luciam.

Nil mirum, rides medio si Lucia fletu:
 Hoc est, quo miserum me magis excrucies.
 Sic Aurora micat, dum ros per gramina manat,
 Sic Phœbus medijs imbribus ipse nitet.

Ad Io. Franciscum Rotam fratrem.

Cum tibi vix cœpta Mors fregit stamina vitæ,
 Spicula Mars fregit, spicula fregit Amor.
 Nec non flere Deos homines si credere par est,
 Ad tumulum hac stentes dicta dedere tuum:
 Magnus Amor, magnus Mauors viuentis Rotilo,
 Nulla Deum extincto gloria, nullus honos.

Ad Nisam.

Dicebas mea Nisa creduturam
 Nunquam te miseros meos amores,
 Et si me aspiceres mori misellum:
 Nunc, quod spiritus ipse iam reliquit,
 I ij Versasque

EPIGRAMMATUM

*Versasque in cineres vides medullas,
 Affirmas mihi cuncta credituram,
 Et veros nimium meos amores :
 Quin dicis nimium esse me misellum .
 Verum credulas quid hæc inuabis ?
 Si non pœnituit mali peracti
 Eheu nil pietas iuuat sepultum .*

Nilus marmoreus Parthenopen alloquitur .

*Q*uid tibi cum Nilo Siren male blanda ? cœnentem
 Te dudum fugiens terra ego deliui .
*Infensi ciues cur me prompsistis, ut eheu
 Cogerer inuitis cernere vos oculis .
 Quis bene discordes animos , quis barbara iussa ,
 Tempora quis ferro deteriora videt ?
 Obruite o ciues, Sebetho aut mergite , ni mox
 Discetis lasi numina quanta Dei .*

Eiusdem abitus .

*N*illus abit , licet ipse senex , licet ipse minuta
 Parte lapis , trunco sit licet ipse pede .
*Urbs mihi culta vale : tecum male viuatur vltra .
 Fœmineum imperium quis bene ferre potest ?
 Crede Deo : euentus docuit Cleopatra futuros .
 Semper enim infauste fœmina bella gerit .*

Ad Berardinum Martiranum .

*M*artirane tui decus immortale pœta ,
 Cui dedit arbitrium pater vni

Virgine

Virginei Phœbus laticis; cui ferta virenti
 Fronde legunt redolentia Musa;
 Musa; quæ tibi me sic deuinxere, vi iniqua
 Vix poterit Lachesis refecare
 Stamina, concordis quæ iunxit Gratia nodo,
 Mansura ad cineres quoque, & vltra;
 Quæ cœpere tuam tam longa obliuia mentem?
 Quæ tibi nunc mala gramina Circe
 Misceuit? aut triplici quæ detinet ore Chimæra
 Ad patrios redire penates?
 Nam licet ipse geras Curios, licet ipse Catones
 Nulle animo; imperium tamen olim
 Vidimus infida lacrymantem ferre puella,
 Ac tristes te fundere questus.
 An ne tuo residet magnus qui pectore Caesar,
 Caesar delicia, atque amor orbis;
 Qui virtute auro ditat noua secula prisco,
 Huc supero demissus Olimpo;
 Optatos differt reditus, optata retardat
 Caudia? in hoc tantum minimè æquus.
 Anne cadauer iners passa tot funera Roma
 Detinet incassum sacra busta
 Mirantem, atque vrbs magna simulacra dolentem
 Largo non sine flumine fletus?
 An ne alia euinxit valida te compede Nympha,
 Nympha comis, oculisque beata?
 Quam pater vsque imo Tyberis suspireset ab antro
 Fontibus in medijs male flagrans.
 An Bemus Veneta historia? vel carmine Molsa?
 Quos penes est animus meus omnis;

Quos

EPICRAMMATUM.

Quos absens video semper, quibus & mea saepe
Carmina grata, licet inuenis sim;
Te retinent lentum procul à felicibus hortis
Leucopetra à nitidis procul undis,
Leucopetra est, syluis qua non formosior ulla,
Qua toto non aequore Nympha:
Qua tibi non tantum violas, mollésue hyacinthos,
Non quicquid letus parit annus;
Sed lectas etiam vicino è litore conchas
Seruat amans, vni placitura.

De Laura Rota sorore.

Dum pia turba parat lacrymas, dum spectat adem-
Quid faciat nato perdua Laura suo; (pro
Ipsa vbi vix animam retinens legit ore supremo
Oscula, sic fatur. qui dedit, hic rapuit.
Quisne vni huic igitur Spartanus, quisue Sabinas
Conferat? has charius vidimus, hanc oculis.

Ad Perasenum Riberam,
Principem optimum.

Vérè opus egregium, te magno et principe dignum,
Reliquias prisca temporis excolere;
Et statuas animare, vorax quas perdidit aeuum,
Truncaq; nativo reddere membra loco.
Hoc deerat Perasane tuis illustribus actis,
Esse aequum, esse pium te quoq; marmoribus.

Ad

Ad eundem.

Conspicuas statuis ornare insignibus ades,
 Hoc est æquoreis addere flumen aquis.
 Nam quis te veterum maior, quis clarior Heros?
 Ornantur domino satque superque suo.

*In imaginem Victoria Columna
 Piscaria.*

Qua Dea? cui tantus decor est? quam Dadala pin-
 Dextera, qua muta vivere dat tabula. (xii
 Num forte est, nigro dum sic bene fulget amictu
 Cynthia? cum fusca lucida nocte micat.
 An Venus hæc potius iuuenis mœstissima fato,
 Cum saeuus tenerum perculit inguen aper?
 Cynthia non nobis, non sic Venus ipsa videtur:
 Cynthia sed tamen est, & simul ipsa Venus.
 Hac referens utranque Deam Victoria sola est:
 Quaque sit, hæc poterit vel Dea picta loqui.

Ad Mirinam.

Mira animo, mira es forma, Mirina fatemur,
 Mira agis: hinc miro numine nomen habes.
 Das lacrymas, flammâsque simul das tempore in vno,
 Utq; abeam in latices, utq; abeam in cineres.
 Stillat ab igne liquor, lacrymis nutritur & ignis:
 Ne peream, hoc varia est condicione malum.

Vis ne

EPICRAMMATUM

*Vis ne igitur moriar? vis soluar compede? deme
Alterutrum: sic tu lata, ego liber ero.*

In Lunam malum poëtam.

V^T *Parcas, bellum, lucos, letumq^{ue} solemus
Dicere mendaci nomina ficta ioco:
Sic quoque te Lunam credam dixisse parentes,
Luna vel infernis noctibus atra magis.
Credideras lucem perituris tradere chartis,
Cum longis miseris obruis heu tenebris.
I, Strygias, i pelle umbras male lucida Luna:
Hic cupimus noctes te sine perpetuas.*

Ferdinandi Primi Neap. Regis.

F *Ernandus fueram felicitis conditor auis,
Qui pater heu patria, qui decus orbis eram:
Quem timuere duces, reges coluere, brevis nunc
Urna habet: humanis i, modo fide bonis.*

Ferdinandi Secundi.

H *Eu quando mors saua adeo mortalibus vnquam?
Heu quando tantum fata dedere mali?
Flos Regum Fernandus adit dum prima iuuentæ
Limina, Romanum dum superatque decus;
Mors gremio Italiae florentem surripit, ulla
Ne moriente illo spēsue, salūsue foret.
Et querimur nos morte rapi, nos cedere fato,
Quando etiam assuescant numina & ipsa mori.*

Federici

Federici Neap. Regis .

Infelix Federice, dolis data prada tuorum,
 Quis poterit fatis non meminisse tui?
 Quandoquidem immerito sceptris spoliatus auitis
 Occidis, & profugum barbara terra tegit.
 Heu sortem indignam : qua sustinuisse cadentem
 Debuerat, stantem perdidit illa manus .

De Carolo V. (as. & Francisco Gallorum Rege.

Gallus ut armatas molirier vndique pennas
 Vidit auem, magno qua gerit arma loui;
 En maris, en terra fuga iam præclusa. quid ergo
 Restat ait? calumnum quoque habet volucres?

Apud Villam Faustinianam.

Valle sub hac tenuis calamo contenta poetæ
 Musa veni : est vallis vocibus apta tuis :
 Donec vicinus poterit dare commoda collis.
 Sæpe habuit paruus numina magna locus.

*Ad Antonium Sebastianum Minturnum
 Croconiatarum Pontificem .*

Linque iam vulgi strepitum profani :
 Linque ventosam patriam forumq;
 Viue nunc paulum tibi : pelle & atra
 Nubila mente .

K Aegla

E P I C R A M M A T U M

*Aeglate ad mensam viridem reposcit ,
Pauperes ad diuicias agelli.*

*Diues est multis epularum ad vsum
Hortulus herbis .*

*Est mihi , quamuis gelido December
Imbre tellurem penetrari imam ,
Est , licet flatu rigeant perusta*

Arua nivali , (in

*Multa vis florum , atque olerum : est in hor-
Angulus , quem nec pede Faunus vnquam
Conterit , per dum sequitur Napeas
Floreas prata.*

*Est mihi eruca , est mihi menta , quae iam
Suscipiens tardam Venerem , ac palatum :
Est & in primis patrijs amica*

Brassica campis .

Nil nocens capra est : male nil olenti est

Allium fibra : poterit puella .

Quod pati , haud sponda recubans suprema ,

Quod simul esse .

Sunt mihi (quamuis penus omne nil sit)

Mulica duratiale terga porci :

Est capus passa bene fartus vna ,

Est tener haedus :

Quem manus nostri rapuit coloni

Matris à pingui modo lacte , nunc &

Paruus (haud fallo) mihi verna odoro

Gramine pascit .

Quin

Quin licet plenus mihi non vetusti
 Sit cadus Græci, neque sit Cirella,
 Nec Masaquana mihi blanda, nec sint

Uina Uesui;

Sunt tamen quæ Pausilypus dat, & quæ
 Diues arbusi mihi Faustiana

Mittit antiquo lare, culta ruris

Nympha paterni.

Et quod est mensa magis ociosa

Dulce, quod carum magis est amicis,

Lata frons, salsus lepor, apta castis

Gratia verbis

Condiunt mundo tenue apparatus

Prandium: quis scit, tibi si futura

Fulserit lux? viue hodie, manet cras

Flebilis vrna.

I puer, quis nam retinet? reposita

Ligna (iam poscit focus) adde, mox &

Affer in primis mihi grata magni

Carmina Flacci.

Pyrrhi Camerotani pietas.

Dum Palinure tuas rapitur Mornana per undas,
 Heu Cilicum dira præda subacta manu;

Euolat ad gemitum Pyrrhus, raptamque secutus

Non dubitat matris vincla subire sua.

Dumque natat pietate celer, pietate fit audax,

Strataque iam faciles præbuit vnda vias:

K ij Reddita

EPICRAMMATUM

Reddita cum mater, natus noua prada relictus ,
Sensere & miseram libera colla vicem .
Præclarum pietatis opus: dum seruus haberis,
Liber es, & victus vincere Pyrrhe potes .

Pro Scipione Gennario amico.

Vldit ut illis scopulo fregisse carinam ,
Ac socium irato vix superesse mari;
Tyrreni Lycidas piscator licoris , ut cum
Retia forte imis plena trahebat aquis ;
Hæc Neptune, inquit, tibi do seruatum ob amicum ,
Munera, lina, hamos, vimine æque casas .
Sic votum est: alij posthac tua regna laceßant ,
Squamigerumq; agitent vda per arua gregem.
Dixerat ille: fremens totis Deus annuit vndis ,
Terque sonum pelago fuscina mota dedit .

In Scalam .

Cum moriens circumflentes spectaret amicos
Scala, tui in primis gloria Bacche chori,
Ecquid, ait, fletis? nequequam fletis amici ,
Vos mihi pro lacrymis fundere vina decet .
Posthac Elysios habeat sibi, qui volet, agros :
Styx mihi cara magis, si modo vina ferat .

In eundem .

L Inquire vinosos properat dum spiritus artus ,
Plus vini inferiis manibus esse ratus ,

Scia

Scala illum exoptans renuocare, immergite vino
 Corpus ait: constat spiritus ipse mero.
 Nec plura. en subito patera est allata cubanti:
 Atque anima in vinum, quo prius orta, abiit.
 Tu quicumque sis, posthac mala vina caueto:
 Non vinum, ast hominem, si bibis, ipse bibes.

In eundem.

M Armora sine alijs, præcingant busta corona,
 Mutus & Eoo spiret odore cinis:
 Nec cadus est tumulus: crateres busta coronent,
 Annofo madeant ebria membra mero.

Lycida iuuenis iocus.

Q Uæ sunt, quæ roseis spirant mea Nisa labellis,
 Heu bona nata meo satque, superque malo?
 Hinc color exuperat Pæstana rosaria, & illinc
 Stillat, cui similem non habet Hybla, liquor.
 Quinetiam præ illis Veneres, Charitésq; & Amores
 Crediderim patriam posthabuisse Paphon.
 Atque ego cum faciles furtina per oscula lusus
 Experior, raro etsi datur id misero;
 Tum me animus linquit dulcedine captus amica,
 Nox iterata animum basia restituunt.

Ad Petillam.

N Escio quem fama est ne ferrea secla videret,
 Exeruisse sua lumina cara manu:

ic vbi

EPICRAMMATUM.

Sic ubi te noni mutata mente Petulla
Venalem pretio deseruisse fidem;
Deuimus, quæ te spectarunt lumina primum,
Ne te ipsam aspicerent amplius, exerere.

In Plactum.

Placte nihil debes, nil debes Placte fatemur:
Debet enim, si quis soluere Placte potest.

Tumulus Dauali Piscarij.

(Reges?

Quid sceptræ ad tumulum? vinculi quid compede
Quidue toti inuicta parta trophæa manu?
Quid galeæ, quid scuta nitent? quid pila? quid enses?
Quid vires æternis laurus amica comis?
Num Mars, an Daualus tumulo iacet? hic situs ille est
Heu Daualus, quin Mars cum Daualo ipse iacet.

locus furentis.

Suavia quot tibi surripio mea Lucia tot sunt
Vulnera, Apollinea non medicanda manu.
Suavia quotque mihi tu non inuita retorques
In me tot sæuus spicula torquet Amor.
Spicula figat Amor, stillent iam membra cruore,
Dum modo surripiam suauia, & accipiam.

In funere Saluatoris Rotæ fratris.

Haud querimur, quod nos lacrymis, tenebrisq; relin-
Quodq; abeam gremio tam cito rapte meo: (quas,
At

At querimur tantum, sine te quod viuimus : hoc est .

Quod facit aeterno velle dolore queri .

Tu longæua satis vixisti tempora : quando

Tempora sunt meritis , non numeranda die .

De Phausina Niphi .

P*ulchra nimis vehitur roseis qua Dia quadrigis
Phausina humano lumine pulchra nimis .*

Utraque luce orbem exhilarat , lucemq ministrat :

Hoc differre tamen credere veranq decet .

Illæ olim iuuenem potuit vix flectere amantem ,

Hæc etiam gelidum perdit amore senem .

De eadem .

N*il mirum si Niphus amat , si deperit vnâ
Auroram insueto perditus igne senex :*

Nam satis cautum est , terris excludat ut vnum ,

Utq alium calo diligat illa senem .

Epitaphium Hylli .

H*yllus erat , nunc pulvis iners : mors vita sed illi*

Venit : erat nihilum , nunc tamen est aliquid .

De Mergillina Actij .

Q*uicunque Aonio perquisitis vertice Musas ,*

Quare aliò : hinc abeunt , hospitium est aliud .

Mergil-

EPIGRAMMATUM

*Mergillina tenet felici litore : tu si
Quaris eas , montem desere , lius adi .*

Ad amicos Roma degentes .

C*Uide , Casari , Capilupe , Palon
Quos penes viuit mea mens , & omne
Quicquid est nostri reliquum , valere :*

Cogor abire .

*Iam vale ò sacri pater alme fontis ,
O triumphati caput orbis , ò qui
Ducis à calo Tyberine magni
Fluminis ortum .*

*Me vocat Siren patrias ad vndas ,
Dulcis ad notos scopulos arena
Me vocant horti Hesperidum , perenni
Flore nitentes .*

*Me Rota gratos vocat ad recessus
Aegla curarum requies , parâtque
Qua meis lauros faciant virentem
Crinibus umbram .*

*Iam vocat me Pausilypus , canenti
Plaudit & clari tumulus Maronis
Me vocat toto veneranda Mergil-
lina profundo .*

*O vale tandem mea Roma , iam te
Qua solent cura teneant inanes ,
Me inuet semper vacuum serenae
Ducere noctes .*

*Me iuuet cantu renocare ab imo
 Aequare ad litus liquidas sorores,
 Dum vehor Tuscis per amica primus
 Carula remis:*

*Dúmque piscantum varios amores
 Cantat ad parui leue murmur amnis
 Musa, & aeternis studiosa tentat
 Viuere charis,*

De Nisa; & Venere.

T*Ela reperta tui viridi sub gramine nati
 En tibi Nisa Venus cortice fixa dicat.
 Tu modo ne puero (nulli scit parcere) reddas:
 Nis facis, ipsa uerum fabula turpis eris.*

*Minerua ad Cosmum Medicen,
 Magnum Hebruriae Ducem.*

S*eu pacem, seu bella geras Dux inclyte, semper
 Tecum adsum aetherei vertice nata Iouis.
 Me tibi dat comitem tua virtus: linquere Olympum
 Tu facis. an posset plus pater in superos?*

In obitu Octauij Pappacoda.

D*um se se ostentat miles, Mars glande corusca
 Heu iuuenem matris percutit in gremio.
 Quis fatum fugiet? fugientem saeuus urget:
 Quas uolet inueniet mors inopina vias.*

L

De

E P I C R A M M A T U M

De Lucretia Brancia matre.

Pro patria ut uidit percussum vulnere natum
Brancia, præstanti pectore sic loquitur.
Non lacrymis te nate sequar, sed te sequar eheu
Mente, animo: hæc tibi do, cum dare plus nequeam.

Ad Io. Baptistam Arcucium.

Vluet Arcuci, mihi crede, viuet
Carmen iuuat Lachesis seueræ
Dextera, inuito nimium voracis
Temporis haustu.
Sperne fatorum inuidiam obstinatum:
Quid mihi inuisi tenebræ sepulchri?
Surget extremis cineri fauillis
Fama supestes.
Te colunt Musæ, tibi plaudit antrum
Aonis, casti fluit vnda fontis,
Ima sat nobis potuisse saxa
Lambere Pindi.

Ad Rodolphum Pium Cardinalem.

In signis pietate Heros, si dira Celeno,
Si percussa tua corrueat Hydra manu;
Sic cernam valido deuinctum Protea nodo,
Qui nos insuetis ludit imaginibus;
Non te marmoreum Tyberina ad flumina ponam,
Sed viuum nostro pectore numen eris.

De Georgij Monij interitu.

A H fatum infelix, ludens cur Marcia pubes,
 Cùm dare credideras gaudia, das lacrymas?
 Aenea glans celeres volitans ignita per auras
 Incauto iuueni funera caeca tulit.

Parcite: quem petitis, non est inuisus Adonis,
 Seu Vulcane paras, seu male Mars facinus.
 Ingenio excoluit Pallas, Cyllenius arte:
 Quò ruitis? vestrum est perdere turpe genus.

Ad Antonium Caracciolum Saluatoris filium.

S Oluimur in lacrymas, cùm findit Sirius agros,
 Liquimur in flammis, cùm premit arua gelu.
 Quinetiam medio prorumpit Nilus ab aestu,
 E que meis lacrymis Aetna alia exoritur.
 Nec liquet inter aquas, qua sit noua causa caloris,
 Nec cur perpetuo manet ab igne liquor,
 Antoni, cui notus Amor, mihi consule: cur sic
 Fons abeam in flammis, flamma abeam in lacrymas.

Ad Decium Serium.

S At tibi mi Seri discordas nomine, cum sis
 Serius haud vnquam, semper at ipse iocus.

De Donato Antonio Altimaro medico insigni.

V lderat Altimarum medica Mors saepius arte
 Mortales manibus surripuisse suis.
 Inuidit, genuitque furens. mox mala veneno
 Imbuit: ille vorans Tartara penè subit.

L ij Phæbus

EPICRAMMATUM

Phœbus at immeritum nigro reuocauit ab Orco,
Ne simul humanum perderet ipsa genus.

De Amore marmoreo dormiente.

Captans somnum ne credas hospes Amori,
Cum dormit, magis est ad tua damna vigil.

De eodem.

Quid si marmoreus? quid si super arma recumbit?

Idem marmoreus, idem & inermis Amor.

De eodem.

Ne credas puero, simulans nam claudit ocellos,

Nulla fides puero, si sapi ipse caue.

De eodem.

Dormiat aeternum, ne cures rumpere somnum:

Experrectus agit fortius arma puer.

De eodem.

Somniat assuetas cades, rixasque, dolosque:

Cum dormit malus est, cum vigilatque malus.

De eodem.

Iactat adhuc flammæ, letales dirigit ictus,

Dum paruo incisus marmore dormit Amor.

De eodem.

Sit tu iterum tractes, dices, ita spirat imago,

An ne anima est marmor? marmor an est anima?

De eodem.

Hunc credam potumque merum, passumque papauer,

Cum ruba nec somnos excitet vlla suos.

De eodem.

Quantumuis stertat, quantumuis lumina claudat,

Non credam, iuret tela, facèsque licet.

De

De eodem.

*Ad gemitum dormitat Amor : lamenta , querela
Sunt illi cantus , sunt gemitus cithara .*

De eodem.

*Pelle puer muscam , qua tentat rumpere somnum :
Cum requiescit Amor , tunc requiescit amans .*

De eodem.

*Lassus Amor dormit , ventos agitare flabello ,
Ne pigeat , pugna membra labore calent .*

De eodem.

*Carpe iter ò tacitus , leuiter vestigia tende ,
Paniteat , si te sentiat ipse puer .*

De eodem.

*Surge Amor en medium Titan conscendit Olympum
Laus est peruigilem surgere ad arma ducem .*

De eodem.

*Dormit Amor ? dormit , somnum ne rumpere tentes :
Pertimuit vigilem fingere Praxiteles .*

De eodem.

*Marmora quando animat , dormire & marmora cogit
Uni Praxiteli cedimus , inquit Amor .*

De eodem.

*Nescio Praxiteles dixit , num spiritus hoc sit
Marmoreus , num quod fingo animata silex .*

locus .

Sive Dryas , seu Nais ades , lege carmen amicum ,
Haud risu indigna est res , mihi crede , novo .

Dormieram

EPICRAMMATUM.

Dormieram, aggreditur Veneris puer, excitator armis,
Dum tractat tenera tela cruenta manu.
Pone arma, exclamo: tecum quis dimicet armis?
Mox puerum apprehendi, detinuique sinu.
Ille fugit, matrique refert, sed mater ab vlnis
Rejcit: optato Mars aderat gremio.
Tum puer in matrem regerit conuicia, mater
Verberat: ad gemitum conueniunt superi:
Quos inter praeceps currit Vulcanus, & amens
Labitur, hinc pedibus claudus utrisque iacet.

Ad Antonium Auriam.

Magne senex, vasti cui parent regna profundi,
Seruit & aequorei carula turba chori,
Auria tu dici, seu maius Doria utrunque
Conuenit, ipse parum tu modo verte notas,
Seu, te quod decorent ingentia & aurea facta,
Sive, quod ex ferro hac aurea secla facis.
Seu, quod sit mater Doris, vel Adorea, certens
Nulle triumphati qua dare ferta maris.
Viue senex victor, Neptuni quem decet vnum
Fuscina: dum viuunt aequora, viue senex.

Ad Marium Galeotam.

Q Uas Charites pictis violas iunxere corollis,
Quas Venus auratis implicuit que comis,
Quasque rigauit Amor, lacrymis quas lauit amantum
In primis lacrymis mi Galeota tuis.

Ecce

Ecce ferus subito fœdatis vnguibus Ursus
 Colligit, in actum dedecoratque decus.
 Deceptum agricola semper genus: i, cole flores:
 Quas meruit violas Iuppiter, Ursus habet.

Ad Gellam.

Esse Deos, meritas scelerumque reposcere pœnas
 Tusatis exemplo es perfida Gella tuo.
 Nempe doles dentes: num forte impune putabas
 Semper amatorum corda comesse hominum?

Poeta piti ad Serenos academicos.

Servate aeterni vestigia nostra Sereni,
 Reddat ut hic pictos vos quoque posteritas.
 Qui favit nobis, idem nunc regnat Apollo:
 Quæ fuit, est eadem nunc Heliconis aqua.

In funere Io. Baptista Actij, Tertia domini.

Actius & Phœbus, Syncerus & Actius alter,
 Actius hos inter Tertijs ipse micat.

De eodem

Quod tua dilecta placuissent carmina Luna,
 Nempe tuo fas est credere ab interitu.
 Perpetuo retinet sopitum te Dea somno:
 Endymiona brevi tempore restituit.

Epitaphi-

EPIGRAMMATUM

Epitaphium Thomasis Duri,
& Iulie Rota coniugis.

Felices, quibus vna fuit mens semper, & vna
Quos tulit hora, simul quos lapis vnus habet.

Ad Franciscum Pasqualinum, de Iacobo
Puteo Cardinali.

Pasqualine, sacri Putei caelestibus undis
Si dabitur longam pellere posse sitim;
Tunc mihi non puteus, verè sed Castalius fons
Ille erit, & putei nectaris instar aqua.

In caput marmoreum.

Indicat ante fores adaperto marmor hiatus,
Accensum dominum sanguinis esse siti.

De Andrea Rege, laqueo interempto.

Andream regem immeritum mala strangulat vxor,
Nox vili imprudens condit alumnus humo.
Connubium infelix, pietas nimis impia: vitroque
Leditur hac laqueo strangulat, hic tumulo.

Amoris serui cumulus apud Rotam Villam.

Serue Amor, hortorum custos, dominique volu-
Hoc te sublimem constitui in tumulo: (pras
Us que

*Ut quæ tanta fuit viuenti, hæc ipsa sepulco
Incustoditi sit tibi cura loci.*

In aurum.

S *Eu quod formidet fures, seu criminis aurum
Quod pœnam fugiat, pallet & vsque latet.*

Epitaphium catelli.

L *Atraui ad furem: tacui, cùm venit amator:
Sic & hero placui, sic & heræ placui.*

Ad Decium Serium, de Lucretia Tusca.

T *Usca pudicitie renouans Lucretia nomen,
Cum foret hostili præda petita manu,
Præcipitat primum se de culmine tecti,
Ne læsus caderet virginitatis honos.
Atque ubi iam nouit frustra cecidisse, propinqui
Arni ponte ruit, nec pia mersit aqua.
Ecquid, ait, poterone mori? moriamur, & vndis
Obruit inuictum terque, quaterque caput,
Cedat Seri igitur Tusca Romana puella.
Utraque casta: sed hæc ter cadit, illa semel.*

Quinterij tumulus.

Q *Vintus adhuc tumulo lites intendit, & omnes
Cum Quinto lites, insidieq; iacent.*

N Tusce

E P I C U R A M M A T U M

— Tu fuge quisquis ades : vereor , ne te quoq; fallat :
Dum legis , infidias ossa sepulta parant .

In turri apud Faustinanam villam .

H Ue fugite ò Dryades , dominus loca tuta parauit :
Ne vos , dum sequitur , Pausilypus rapiat .

Antonius Epicurus Scipioni filio soluit inferias .

Q Uas tu debueras lacrymas mihi nate parenti
Qua iuuenis misero soluere iusta seni ;
Heu tibi fatorum non aqua lege parauit
Infelix simulacrum , umbræque mæsta pater .
Et quando semper mecum tua viuet imago ,
Sit tibi pro tumulo mens , animûsque patris .

Portunus de Casare nauigante .

N Usqum abero , donec victorem liore sistam ,
Qua sol Eos lustrat & tæspérios .
Cede pater Neptune : vni parere necesse est .
Terrestri posthac seruiat vnda Deo .

De Petro Gambacurta .

O Hymen roseas para corollas ,
Accende ò faculas Venus gemellas
Perlustrans Paphio domum liquore :
Gambacurta venit nouus maritus ,

Currit

Currit ad thalamum salax, procaxque :
 Verum somniat, haud canit Pœta,
 Non non ipse potest maritus esse,
 Hostis qui thalami impotens, & acer
 Gaudet calibe rex, deusque vita :
 Gambacurtæ frequens puellarum
 Sæctator, colit aula quas beata,
 Quas comptus niueus, nitôrque mollis
 Nutrit perniciem in malam aulicorum,
 Gambacurtæ iocus puellularum,
 Totus delitiæ, facetiæque ;
 Quin totusq; puella, totus aula.

Uetula de tumulo loquitur.

Q Ua vaga per colles currebam, pèrque lacunas
 Non contenta urbis ire, redire vias,
 Uetula bigarum labor, indefessa pedumque
 Tempestas, vix hoc marmore detineor.
 Ne tollas lapidem : si tolles, ipsa resurgam
 Bigarum ad cadem, perniciemque pedum.

De Cælio Magno Veneto.

A Reat omnis ager, lacrymans si Cælius adsit,
 Aridus humescet protinus omnis ager,
 Humeat omnis ager, suspirans Cælius adsit ;
 Et tumidus arefcet protinus omnis ager.

At ij In

EPIGRAMMATUM

In Poëtam fugientem.

Hostis adest, litusque tenet, tum veste relicta
Ad montem fugiens scripta poëta rapit.
O mens caca hominum, series prapoëtera rerum:
Crede mihi, melius perdere scripta foret.

Ad Franciscum Plantedium.

Plantedi procul hinc Catonianum
Sui supercilium, & Sabina ruga:
Quis neget iuueni iocos poëta?
Quis neget fatua iocos iuuenta?
Licet desipere in loco: & iocari
Inierdum licet, ac furens videri.
Lingua mi blaterat, ruit, rotatque,
Lubrico ut rota currit acta cliuo:
Præceps labitur in profana verba,
Persæpe & vomit id, quod ipse nolim.
Hinc me pænitet esse sic locutum.
Obscænus calamus, pudens voluntas.
Parcendum iuueni semel poëta,
Parcendum fatua semel iuuenta.

Ad Iulium Casarem Caracciolum compatrem.

An manus vlla tua teneros descripsit amores
Compater, anne iocos dulcius, anne sales?
Sis modo ne chirager, podager sis vsque licebit,
Nam pede non scribis, scribis at ipse manu.

In Nellum Gallum.

Scrutatur statuas, scrutatur carmina Nellus:
 Iactat utrunque miser, nescit utrunque miser.
 Infelix censor statuarum, & carminis idem,
 Quàm male cum statuis, carminibusque tibi est.
 Felices statua, felicia carmina, felix
 Ipsa domus, cui non sensus, & auris inest.

De P. Paulo Riccomanno, & Alfonso Tamasio.

Huc huc hendecasyllabi trecenti,
 Quos Riccus meus, & meus Tamasus
 Promunt ingenio, rigantque chartis:
 Huc pia lacryma, potensque fletus:
 Huc huc illecebra, precèsque blanda;
 Ira Lucia sauit impotenti.
 Nunc opus lacrymis, potente fletu,
 Nunc nunc hendecasyllabis trecentis,
 Quos Riccus meus, & meus Tamasus
 Promunt ingenio, rigantque chartis.
 Verùm si miserum parum iuuabunt,
 Ira & Lucia sauit impotenti,
 Valete ò lachryma, potensque fletus,
 Valete hendecasyllabi trecenti.

Ad Ioannam Argoniam ♀

Cùm modo conferrent tibi tradita munera, Phæbo
 Iudice (sic placitum est) Iuno, Minerva, Venus
 Diuitias

EPICRAMMATUM.

Diuitias Iuno, formam tribuisse Dione,
lactat & ingenij Pallas amica decus.
Cedite ait potius Phœbus, lis omnis abesto;
Una Aràgona vna est Iuno, Minerva, Venus.

Ad Franciscum Pasqualinum, & Hippolytum
Capilupum.

S vos tuta meis fulsisistis signa procellis,
O animæ illustres ore, fide, ingenio,
Pasqualine mei pars, & Capilupe laboris,
Quis neget esse novos uos mihi Tyndaridas?

Ad Hadrianum Gulielmum.

Vror, amo, excrucior, diuellor, saucior, odi,
Surrupior, iactor, restitutor, iaceo,
Irascor, fugiso, sileo, queror, insequor, opto,
Despero, spero, decipior, metuo:
Hac in amore meo sunt mi Gulielme, nec ipse
Heu morior, cum iam viuere desierim.

Ad Io. Baptistam Portam.

Cum dormit mea Nisa Venus, Venus ipsa videtur
Cum vigilat: semper sic mea Nisa Venus.
A Venere hoc tantum differt. prece Cypria quondam
Vieta fuit: non hac sanguine, non precibus.
Quid faciat, mi Porta, tuus Rota, consule: quando es
Ipse Dionæ pars bona militiæ.

Ad

Ad Hieronymum Ruscellium.

Scribis, ego ve scribam: non est, quod scribere possim
 Ruscelli, Roma rinule dulcis aquae:
 Iussit Amor reticere diu, ne forte triumphum
 Quem de se retulit Lucia, detegerem.
 Mene igitur poteris seruum damnare silentem,
 Qui premar imperio, quo premitur dominus?

De Pallade & Baccho.

Vndique septam oleam vidit pendentibus vuis,
 Et risum simulans talia Pallas ait.
 Nulla Lyae tibi ratio cum Pallade: nam tu
 Ebrius, incestus: sobria, casta soror.

*Ad Iordanum Pascasium, de
 Mariano agro in Marfis.*

Dic, niue cur media vireant sata lata Marani
 Pascasi vatis pars adamata tui?
 Dani lacryma pluuiam, suspiria nostra calorem:
 Est Amor, est nostri temporis agricola.

De se ipso, & Amore seruo.

Seruit Amor domino, dominus cur seruit Amori?
 Alter Amor dominus, seruus & alter Amor.

De

EPICRAMMATUM

De eodem seruo Amore.

I mberbem puerum satis tenellum,
 Castum, candidulum Deum putabam
 Amorem, ac dominum omnium Deorum.
 Ast Amor secus, atque ego putabam,
 Repertus, genus Afer, impudicus,
 Custos compede vinctus hortulorum,
 Et qui seruiat omnibus colonis,
 Cui pili obsideant genas rigentes;
 Cui barba obrigeat viri iam adulti,
 Non quidem pueri satis tenelli,
 Est Amor secus, atque ego putabam.

Ad Nitedulam.

Quid circum volutas nocturna Nitedula sepem,
 Fida comes nostri conscia propositi?
 Sis te parum, cara dum nos ad limina Nisæ
 Mittit Amor, tenebras luce repelle tua.
 Quando vstum ingenti pectus mihi flagrat ab igni,
 Nec vel tantillum luminis inde venit.
 Sis te procul tamen ipsa, meo ne forte calore
 In flammis abeas tuque, nemusque tuum.

In praposteros mores.

Est modo sancitum de muris busta renelli:
 Hoc asinum est per caudam & capere, et trahere.
 Oseriem

*Oseriem rerum inuersam . via recta terenda est :
Uellendi mores , non tabula , aut lapides .*

*Ad Camillum Paganum , de Marco
Antonio Columna .*

O Pret Idumaeas sibi quisque Camille columnas ,
Dum Romana tua sit comes vna via .

*Ad Ferdinandum Loffredum , Triuici dominum ,
de Peraphano Ribera , Principe optimo .*

O Lucullea villa , virtutis & haeres
Loffrede , antiqua lux noua militie .
Dic qua voce feram Peraphani ad sidera laudes
Non sum qui tanti Principis acta sequar .
Quis vastum Oceanum rimosa claudet in vrna ?
Innumeras stellas quis numerare queat ?
Hunc quocunque tamen pinget mea Musa colore ,
Sape orbem immensum parua tabella refert :

*Ad Alfonsum Carrafam ,
Cardinalem Neap .*

Cum simul in te vno splendescant ordine miro ,
O iuuenis sacra spesque , decusque ratis ;
Admirata olim quacunque est docta vetustas ,
De te quid dignè dicere quis poteris ?
Tu satis vnus eras aeterno carmen Homero ,
Virgilio carmen tu satis vnus eras .

N Misat

EPIGRAMMATUM

*Mi sat erit spectare procul tua lumina, cum quis
Eois Solem surgere cernat aquis.*

*Ad Phœbum, pro Paulo Quarto
Pont. max.*

Collis ò sacri decus, ò beati
Fontis, ò pulchri nemorisque custos,
Phœbe Musarum pater, ò perennis
Luminis autor.

Phœbe mundi spiritus, atque ocelle,
Quem dies circumuolitant, & horæ;
Qui soles agros etiam nigranti au-
ferre sepulcro.

Desere argutæ iuga lata sylvæ,
Linque iam fœtas choreas, & umbram
Arboris frustra olim adamatæ, & antri
Saxa canori.

O veni, ò dexter fauceas, & asser
Quicquid herbarum, medicinæ succi est:
Dum patrem sacrum retinet molesta
Febris, & vrit.

Ecquis ò Musis locus, ecquæ erit spes?
Nulla posthac gloria, nulla erit laus,
Si cadet, secum cadet ipse ab alto
Vertice Pindus.

Ecquem habebit religio nitorem,
Barbara squalens scabie, relinquet
Ille si cæcis abiens tenebris
Obruta secla?

Carne,

Cerne, muscoso Tyberinus alueo,
 Ut modo in ripam exiliens propinquam
 Amne votiua tibi pronus aram
 Supplice ponat.

Te lyra iam posthabita precatur
 Nobilis nunc Parthenope, vouétque
 Iam novos Siren numeros, nouoque
 Pectine chordas.

Quin Maronis mox tumulo excitabit
 Inclytam umbram, carmine qua superbo
 Efferat Paean tuum, canátque
 Fortia facta.

Ut cute crepta in laticem ire cæpis
 Impari cantu, imparibúsque fatis
 Marsya, ut Titania celsa ab arce
 Turba repulsa est.

Utque victrici cecidit sagitta
 Anguis, ut Cyclops iacuit peremptus,
 Ut coma intonsa niteas decorus,
 Fortis & arcu.

Verùm ego innixus leuiore plectro
 Daphnidis fatum referam, fugámque.
 Et canam in flores pueros acerbo
 Funere versos.

Aegla ubi ad nostros gemitus resultat,
 Aegla iucundi mihi testis oci,
 Sape quam gaudes alacris relicto
 Visere Cyncho.

*Laura Cossa soluit inferias
Ferdinando Rota coniugi.*

Laurus eram viridis: sine te nunc arida quercus,
Fulmine sum duris Alpibus icta Iouis.
Qua tamen ipsa mei reliqua est pars, sit tamen vlla est,
Illa iacet lacrymis vsque rigata meis.

In Mendaculum

Non tibi non credam quicquam Mendacule men.
Et si mi iures astra tenere Iouem. (dax,
An tibi vis credam, tacito quæ pectore condis?
Cum sint falsa tibi qualiacunque patent.
Sunt exerti oculi, sunt & tibi crura retorta,
Singula praua tibi, singula ficta tibi.

*Ad Hadrianum Gulielmum, &
Io. Baptistam Portam.*

Ecquis te melius poterit Gulielme referre
Furtiuas scripsit quas modo Porta notas?
Ecquis item melius poterit te Porta referre,
Qua Gulielmus habet signa vetusta domi?
Dat lucem chartis alter, dat viuere saxis
Alter: ita ingenio, ut sanguine, utrique pares.
Alter utrunque refert: sic vno nomine si quis
Alterutrum dicet, dicet utrunque simul.

Ad

Ad Nigellam.

A Nne Nigella times nitidum pallescere florem,
 Quando humor vitam semper & aura dabunt.
 Humor erunt lacryma, suspiria pectoris aura:
 Nulla deficient humor & aura die.

Ad Paulum Suardum, de Trutta Marso.

Q Uod Trutta in rapidū praeceps se miserit amnem,
 Cuncta Suardi domi dum ferus hostis habet;
 Natura ingenita vim tu mirabere? pisces
 Est vetus in patrijs degere fluminibus.

In Serpillulum.

Q Uid tibi si minimum cogar nec credere verbum?
 Est tua mendaci barba retinēta nuce.
 Tēne vocem coruum, cum sis Serpillule cygnus?
 Tēne vocem iuuenem iam cariose senex?
 Tunc adhibenda fides, cum tu verteris in illum,
 Qui fueras: nuper (quis putet?) alter eras.

Ad Hieronymum Spinulam.

S Pinula si placas animos, si pectora mulces
 Ingenio leni, moribus ingenuis,
 Non tu, crede mihi, spina es, qua pungit & vrit,
 Sed qua perpetuis floret amica rosis.

Ad

Ad Beatricem Daualam.

Atribitur falsò nomen posuere Beatrix,
 Si per te veniunt & lacrymæ & tenebræ?
 Vix lucem extuleras, patriam vix luce bearas,
 Cum tecum extinctos mortua nos sepelis.

In hominem durissimum.

Nemirere hominem fictum de marmore, viuis
 Marmor erat, nunquam saxeus ipse minus.

Ad Anconium Guidum Mantuanum.

Vnde hyeme in media redolent violaria? & vnde
 Terra vires? Veris possidet vnde decus?
 An mi Guide domus superum, Iouis ànne penates,
 Dum peregrè terras hunc coluisse ferunt?
 Hos superi posuere lares, domus vna Deorum est
 Mantua diuini patria Virgilij.

De Diana, & Amore.

Dum modo fonte laur venatu fessa, lauantem
 Aggreditur iaculis me male cautus Amor.
 Tela tuli, fregique arcum, mox fracta per omnem
 Seni agrum: sacrae parce viator humo.
 Si nescis (Diana monet) tractare caueto:
 Retia, tela, ignem semina iacta dabunt.

Miserrimi

EPIGRAMMATUM

Miserrimi tumulus.

Infelix vixi, tandem dolor ipse peremit.
Nescio cur vixi, sed scio cur perij.

Ad Nigellam.

VT quis per lucem quoquò vestigia vertit,
Ipsummet sequitur corporis umbra sui,
Sic ego, sic mea lux quoquò vestigia vertis,
Te sequor huc illuc corporis umbra tui.
Non ego, quod videor, certe sum: verum ego, quod tu es,
Sum miser: & parcis non tamen ipsa tibi.
Hoc est, me miserum, quod te sequar usque vel umbra,
Hoc est, quod memet nil fugere usque iuuet.
Verùm ubi fata volunt à nobis te procul esse,
Nedum ego, quod soleo, sum umbra, sed ipse nihil.

*Ad Vincentium Cornelium, Osturiensium Pont.
de Portucarero, & Garzia Ara.*

Non est, quod timeas pravi contagia secli,
Cum sit Corneli Portus, & Ara tibi.
Portus ab irato servabit turbine rerum,
Araque placatos reddet amica Deos.

In Lycium.

ORator Lycius, medicus, sophus, atque pœta:
Non ergo est vnum, quatuor at Lycius.

De Di-

De Didaco Daualo Cardinale Aragonio.

HÆc fuit *Ascræis* modo *lex sancita puellis*,
Phæbaa lauri cortice scripta manu.
Iam Daualum posthac vnum cantate pœta:
Unus erit cunctis carmen, & ingenium.

Ad Placidum Sangrium.

S*Angri, quid pictor, quid viuos reddere vultus*
Nuitur, ut vana mens releuetur ope?
Pectoribus nostris viuet Mendocius heros,
Dum viuet recti, dum pietatis amor.

Ad Hyppolytum Capilupum, Fanensium
Pontificem.

D*Ent aurum Capilupe alij, dent quicquid Eoo*
Ad nos Hesperius litore nauta refert.
Plus dederis, si dulce dabis pro carmine carmen:
Ex animo tanti est quid dare, & accipere,

Ad Io. Franciscum Brancalionem.
Medicum, & Oratorem.

Cum *media hyberna resonent æstate procellæ,*
Cum rigeant canæ flaua per arua niues;
Cur mirare fidem nullam mortalibus? ipsam
Non seruant anni tempora, & astra fidem.

O De

EPICRAMMATUM.

De Fonte Varuareo in Marsis.

PEgaseos latices habeat sibi quisque pœta,
Dum mihi Varuarei copia sit laticis.
Ipse simul fecit validum, fecitque pœtam:
Haud cecini, haud valui: nunc cano, nunc valeo.

Ad Dionysium Achanasium.

AThanasî Hadriacas vehitur dum Nympha per vn
Têq; oculus media torquet, & vrit aqua, (das,
Nuncq; Thetis visa est, patrio nunc Cypria ponto,
Addua Nereidum nunc noua Diua choris,
Crede mihi in subitas abissent aquora flammæ,
Nî foret à lacrymis flamma perempta tuis.

De Hippolyta Gonzaga.

OQuibus inuita Lachesi dare munera vite
lus datur, Aonia turba diserta Deæ,
Nectite, qua digna est, æterna è fronde corollam,
Et viridi Hippolytes cingite honore comam.
Dixerat hæc Phœbus: numeros cùm forte puella
Audyt, & reticens inuidia obstupuit.

In libellos editos à Paulo Manutio.

ELysij manes, quos nunc quoque cura fatigat,
Ne Latum sordes imbuat atra decus;

Dicite

*Dicite, quas Paulo sedes, qua fersa futura;
 Cum vestrum felix incolet umbra nemus?
 Ille dat, excultis qua sint imitanda libellis;
 Squalenti qua sint obsita verba situ.
 Magna quidem pietas, fortunatique labores:
 Roma secunda redit, barbara lingua silet.*

Ad Aloisium Sancium.

*S*ol radios, mare præbet aquas, dant gramina flores:
Tu dulci Sancti dulcia dona animo.
Sol æstus, mare dat scopulos, dant gramina virus,
Nos & amaro etiam carmina amara animo.
Carmine pro dulci sic tu cape carmen amarum:
Sæpe solent varia dona placere vice.

*Ad Ferrandum Daualum Regij patri-
 monij Præfectum.*

*N*escio Ferrandus cur tu dicaris, ab ipso
Nomine sat differs moribus, ingenio.
Aureus est animus, dicta, & facta aurea, ferrum
Quid tibi? cum ferro nil, mihi crede, tibi est.

Ad Nigellam.

*S*iquis te spectat nec deperit haud puto viuum;
Si quis non spectat viuus hic mortuus hic est.
O ij De Flavio

EPIGRAMMATUM

De Flavio Cardinale Ursino.

INcluta cum veteres desleret Roma ruinas
Et sacrum in peius cerneret ire decus:
Quid lacrymas? Tyberinus ait, delapsus ab astris
Ursus adest, Ursas qui nict ante duas.
Hoc duce Roma iterum stabis, meliorq; resurges
Iam Lupa, nunc Ursus conditor vrbis erit.

Infantis cumulus.

Heu simul infanti cumulum, cunâsque parare:
Nam matre extincta nascitur & moritur.

*Ad Marium Carrasam Neapolitanorum
Pontificem.*

Summe Heros patriæ tandem lux tradita nocti,
Quem pietas genuit, religio erudit:
Vellem ego, sed nequeo de te quid dicere, dicam
De te aliquid; demas tu modo de te aliquid.

Ad Amorem.

Non Venus tibi mater, ociûmque
Pater, crede mihi puer proterve,
Non ioci, illecebræ, sales, lepores
Fratres, non Charites tibi sorores;
Luxus, mollicies tibi parentes
Fraudes, insidiæ, doli, pericla,
Fratres sunt Amor, & tibi sorores.

Statuarius

Scatuarium filia soluit inferias.

Quid iuuat ah longos artem didicisse per annos,
 Cum mea dextra tibi nata sepulcra pareat?
 Et ferrum, & marmor crudelia, ferrea dextra,
 Hei mihi tam magnum quæ peperere malum.
 Et ferrum & marmor felicia, dextera felix;
 Si pater hoc tecum conderet in tumulo.

Ad Nereidas.

Dicite Nereides, quæ circum luditis undas,
 An maiora meis aquora sine lacrymis?
 Dicite formosæ Platamon quam deperit, Aegles
 Anne magis duri pectore sine scopuli?
 Credite iam dudum nostros res nota periclo est,
 Nempe minora meis aquora sunt lacrymis.
 Credite formosæ, Platamon quam deperit, Aegles
 Quod vel dura magis pectora sunt scopulis.

Ad Franciscum Lombardum.

Maximus es meritis, vita bene maximus ætæ
 Te tamen & nequeo dicere Pontificem.

Ad Menelaum Infronsium, & Simium Campanum.

Forè, quo se habeat modo, rogatis,
 Est qui carior omnibus pœta.
 Qui vos diligit, omnibusque præfert:

Excussis

EPICRAMMATUM

Exussit laceras Venus medullas,
Sunt longa misero dies tenebrae,
Nec quicquam retinet, quod olim habebat.
Quin vultis, referam, quid ille nunc sit?
Umbra perpetuis perusta flammis.

Ad Lucretiam.

Non, quòd lucreris gemmas, Lucretia dicta es;
Sed quòd lucreris corda hominum, atque animos.

*In funere Hieronymi Seripandi,
Cardinalis.*

Res noua, res nimium tristis, res digna querelis,
Iam furit in magnos mors violenta Deos.
Tùne ille heu moreris prauis spes vltima seclis?
Tùne races sacri lux Seripande chori?
Ah quantum amisit Christi respublica: quantum
Lucrata est celi regia morte tua.

Ad Virginem Christi matrem.

Pracipiti rueret cùm biga exterrita cliuo,
Nec foret, alipedes qui cohiberet equas;
Totàque penè domus currenti abscondita ligno,
Pessum iret, quin iam lapsa taceret humi;
Tu, cui sunt cura miseri sanctissima Virgo,
Ecce ades, & tantis eripis vna malis.

In Longinum.

Romanam Fabij quondam mora restituit rem:
At mora Longini perdidit ipsa meam.

Pueruli tumulus.

Matris ad inferias iacet hic puer edictus, illum
Edere nam mater dum parat, ambo obeunt.
Tūne igitur puerum felicem flebis, ademptam
Qui nolens matrem cernere, sic periit.

De Iulia Rota sorore.

Carmen sint alijs alia, mihi Iulia carmen
Romanas referens, & Lacedaemonias.
Exhibuit talem rapti se funere nati.
Inuidia ut dederit non minus, ac gemitus.

In effigiem auream Peraphani Riberæ

Non ego te vinum spirans quod reddidit aurum,
Effigiem noui magne Riberæ tuam.
At subito ut legi, Terras Astræa reuissit,
Non alius dixi quàm Perasanus erui.

*De nuptijs Vespasiani Gonzagæ, &
Annæ Aragoniæ.*

Qua bene iunxit Hymen, fouit concordia, sanxis
Religio, fidei vincla dicit Amor.
Nulla dies

EPICRAMMATUM

Nulla dies soluat : non rerum perfidus ordo ,
Non duri fati rumpat iniqua manus.
Pro Gonzaga aderat Melvors, pro coniuge Pallas.
Orabat Phæbus vota secunda Iovem .
Annuuit , & dixit , felix , faustumque sequetur
Iuppiter . & sic , sic Parca notauit , erit .

De eisdem .

Qui thalami ? qua ceda ? noui qua pompa Hyme
An luno est iterum coniuge ducta Ioue ? (nai ?
Gonzaga Heroi nupta , est Aragonia virgo ,
Ut Diuûm humana gens reparetur ope .

*De imagine Christi Dei crucifixi , ad
Iacobum Antonium Ferrerium .*

Siste , dole , lacryma : nam quid lacrymare , dolere
Plus potes , hoc si non flere , dolere potes ?

De Hieronyma Columna .

Vos , qui disposito passim succenditis ignes ,
Aëris affecti ne mala vis perimat ;
Si sapitis , vultis que grauem depellere morbum ,
Qui male nunc turbat nos , agitatque metu ;
Pingite caelestis , si fas est , ora Columna ,
Pérque vrbs celebres picta locate vias .
Exemplo puri veniet clementia cæli ,
Diffugient nebula , diffugiétque metus .

*At vereor, vitare malum dum creditis igni,
Ne vos igne vrat picta Columna suo.*

*Ad Peraphanum Riberam, cum obsessa
Uuiza Colonie subsidium mitteret.*

A Equo Marte alij vicerunt comminus hostes,
Omne, fortuna, viribus, arce, morâ:
Tu celer, atque sedens victores eminus hostes
Vicisti nutu, consilio, ingenio.
Quis te igitur poterit mortalem dicere? cum sis
Hoc etiam magno proximus ipse Ioui.

De Annibale Mole Iureconsulto aquisimo.

T Ot moles alij, nos admirabimur vnâ;
Natura hanc, illas ars operosa dedit.
Materia è vili sunt illæ, & paupere saxo,
Nobilis hæc constat diuitijs animi.
Tempus edax illas, hanc nullum destruet æuum;
Mortales illas, hanc posuere Dei.

*Ad D. Vincentium Flumarum
monachum Casinensem.*

E Ducat ars alios & tellus Dadala flores,
At calitantùm ros alit ipse tuos.
Necesses igitur caelestes ponere plantas,
O felix sancti seminis Agricola.

P Ad

EPIGRAMMATUM

*Ad Ferdinandum Carraſam Diomedis
filium, in ſui temporis auaritiā.*

Oſcula diuitibus paſſim ſurrepta puellis
Cernimus: eſt auri hoc, non vitium Veneris.
Eſt tamen eſt aliquid: ſi non ſunt aurea ſecula,
Aurea ſunt noſtris oſcula temporibus.

Ad Ioannem Ramirum.

Qvos noſter Iouius miſit Ramire libellos,
Ut ſimul inſpiciam, ſuſpiciāque ſimul.
Viq̃ notem maculas, ſi quas incuria fudit,
Non ſcripſit Iouij, ſed manus ipſa Iouis.

In Cynicum.

IN Cynicum mors dira manus iniecerat: at mox
Ne male quid de ſe diceret, abſtinuit.

Ad Ioannem Moronum Cardinalem.

Cū Tyberis tumido latè prorumperet amni,
Saudaque vicinos mergeret vnda lares;
Haud mirum Morone tuos ſuper'eſſe penates;
Non potuit ſacris vnda nocere locis.
Sancta fides tutata fores, penetratia Phœbus,
Virginis tenuit teſta verenda chorus.
Hinc ſecura igitur quàm ſit mens conſcia reſti
Quisque putes, quàm nec perdere poſſit aqua.

Ad

Ad Antonium Catenam Regium Consiliarium.

S / mala, quæ nostris tempestas imminet hortis
 Nulla erit, & per te libera poma legam,
 Non tibi, quæ Chloris, quæ dat Pomona, parabo
 Munera, sed Phæbi quæ bonus hortus alit.
 Hortorum exiguo languescit tempore sætus:
 Pieridum nullo tempore sætus obit.

Ad Ferdinandum Toletum Aluæ Ducem.

A ppellent alij quouis te nomine, dicam
 Carminè te Solem magne Tolete meo.
 Sol umbras; tu bella, metum, tu nubila tollis:
 Hinc, mala quòd tollas singula, nomen habes.

De Longo, & Curto.

P racipitat Longus causas, Curtusque retardat:
 Imodo nominibus, i modo crede notis.

In funere Ferdinandi Gonzagæ.

H Oc tantum de morte tua Dux magne dolendum est,
 Debueras acie, non obijisse toro.

*Ad Philippum Austrium Regem
 De Uespasiano Gonzagæ.*

N Il cum fortuna tibi iam Rex optime, vincet
 Gonzagæ inuicta bellica sara manu.
 Dextera Gonzagæ plus quàm fortuna, triumphos
 Quos tu vix cuperes, vix daret illa, dabit.

P ij In

EPIGRAMMATUM

In funere Rodulphi Pij Cardinalis .

Ah Pie tunc iaces? non impia Parca pepercit?
Ah tibi quem tumulum, quos titulosue parem?
Sint tibi pro tuuli probitas, pietasque, fidesque,
Sint nostra aeterno pectora pro tumulo.

In Paleariam,

Omibus es palea similis Palearia, ni quod
Ocyor hac venio est, tardior ipse trabe es.

In funere Hippolytae Gonzaga.

Disrupta ad tumulum pharetra lacrymantur ^{(res} Amo-
Restinxit geminas Cypria mæsta faces.
Sirenes ululant circum, lamenta Camæna
Ingeminant, scissus flent Charitesque comis.
Discite felices quid possint fata mariti,
Discite lætitiā quā prope luctus eat.

Nova felicitas .

Vespere iucundos thalamus coniunxit amantes,
Mane iterum tumulus iunxit & ipse duos.

De Peraphano Robera & Portucarero .

Sumpserat in Portum saevas mors atra sagittas,
Ut Phæbi & Martis perderet omne decus.

Tum

*Tum superi exclamant non Portus ac ipse Ribera est
 Quem petis, ah quid agis? proijce tela manu.
 Proiecit, flexoq; genu rea criminis inquit
 Parce, morte alem perdere credideram.*

*Ad Ioannem Andream Curtum, sacri consilij
 Neapolitani Praefectum.*

Deformant alij leges, minuuntq; premuntque,
 Negligit alter eas, destruit alter eas.
 Tu simul vnus eas exornas, erigis, auges
 Seruas vnus eas, condis & vnus eas.

*Ad Antonium Perenotum
 Cardinalem Granuelam.*

Vellem ego, nec possum, quantus tu, qualis & ipse es
 Meiiri, & si non carmine mente sequi.
 Virtutis nam mole tua sic obrutus ipse es,
 Ut te te intra te non reperire queam.

*Ad Ioannem Austrium de victoria nauali
 per eum parata contra Turcas.*

Ars, usus, fortuna, animus, solertia, vires
 Incluta victricis sunt bona militia.
 His est parata Ducum victoria, sed licet id sit
 Omne tuum, hoc auget Dux tibi magne decus;
 Quod sperare vetas, quod nos optare triumphos,
 Sic spem, sic votum vincis in arma celer.

Non

EPICRAMMATUM.

Non aliter fulmen ferit ante, & territat ictu
Quàm sonitu, & primum sternit & inde ruit.

*Ad Lethen flumen apud Pratam
ditionis suæ oppidum.*

S Aluete ò latices Lethæi, ò flumen amicum
Quod serpis vitreo saxa per uda pede;
Sive dedere olim lethæa obliuia nomen,
Sive dedit letum meta, quiesq; mali:
Sit faustum felixq; tamen quia nomen ab ipsa est
Latitia letum nomen, & omen eris.

Ad Peraphanum Riberam.

T Urbarunt alij pacem discordibus armis,
Tu pacato animo bella profana domas.
Uidimus immersos tranquilla per aquora nautas,
Tu portum iratis fluctibus ecce tenes.
Ultra hominem tu quicquid agis fortissime Princeps,
Iam colit humanum terra beata Ionem.

Ad Rannucium Farnesium (Cardinalem.

I Am te Pontificem medio Tyberinus ab amne
Suspicit, & iam te Roma beata colit.
Rannuci pura series sic candida vitæ
Postulat, & Studijs gloria parta tuis.
At quando votis obstat non apta iuuentus,
(Et si iamdudum moribus ipse senex)

Canicie

*Canitie subita fias argenteus , ut mox
Aurea te fiant secula Pontifice .*

Ad Vincentium Francum Regium Consiliarium.

Siquis se vincit vera est victoria , victor
Vincenti , hoc proprium est , hoc mihi crede tuum.
Nam vis nulla via potuit te flectere recta ;
Non amor , ira , metus , commoda , dona , preces
O legum decus inuictum , ò te iudice iura
Aurea , & ò tanto secula beata viro.

Ad Felicem Ursinam .

Felix , & Phœnix diceris : nomen utrunque
Te decet , o cœli tertius Urfa nitor.
Tete ipsa es felix , fortuna & munere felix :
Phœnix vna animi , corporis vna bonis .

De Andrea Pontio Leone .

Trajciam tuò tumidum qui territat amnem ,
Despiciam rabido quæ vorat ore feram.
Tranantur paruo torrentia flumina ponte ,
Diffugiunt viso sæpè Leone fera .

De Gallina ad Pisanum

Arcis Tarpeia custos argenteus anser
Quòd fuit , hoc vocis munus inane fuit.

Aurea

EPICRAMMATUM

*Aurea sit. ne dum gallina argentea, quæ dat
Bina Pisane tibi quolibet ova die.*

Ad Secundum Velam gallina occisorem.

Tunc Secundus eris gallina occisor amata?
Omnibus aduersus qui potes esse bonus?
Ah potius genus omne auum, quin perdere temet
Debebas, tantum quam facere hoc facinus.
Saniat in te vnum cui toxica blanda parasti
Nus precor, extincta strenuus vltor auis.
Ille tibi frangat cyathos, & deuoret escas
Et qua peccarunt mordeat ille manus.

De eadem.

Sint alijs volucres argento, & marmore fictæ;
Argentum, & marmor non tamen ova parit.
Sat gallina tibi si carne, & sanguine ficta est;
Tantum alis careat ne fugitiua volet.

Pisanus gallinam deflet.

Heu, qua debueras longissima vincere secla
Quam gallina tuo funere raptæ iaces.
Es qua bina die dare sæpius ova solebas
Quot suspiria, quot nunc mihi das lacrymas:
O pereant mala crusta malo medicata veneno,
Tūque inter cæli sydera sydus abi.

Ad

Ad Nigellam.

Tantum crudelis, tantum formosa Nigella es,
 Ut tecum, & sine te vivere quis nequeat.

In Auream Statuarium.

Tum mihi vere aurum si donas Aurea marmor,
 At mihi si vendas Aurea marmor eris.

Ad Menelaum Infrosinum.

Mitte queri Menelae meis non vivere chartis,
 Hoc inter flammis vivere crede foret.
 Dic mihi quid melius; medys te vivere chartis,
 An media vatis vivere mente cui?
 Sitamen id spernis, si tanti est vivere chartis,
 Sat tibi sit chartis vivere posse tuis.

In fatuum ante fores catena custodem.

DEsipis, idcirco custodis iure catenam,
 Custodire sibi debita cuique licet.

Ad Nigellam.

Id tibi, quod potuit natura indulserat vni,
 Verum te te ipsam perdere non dederat.
 Cum me igitur perdas tu te ipsam perdis, iniqui
 Criminis ah novitas, ah scelus, ah facinus.

Ad Eandem.

Quam mallet ipse meis oculis edicere legem;
 Ne tam saepe tuos inspicerent oculos;

2 Sed

*Sed vereor legem esse nefas, quæ non sinat almo
Sole frui, atq; bono, quod super omne bonum est.
Ad eandem.*

Cum te finxisset, nos ipsos finximus inquit
Iuppiter, obliuſ numinis ipſe ſui.
Pœnituit ſeciſſe tamen quod fecerat, in te
Nam ſuperum, atq; hominum fecerat exiuium.

*Ad Veſpaſianum Gonzagam,
de Aloisio filio.*

In nemus immenſum Parnaſia frondeat arboſ,
Et magnum in fluuium ſons Heliconis eat.
Iam Gonzaga tibi puerum dat Regia conuux:
Iam creat indigenas ſcala terra Deoſ.

*Ad Pyrrhum Antonium Capuam, Hydruntino-
rum Pontificem, & Sedis Apoſtolica
apud Veneroſ Legatum.*

Quod forti ſpernaſ animo decreta maligna
Fortuna, & ſurgas quò magis illa premat;
Antoni te digna facis: nam vera mereri
Gloria, non vera eſt gloria habere decus.

In Portia Capicia coniugis funere.

Dum viridi vernos carpebat gramine floreſ
Pocilia Dinus doma futura ſua,
Vidit eoſ atra circum ferrugine tingi,
Et ſubiò in ſpinas vertier, & tribuloſ.

Proti-

Protinus ad litus descendit, dumque legebatur
 Candidulam concham, lurida concha venit.
 Haurit aquam, dulcis quæ puro è fonte sivebat,
 Et tamen hanc etiam tristis amaror habet.
 Aëra tum stupidus suspexit: lucidus aër
 Forte erat: at piceas mox abit in tenebras.
 Ecquid erit lacrymans tandem proclamat? & audis
 Mortua Pocilia est, mortua Pocilia est.

Eiusdem tumulus.

Plerides tumulo violas, Venus alma hyacinthos,
 Narcissos Charites, lilia spargit Amor.
 Phœbus odoratas lauros, Pallásque amaranthos,
 Nos lacrymas sancti pignora connubij.

Ad eandem.

Dum parere heu sobolem credis dulcissima coniux,
 Quot lacrymas moriens, quantæque damna pa-
 Per te ego dicebar felix, per te quoque dicar (ris?
 Infelix omni tempore morte tua.
 Et tamen ah miseri vitali vescimur aura,
 Cum nostri tecum pars melior iaceat.
 Quid moror? en tumulo viuum me condite, si qua est
 Opietas; quando non obisse datur.

Ad eandem.

Nam vivat pereatne malis qui creditur vndis
 Ambiguum est minimo morte procul digito,
 Q u y Sic

EPIGRAMMATUM

Sic ego te extincta lacrymarum dum trahor undis
Mortuus, an vivus dicar in ambiguo est,

Ad eandem.

Et tantum, & tantum fleui, ut ne dum una relictâ
Sit lacryma; heu saltem qua mala tanta leuemi;
Fluxit & in lacrymas sanguis, fluxere medullæ
Quid reliqui? ni anima hac diffluat in lacrymas.

*Cum è Roscolo sua diuisionis oppido
in Marsis Neapolim rediret.*

Muscofi lapides, qui me per iniqua viarum.
Ducitis, & quò non ducier ipse velim.
Crediderim, vobis aliquis si sensus inesset,
Quòd stillaretis mecum etiâ lacrymas.
At quando hoc vetitum est, oculorum flammeus humor
Vos riget, huc illuc fonsque perennis eat.
De quo mox bibat admirans dicâtque viator,
Non alibi medio surgit ab igne liquor.

*Epitaphium Iacobi Brancacij &
Laura Rotæ coniugum.*

Felices cineres vna voluere reponi,
Ne, quos iunxit Amor, funera dissiderent.

Ad Aloisium Tansillum.

Dum senis cantas lacrymas beati,
Opium cantum, ò lacrymas beatas,
Undique & sacris numeris resultat
Collis, & æquor.

Dum

*Dum parat pictam violis corollam,
Dum rosas primas legit, & nitenti
Flore dum replet tibi mille coniux*

Casta quasillos.

*Nec sat est cari tribuisse agelli
Dona, at interdum spatiata circum
Latus attritas tibi seruat vdo*

Marmore conchas.

*Nos ut immitis dolor urget, ut nos
Cogit, uxorem sequimur sepultam,
Quò rapit mens saucia, quò trahunt nos
Iura sepulcri.*

Ad Horatium Solimaenum.

S*l dolor acer erat potis vnquam vincere, victum
Nempe dolore vnum me fore credideram;
Et Solimae tamen viuo, nec viuere certum est,
Ni credam extinctum viuere posse hominem.*

Ad Vollarum & Turbolum mathematicos.

D*icite quid faciam, qui calum voluitis arte
Vollare care mihi, Turbole care mihi?
Quando elementa etiam mutantur, vertitur aether,
Cur meus est idem tempus in omne dolor?*

Coniugis tumulus.

Q*uisquis ades dignam lacrymis venerare sepultam
Iheu decus intacta grande pudicitia.*

H.c

EPICRAMMATUM.

*Hic Venus, hic Pallas: quis non loca pronus adoret t.
Tres una hac magnas detinet urna Deas.*

Ad Ianum Pelusium Crotoniatam.

Pelusi nostras longum miserate querelas,
Qui mea sepe tuo carmine damna leuas;
Quid dolor ipse nequit? volui de marmore fingi,
Et poni iuxta coniugis ora mea.
Ut saltem fictam fictus de marmore cernam,
Marmorea possim marmor & ipse frui.

Coniugis tumulus.

Voce lege hac tacita, non est non mortua, dormis
Portia, crede, nefas hanc obisse foret.

Sui ipsius tumulus.

Cur tumulus manat lacrymis? cur aestuat igni?
Ipse vel in tumulo luget, & ardet amans.

Ad Gasparem Toraltum.

Care Toralte meas dudum admirate Camoenas,
Non mors præ lacrymis præq; dolore venit.
Ceu rediitua suo de funere nascitur ales,
Sic ego de lacrymis, deque dolore meo.

Genius

Genius è coniugis tumulo.

A^T tu quisquis ades, dices qui curris ad Indos,
Desere. Erythraei longa pericla maris:
Felicem ad tumulum propera, iamque videre terra,
Hic gemmas alias, hic noua thura leges.

Ad Halcyones aues.

Cedite mi tristi quae circum litora cantu
Rapta tori vidua gaudia fletis aues.
Cedite, quod fletus, quod lamentamur, id omne
Maioris causam, vimque doloris habet,
Vos maris irati pacatas redditis undas,
Turbatur lacrymis terra, fretumque meis.
Quodque magis miserum est, vacuas clamatis ad aures
Vos bis Ceycem, nos quater Halcyonem.

Ad Io. Franciscum Spannochium Senensem.

Tu libertatem deploras seruus ademptam
Spannoch, nostram sat miserate vicem;
Ast ego seruitium deploro liber ademptum.
O rerum inuersa condicione vicem.

Ad Gabrielem Zerbum Bononiensem.

Zerbe quidò prodest lustrò cumulasse per actò
Cara peregrino coniugis ossa solo?

Esi mi

EPICRAMMATUM

Et si mi iures cineres, manesue verendos,
Non credam lacrymis te posuisse modum.
Ipse vel extremi fugias ad limina mundi,
Sine tibi vel Pylis secula longa senis;
Nil fuga, nil atas: ieris quocunque, sequetur
Perpetui tenebris obrutus vsque dolor.

Ad Marium Altimarum.

Portia dicta mihi, non Porcia: (parce vetustati)
Est, & erat portus fluctibus illa meis.

Ad Alphonsum Rotam fratrem.

Ateritum corpus frater, quin corporis umbra.
Qui deploratus surgis ab exequiis;
Ne redeas lassæ rediniua ad funera vitæ;
Quod te delectet vivere, quodue iuuet:
Sed pia te moueat fraternæ cura salutis.
Nam si deseris, heu deseret hac anima.
Nec fallor: dum te lacrymans & supplice dextra
Alloquor, & tu me deseris atque anima.

De eodem diu agrotante, & præclare mortuo.

Si vitam inspicies, contendes dicere mortem;
Si mortem, vitam dicere iure potes.

Camerosa

63

SYLVARVM. SEV
METAMORPHOSEON
LIBER.

Camerota.

Ad Placidum Sangrium.

S Angriflos patria, patria non vltima cura,
Quem pater erudit Phæbus, duxitq; per umbras
Aonis, ac lauris per opaca virentibus antra:
Seu te forte malis nunc tempestatibus actum
Publica cura premit patria non digna ferentis;
Seu Camerota altis retinet conuallibus, & te
Nunc litus, nunc sylua iuuat, seu montibus apros
Trudere, vel lino volucres, vel fallere pisces;
Eia age linque alijs hæc, dum canis omnia turbat
Icarius, dum cuncta sicit, dum deperit herba:
Atque hoc, vt potui tibi condere, perlege carmen.
Quæ fuerit Camerota olim, quid verterit artus
Virginis in scopulum canimus: tu plaude canenti;
Te dominum quando ipsa colit, te suspicit vnum.
Quis te, quisue tuos memorans ab origine casus
Nereidum Camerota olim pulcherrima, se se
Abstineat lacrymis? lacrymis quis parcat amicis?
Tu decus ante omnes Tyrrheni litoris vna,
Una amor, vna ignis: te Rex sæpe aquoris vnam,
R Neglectis

SYLVARUM, SEU METAMOR.

Neglectis alijs, quin posthabita Amphitrite
 Optavit: te saepe Tethys per carula nantem
 Obstupuit: per te (mirum) noua vulnera sensis
 Tritonum, Phorciq; manus: monstra hispida Phoca
 Te saepe arserunt. tu saepe at despicias omnes:
 Tantum mira noua pollebat gratia forma.
 Iratos etiam pelagi componere fluctus
 Voce potens, placido luctantia marmora cantu
 Mulcebas, piscésque vagos, scopulosque trahebas
 Undarum Rege inuito quoquò ipsa volebas.
 Quin etiam cantu ducta imò è gurgite Cete
 Exerere informes rictus, Nymphásque videbas
 Undisonis exire antris, ac per freta pisces
 Ludere, & in numerum Delphinas iungere flexus.
 At qua summa imis permiscens, tristia latis,
 Inuidere tibi crudelia fata, perosa
 Elatos animi fastus, mentémque superbam.
 Nam cùm forte olim longinqua per aquora vecta
 Cognata auspicio Veneris, monitúque Deorum
 Aeneadum Ausonia subisset litora classis,
 Cùmque gubernator puppi Palinurus ab alta
 Te nocte in media aspiceret (dabat ipsa per umbras
 Luna diem tremulo vibrans vaga lumina ponto)
 Ac dulci infelix audiret voce canentem
 Continuo exarsit, longum miratus eburni
 Corporis ipse opus egregium, loue dignáq; membra.
 Miratus dulcésque modos, númerosque canoros;
 Ah miser Icarýs pelago se credere pennis
 Iam cupit, immenso quamuis via clausa profundo,
Tantum

*Tantum optare licet . sed quid ? quando omnia terrent ,
Nec quid speret , habet ? nequicquam hac deniq; fatur .
Seu Venus orta vndis , noua siue hoc gurgite Siren ,
Seu tu alia equorei Nympha es pulcherrima regni ,
Eia age (parua peto) liceat prope noscere causas ,
Unde nouis subito flagrent praeordia flammis ,
Quoue tot icta malis morbo mens agra laboret ,
Istuc propera ; huc nando securâ accede : natanti
Ceruleum tibi fluctus iter , tibi ventus amicas
Sternet aquas , facili parebunt aquora motu .
Haecenus infelix . sed tu (vix credere fas est)
Dura magis scopulo , quo membra innixa sedebas ,
Nil contra . at illi Sirenum saxa subisse
In mentem venit , cautiusque occurrit Ulysses :
Sed frustra memor esse iuuat , quando impia contra
Fata trahunt , nimiumque sibi male credulus error ,
Vox placet , & blanda captus dulcedine vocis
Ignavum furtim sensit subrepere somnum ,
Paulatimque ratem pelago , clauumque labantem
Credidit , & incassum nutantia membra quieti
Nitiur , & placida furari lumina fraudi .
Usque adeo dulci iuuat indulgere periclo .
Nec tamen ipsa minus mens aestuat vndique curis ,
Nec minus acer Amor flammato pectore saeuit .
Nanque inter somnum cantantem auditq; , stupetq; ,
Auditamque inter somnum suspirat , & optat .
Tandem decipitur sensim , tacitusque per artus
It sopor , & cacos captant obliuia sensus .
Iamque gubernandi cura , sociisque relictis*

R ij Labitur

SYLLURUM, SEU METAMOR.

Labitur, & praeceps latis miser excidit undis.
 Nec promissa iuuant Neptuni, cum Deus ante
 Fausta huius Veneri promiserit omnia cursus.
 Tu tamen hac spectare potes, nec iam mouet ulla
 Te pietas, poterat scopulos, & monstra mouere.
 At Venus interea, cui dudum Troia cura
 Progenies, Graiorumque ex igne penates,
 Aduecta Idalijs medio stetit aequore cygnis,
 Atque iterum aequoreum fratrem, Nymphasque precata
 Ne liquidum per iter classis spoliata magistro
 Erraret, tutasque vias, cursusque secundos
 Impetrat, ut tandem speratis sistat in oris.
 Mox & disceptos arcus, inhumataque membra
 (Quis putes?) illacrymans, (superos si flere putandum est)
 Colligit, ac rupi, vastis quae prominet undis,
 Imposuit, collumque omnem dedit esse sepulcrum.
 Unde etiam aeternum Palinuri à nomine nomen
 Seruat adhuc, nautis procul aduentantibus alto
 Vertice prospectans mare formidabile saxum.
 Quo rite agresti syluis de more propinquis
 Conueniunt Satyri soluentes iusta sepulcro:
 Et Dryades largo discisso cortice flectu
 Te Palinure altum, frustra que ad busta vocantes
 Funereis donant solijs, tumulumque coronant
 Pallenti circum viola, maestoque hyacintho.
 Protinus his actis magno percussa dolore
 Dira animo voluens ardenti efferbuit ira,
 Nec tulit aqua Venus Palinurum occumbere inultum,
 Sed voluit Nympham dignas dare crimine poenas.

Nam

Nam dum forte parat scopulo discedere, latè
Obrigit, sibi nec constans immobilis hæret,
Paulatimque artus sensit durescere in artum
Contracta, & subito se ipsam miratur, & horret.
Iamque nouum in scopulum versa est, iam saxea saxum
Tota subit, saxumq; inera, nec pœniet alti.
Quinè conspectu tristi letissima casu
Aspicit aduersam rupem, molèmq; sepulcri.
Infelix Camerota nouis deflenda querelis;
Quæ te non flerunt Nymphae, quæ litora? Molpis
Testis erit, Molpis tantæ pars maxima cladis,
Quam Venus in silicem vertit quoque, dum tua luges
Funera: testis erit quoddam placidissima Nympha
Centula natarum Bacchi pulcherrima, centum
Vinetis, vinòque potens, sed nunc quoque tristis
Effundens lacrymas generoso palmitè vitis.
Tèque etiam Antilæ, passis te mœsta capillis;
Quam Pan erudit susceptam Molpide Nympha
Defleuit longum calamus Montana paternis:
Te Uelia, atque imo clamat Triuentus ab antro,
Disrumpensque urnam subito vada linquit iniquus
Frugibus, & pleno rapido pede profilit alueo.
Tum lungana rosas atra ferrugine tinxit,
lungana insignis Pæstani gloria campi:
Quæq; simul nostris modo Trentana paret habenis,
Audiit, & triste exitium Cominenta misera est.
Nuntia fama mali tantum procul explicat alas.
Nec satis ultra iras, voluit quoq; Cypris, ut albo
Aggere te paulum post temporis aduena pubes

Cingere

SYLVARUM, SEU METAMOR.

(ingeret, atque tuo dictam de nomine terram
 Incoleret, populûsque fores prædonibus esca,
 Nec salebrofa vijs loca te, nec vallibus imis
 Præcincta nemorum rupes, nec saxa supremo
 Fixa iugo, aut monstris formido, & piscibus antra
 Nautarum miserorum informibus ossibus alba
 Arcerent sauos populatis sedibus hostes,
 Qui salti memores tenent mare classe propinquum
 Prædari, ac lætè populos, vicinâque circum
 Litora, & everso grassari limite campos.
 Gens fera, quæ veluti præruptis montibus æta
 Sape ruit rapido tempestas turbine, & omnem
 Sternit agrum, secumq; trahens segetesq; bouesque,
 Cum bobus plaustra ipsa, pecus, pecorisque magistros
 Huc illuc vasto furit impete, captâque passim
 Tecta vrît, secumque rapit iuuenesque, senesque,
 Cumque patre impubem prolem, cum matribus alto
 Vagitu tremulis pendentia pignora mammis.
 Necnon (quod lacrymis mage dignum) sanguine prædam
 Commaculat duris traiecto corpore contis.
 Aut cogit miseram per munia tristia vitam
 Degere sub foueâ ingrata compede victam.
 Infelix Nympha, infelix, quæ crimina tantum
 Promeruere? vale, vale; & tibi carmina quando
 Digna dare, haud nostrum est, dignos tamen accipe fletus.
 Fortunata nimis Nympha, ò si Dardana puppis
 Tyrrheni nunquam fatalia litora ponti
 Vidisset, tanto si non Venus æta furore
 Te miseram vsque odijs ageret, premeretque nefandis,

*Si nusquam Palinurus erat, num te magis vlla
 Pulchra fuit, dum vita habuit? num voce canora
 Blandior? aut postquam mutatam fata tulere
 Dulcior? atque homini longè gratissima tellus:
 Te ver perpetuum exhilarat, te flore coronat
 Usque nouo, te fronde sua bona Pallas Athenis
 Iam spretis colit, ante omnes, te vite Lyæus
 Exornat, cogitque suam tibi cedere Naxon.
 Sed quid ego antiquas recolens Camerota querelas
 Te sequar? hoc vno tantum tot damna repende,
 Quòd regat, & placidis nunc te moderetur habenis
 Sanguius, & nostræ referant tua funera Musa.*

Carduus.

*Ad Dominicum Venerium patricium
 Venetum.*

Venneri primum mæsti solamen amici
 Linque precor, Lycidas dum lugeat, linque parum per
 Pieridas, quas ipse colis, quibus ipse refulges.
 Ite per herbosos carpentes gramina campos,
 Ite ite o pecudes quò vos trahit, ite, voluntas;
 Nulla etenim Lycidam vestri iam cura fatigat.
 Vósque fera impune, & volucres impune potestis
 Ire redire vias, Lycidam dolor anxius vrget.
 Non ego vos iaculis posthac, non rete laceßam:
 Tela refusa iacent sine honore, & retia pendent
 Cardinio extincto, quo non mihi carior ullus,

Cardi

SYLVARUM, SEU METAMOR.

Cardinius custos pecoris, sectator aprorum.
 Quae poterunt agrum solari carmina mentem?
 Ah potius socij fatum referamus adepti,
 Indignos obitus lacrymis referamus amicis,
 Sunt digni lacrymis obitus, lacrymabile fatum.
 Quis furor? ah tandem quae te crudelis Accerra,
 Quae rapuere ira? cunctis ò senior vna,
 Quas chorus exercet Dryadum crudelis Accerra.
 Cum iuuenem immiti praeceptum funere passa es
 Cernere, & in lacrymas non te dolor improba vertit.
 Te verè quercus, verè te saxa tulisse
 Crediderim; quando potuisti perdere, qui te
 Prae grege, praeciaculis vnam praere rete colebat.
 Ah crudelis Accerra tuos cur perdis amores?
 Quò ruis? est Siculo vano rumore puella
 Fabula, nulla magis praevertit fœmina sensus,
 Nulla magis, quàm tu, confixit Accerra medullas.
 Infelix iuuenis, dum te cupit vsque, paratque
 Flectere blanditijs, prece, munere, dum colit vnam.
 Dum te per saltus sequitur, loca sentatque circum,
 Dùmque tibi longa sylvas indagine cingit,
 Et lepores, damasque vni tibi munera servat;
 Tu pro venatu assiduo, pro munere, tu pro
 Blanditijs cetera fata paras, precibusque Dianam
 Immeritis poscens crudelia prœmia factis
 Sollicitas, penitusque nouo percussa furore
 Hac ais, at saeuum mulcent nil verba furorem.
 O Dea, virgineis quam dudum addicta choreis.
 Excolui, mater docuit quo tempore primum

Fallere

*Fallere aues visco, gruibusque intendere lima;
 Si te vnam Venerisque iocis, iucundo & Amori
 Præposui (tanti pura mihi fœdera vitæ)
 Diua precor miserere: vides, quo conciter æstro.
 Deceptam niuea (ni fallor) munere lana
 Te quoque; saeuus Amor vici: quis vincet Amorem?
 Cardinium Scimeris habet, tu digna repende,
 Unam amat, & nostros spernit iam perfidus ignes.*

*Vix hæc edideras, precibus cùm victa Diana
 Annuit, ut vitrea nudam se forte lauabat
 Fontis aqua æstiuo venandi fessa labore,
 Et fratris, spatia assiduo qui summa rotatu
 Lustrat, & aligeras ex ordine temperat horas,
 Auxilium implorat, virisque reposcit ab vno.*

*Ille pererrati transuerso limite cæli
 Urebat terras, vastique patentia ponti
 Marmora, & Icarij rabiem canis igne maligno,
 Exagitans generi humano letumq̃, luenq̃;
 Urgebat passim, ne dum morbosq̃ sitimq̃;
 Sensit, & immisit iuueni nil tale verenti,
 Dum celerem in casses trudit de montibus aprum
 Feruentem radiorum æstum, & abidumq; furorem
 Sideris, atque vstis prorepens ima medullis
 Insinuat se se grassando, & pascitur artus.
 Tum penitus misero nocuus calor ossa perurit:
 Mox sensim venaq̃ arent, macièsque calentem
 Obsidet, & sanguis vanas tenuatur in auras.*

*At ubi crudelem euentum Dea vidit, inquis
 Ereptum satis iuuenem sine munere non est*

SYLLABUM, SEU METAMOR.

Passa mori, fecitque suo de nomine florem;
 Qui nunc dumosis consurgens undique sylvis
 Carduus ardenti venantes fauciat ictu.
 Quæq; manu, & pharetra venatica tela gersbat,
 In spinas vertit, quibus est præcinctus, acutas.
 Hactenus ò retulisse satis tua funera care
 Pastor, ab Elysijs qui nos nunc prospicis agris,
 Atque alias istic petori das iam Deus herbas.
 Quàm bene nunc tecum est actum non cernere, quæ sic
 Nos agitant; altis novus hinc furor Alpibus actus,
 Hinc Germana rapis tempestas omnia, quin hæc
 Ceu nihil, heu tecum turpi iam fœdere vincti
 Galle furens, Parthi, Cilices, Thracæsq;, Getaq;
 Exturbant, miserâsq; abigunt bona nostra capellas.
 Quin dominos, totumq; simul populantur ovile;
 Inuitosque alio cogunt nos vivere calo.
 Usque adeo Ausoniæ pastores tristis Erynnis
 Torquet, & in peius discors sententia versat.
 Verum si superis placitum, si nostra reposcunt
 Crimina, ut æternum satis iactemur iniquis,
 Dîq; Deæq; omnes, quibus est res Itala cura,
 Vos ò præsentis patrijs succurrite votis,
 Vos saltem servate urbem decus orbis, ocellum
 Europa, Italiae sidus, virtutis Asylum,
 Hadriacas inter quæ felix enitet undas,
 Quæ nobis vel numen adest, cui ponimus aras,
 Quam veneror, præclaram urbem, sanctumq; Senatum.
 Cuique triumphales æterna in secula lauros
 Auguror, auspicijs semper melioribus auctæ,

Ut domitis penitus monstribus, atque hoste subactis
 Incluta barbaricos referat Regina triumphos.
 O vinam tecum vinam, condarque sepulcro
 Cara Deum soboles, magnum lous incrementum;
 Et reuocem viduas extincta coniuge Musas.
 Sat lacrymis dedimus: pecudes, venit umbra, redite.

Viola.

Ad Marium Galeotam.

Q Vis violas Galeota tibi, quis carmina nolit
 Nutere? cara tui pars o Galeota sodalis;
 Tu violas, tu carmen amas, en accipe utrunq;
 Dumq; canam violas, violis tibi tempora cinge.
 Quae iuuenem sylua flagranti pectore lolam
 Non videre olim? qui non stupuere canentem
 Prerupti nemorum anfractus; latebrosaq; lustra?
 Dum miser huc illuc letali saucius ictu
 Errat amans, seq; ipsum odit, vitatq; sequentem:
 Dumq; vnam ipse ardet, dum totus Hyantide ab vna
 Pendet, & omne nemus responsat Hyanthida circum.
 Quae rupes illam, quae non nouere latebra?
 Dum pauidos imas in valles pellere damas
 Nuttur, & studio venandi lassae sub umbris
 Accubat, & cantu volucres permulcet, & auras.
 Qui vel amore huius Nymphae non feruidus vltro
 Ingemuit Faunus? qui non cupiere calenti
 Pectore monticola syluestria numina Panes?

S ij Dum

SYLVARUM, SEU METAMOR.

Dum modo fonte sitim pellit, modo sole perusta
 Membra lauat, Parium longe superantia marmor.
 Iam caput Eois Aurora emerſerat vndis,
 Et renocans hilares ad munera ruſtica Nymphas
 Floribus, ac nitido mundum perfuderat auro:
 Cum forte optatam male vidit Hyanthida lolas,
 Ut moſtrarat Amor per roſcida prata vagantem,
 Et vernos tenero carpentem pollice flores:
 Dúmque illa albenti vacinia fuſca liguſtro
 Aſſociat, variásque roſis interligat herbas,
 Narcíſſumque croco, calthámque immiſcet acantho,
 In primísque ſinum violis pallentibus ornat,
 Ac violis paſſos componit in ordine crines;
 Uritur infelix longum miratus, eunti
 Ut circum niteat cellus, ut leniter auræ
 Exhilarent purum rorantibus aëra pennis.
 Ah miſer ecquid agat? cupit ire, & perdere ſupplex
 Verba ultro: at retrahit timor, & iam verba relinquunt.
 Nox inter frutices latitans vix talia fatur.
 En age tuta para vario tibi flore corollas
 Nympha dolor, requiésque animi pulcherrima Nym-
 lam non congreſſus, iam non ſuprema repoſco (pha;
 Gaudia, diuino mihi ſat nunc lumine tantum
 Poſſe frui, mihi ſat procul inſpexiſſe: quid horres?
 Pone metum in ſuperos humanis non licet ultra.
 Num tibi quidue habeat referam, quid poſſit lolas?
 Paruus enim nihil eſt, tamen eſt tuus omnis lolas.
 Illa ubi clamantisque ſonum, ſtrepitumque fructu
 Audiſt, ex templo iam florum oblita retorſiſt

Lumina

*Lumina, nec niueo delapsum pectore jertum
Tollit humo. at postquam tuti nil undiq; vidit,
Diua faue ò nemorum exclamat, cui candida cura
Virginitas, mihi Diua faue: nec plura locuta
Effugit, & celeres visa est se vertere in auras.*

*Tum iuuenis properare gradum conatur: at ultra
Ferre gradum mala fata vetant, ac territus haret:
Mox cadit, & lapsum dum sese attollere frustra
Ter parat, ah lapsus rursus procumbit humi ter:
Nec sibi credit amans infelix, nec sibi constat.*

*Quin simulac florem conspexit, (sparserat omnem
Florem illa huc illuc, miserum cum fugit lolam)
Colligit, atque sinu condit, manibusque retractat,
Atq; hac heu lacrymis verba intermiscet obortis.*

*Tùne ò care mihi, nuper quem pectore fouit,
Flos ille es, nostri quem pignus Hyanthis amoris
Quæ veluti mortis certissima dona reliquit:
Tùne etiam miseri dictus de nomine lola
Testis eris nostri dulcissime floscule leti?*

*Hæc ait, & super incumbens iam liquitur omnis
In lacrymas, iam sanguis abijt, iam deficit intus
Spiritus, ac remanet nil iam de corpore, ni qui
Testetur multus pallentem pallor amantem:
Fit viola, & floris paulatim arctatur in orbem;
Qui vel adhuc retinet mutati nomen lola.*

*Tum Venus extincti casus miserata, voraret
Ne dignos lacrymis obitus fuga temporis vlla,
Munere nèue aliquo miser indonatus obiret,
Instituit, Charitésque noua mox lege notarunt,*

SYLVARUM, SEU METAMOR.

*Ut Viola optati gratissima nuncia Veris
Cingeret æternum crines, & pectora Nymphis.*

Portia.

E*Cquid erit mi cara vxor, lacrymabilis vxor?
Ecquis erit lacrymis modus? ecqua meta dolori?
Sat mihi iam Tuscis, Latijs nunc flenda Camænis
Portia, dulcis amor quondam, nunc nenia tristis:
Portia lux olim, nunc Portia noctis imago.
Uxor mi lacryma semper, lacrymosa voluptas,
Omnia sunt lacrymæ sine te, sunt omnia fletus,
Singula mi squalent sine te, mihi singula sordent:
Dulcia felle madent, vilescunt omnia cara,
Gaudia dant lacrymas, lacrymas mihi quaq; ministrant.
Tu lacrymosa dies, tu nox lacrymosa dolenti.
Quicquid ubiq; oculus spectat, mens captat ubique
Sunt lacrymæ, est mortis misera crudelis imago.
Nec tamen in lacrymas abiit, dolor ipse valebat
Vertere me in lacrymas, quod summum optabat, &
Infelix potuit qui cernere fata maritus, (vnum,
Infelix vidit, vidit nec desijt esse.
Portia dulcis amor quondam, nunc nenia tristis.
O vinam in fluvium lacrymans, & tristis abirem,
Qui propter tumulum, cinerem qui condit amatum
Laberer, hoc saltem solarer funus acerbum,
Ah cinerem extinctum, viuos qui suscitât ignes,
Ah cinerem exiguum, magnam qui pectoris Aetnam
Suscitât: at paruo grandes accendier aestus*

Quis

Quis putet è cinere? at cineres Amor excitat alis
 Portia dulcis amor quondam, nunc nania tristis.
 O viinam in fluium lacrymans, & tristis abirem,
 Qui propter tumulum, nostros qui seruat amores,
 Quique poli, terraq, simul secum occulit omnes
 Delicias, & quicquid Amor magis ornat, & auget:
 Qui ver perpetuum spirat, floresque Sabaos,
 Qui Nicias flentes, casta qui Pallados artes,
 Qui Venerem, et Charitas quàm paruo amplectitur orbe,
 Laberer, hoc saltem solarer funus acerbum,
 Portia dulcis amor quondam, nunc, nania tristis.
 O viinam in fluium lacrymans, & tristis abirem,
 Qui propter tumulum, qui condit dulcia membra,
 Quique rosas, vel adhuc nudi qui lilia vultus
 Seruat, & Ithyblais corallia nata labellis,
 Quiq, ebur, atque aurum, demum mea sidera condit,
 Laberer, & quando misero mi non datur ultra,
 Huc circum, atque illuc amplecterer inuida saxa;
 Inuida saxa nimis, quæ mi bona tanta tulere.
 At vereor, ne æstus tumulo qui flagrat ab imo,
 Aestus, quem nostro suspiria pectore mittunt,
 Protinus exsiccet lacrymosi flumina fontis.
 Verùm ego primum hoc optarim, primumque precarer,
 Ut propter tumulum, nostros qui seruat amores,
 Felicem ad tumulum, cinerem qui condit amatum,
 Tristia deficerent lacrymosa stamina vita.

F I N I S.

MORS UNA DUOBUS.



Io. Francisci Lombardi de rota ad Rotam.

*Cuncta trahit sursum rota ut impete, sic Rota nomen
Multa in secula tuum lucida ad astra leuat.*

Registrum.

*† *A B C D E F G H I K L M N O P Q R S.*

Omnes sunt Duerni.



Imprimatur. Petrus Dusina Vicarius gene. Neap.

Io. Franciscus Lombardus.

N E A P O L I.

Apud Iosephum Cacchium.

1 5 7 2.

